

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**SA TRIDESETTREĆE SJEDNICE GRADSKOG VIJEĆA TUZLA ODRŽANE
27. NOVEMBRA 2023. GODINE U POSLOVNOM OBJEKTU „GRAFIČAR“ SA
POČETKOM U 10,00 SATI.**

- SJEDNICI PRISUSTVUJE 31 VIJEĆNIK.

U Tuzli, novembar 2023. godine

NATAŠA PERIĆ – predsjedavajući Gradskog vijeća Tuzla

Molim vijećnike da zauzmu svoja mjesta. Počinjemo sa radom.

(Intoniranje himne Bosne i Hercegovine.) Poštovani vijećnici Gradskog vijeća Tuzla, poštovani gradonačelnice Grada Tuzle, obrađivači materijala, predstavnici medija, otvaram 33. redovnu sjednicu Gradskog vijeća Tuzla.

Konstatujem da prema evidenciji Stručne službe Gradskog vijeća sjednici prisustvuje 27 od ukupnog broja vijećnika. Za današnju sjednicu, kašnjenje su najavili sljedeći vijećnici: Alen Kapidžić, Merima Softić Sprečić, Admir Hasanbašić i Esana Kavazbašić Huskanović.

Podsjećam vijećnike da su, uz materijale za današnju sjednicu, dobili i Zapisnik, a svaki klub vijećnika i stenogram sa 32. redovne sjednice Gradskog vijeća Tuzla, održane 26.10.2023. godine.

Da li ima primjedbi na Zapisnik sa 32. sjednice?

Ako ne, pozivam vijećnike da se izjasne o Zapisniku sa prošle sjednice Gradskog vijeća. Glasanje je okončano.

Konstatujem da je Zapisnik sa 32. redovne sjednice Gradskog vijeća Tuzla usvojen sa, 27 glasova za, nije bilo protiv i nije bilo suzdržanih.

Za današnju 33. redovnu sjednicu Gradskog vijeća predlažem Dnevni red koji ste dobili u materijalu za sjednicu. Sada stavljam na izjašnjavanje Dnevni red u cjelini i molim vijećnike da se izjasne.

Glasanje je okončano.

Konstatujem da je Dnevni red u cjelini usvojen sa, 27 glasova za, nije bilo protiv i nije bilo suzdržanih.

D N E V N I R E D

- Usvajanje Skraćene verzije zapisnika sa 32. redovne sjednice Gradskog vijeća Tuzla, održane 26.10.2023. godine

1. VIJEĆNIČKA PITANJA I INICIJATIVE

2. RAZMATRANJE I USVAJANJE IZVJEŠTAJA O IZVRŠENJU BUDŽETA GRADA TUZLE ZA PERIOD 1.1. DO 30.9.2023. GODINE

3. RAZMATRANJE I USVAJANJE ODLUKE O OSNIVANJU JAVNE USTANOVE TUZLANSKA RAZVOJNA AGENCIJA “TRAG”.

4. RAZMATRANJE I USVAJANJE:

a) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA UREDOM ZA REVIZIJU INSTITUCIJA U FBIH

b) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA JP BIT CENTAR D.O.O. TUZLA

c) ODLUKE O IZBORU NAJPOVOLJNIJEG PONUĐAČA ZA DAVANJE U ZAKUP POSLOVNE PROSTORIJE U ULICI ZLATARSKA BROJ 7

5. RAZMATRANJE I USVAJANJE IMOVINSKO PRAVNIH AKATA:

a) Odluka o prodaji nekretnine u vlasništvu Grada Tuzle neposrednom pogodbom i davanju saglasnosti na zaključenje ugovora o prodaji

b) Odluka o izmjenama Odluke o prodaji nekretnine u vlasništvu Grada Tuzle neposrednom pogodbom radi oblikovanja građevinske parcele za izgrađeni individualni stambeni objekat

6. RAZMATRANJE I USVAJANJE:

a) **INFORMACIJE O REALIZACIJI AKCIONOG PLANA ZA ROME 2018.-2021. GODINA**

b) **AKCIONOG PLANA ZA ROME I ROMKINJE GRADA TUZLE 2023.-2026. GODINA**

7. RAZMATRANJE I USVAJANJE ODLUKE O POKRETANJU POSTUPKA IZDAVANJA U ZAKUP STANOVA U VLASNIŠTVU GRADA TUZLE I STANOVA NA KOJIMA GRAD TUZLA IMA PRAVO RASPOLAGANJA

8. RAZMATRANJE I USVAJANJE PRIJEDLOGA METODOLOGIJE ZA IZRADU IZVJEŠTAJA O POSLOVANJU JAVNIH PREDUZEĆA I JAVNIH USTANOVA ČIJI JE OSNIVAČ/SUOSNIVAČ GRAD TUZLA

9. RAZMATRANJE INFORMACIJE KOMISIJE ZA PROVOĐENJE JAVNOG POZIVA I PREDLAGANJE KANDIDATA ZA IMENOVANJE ČLANOVA ZDRAVSTVENOG SAVJETA GRADA TUZLE

10. RAZMATRANJE INFORMACIJE O UPRAVLJANJU I ODRŽAVANJU ZAJEDNIČKIH DIJELOVA I UREĐAJA ZGRADA

11. RAZMATRANJE IZVJEŠTAJA JZNU DOM ZDRAVLJA „DR. MUSTAFA ŠEHOVIĆ“ TUZLA O IMPLEMENTACIJI CILJEVA ZA UNAPREĐENJE PROCESA RADA, PRUŽANJA ZDRAVSTVENIH USLUGA I TEHNIČKO-TEHNOLOŠKE OPREMLJENOSTI USTANOVE

12. RAZMATRANJE INFORMACIJE O PROJEKTU IZGRADNJE I REKONSTRUKCIJE CESTE ZA NASELJE MANDIĆI U MZ TUŠANJ

13. INICIJATIVA ZA DONOŠENJE ZAKONA O IZMJENI ZAKONA O OBRTU I SRODNIM DJELATNOSTIMA

14. RASPRAVA O NACRTU ZAKONA O MUZEJSKOJ DJELATNOSTI

15. RAZMATRANJE IZVJEŠTAJA KOMISIJE ZA IZBOR I IMENOVANJA

16. TEKUĆA PITANJA

a) **Obavještenje Službe za prostorno uređenje i zaštitu okoline o razlozima prolongiranja izrade Izvještaja o stanju u prostoru Grada Tuzla.**

Prelazimo na realizaciju Dnevnog reda današnje sjednice Gradskog vijeća.

Prva tačka su:

VIJEĆNIČKA PITANJA I INICIJATIVE

Krećemo sa PITANJIMA.

Ako neko je napis...nije dostavio, a danas će izlagati, nek do kraja sjednice samo dostavi Stručnoj službi, odnosno Slađani.

Eh. Senad Mehmedinović, vijećnik. Izvolite.

SENAD MEHMEDINOVIĆ – vijećnik Pokreta demokratske akcije

Imam dva vijećnička pitanja. samo ću pročitati. (NATAŠA PERIĆ – Molim vas samo malo tišine).

Prvo vijećničko pitanje Službi za boračko – invalidsku zaštitu, stambene poslove i integraciju raseljenih lica: Molim vas da mi dostavite informaciju da li se od korisnika stanova traži da ličnim sredstvima renoviraju krovove zgrada? To je prvo pitanje.

Drugo pitanje isto Službi za boračko – invalidsku zaštitu: Molim vas da mi dostavite informaciju koliko stanova u vlasništvu Grada Tuzle koriste pripadnici porodica šehida i poginulih boraca, dobitnika ratnih priznanja? Hvala.

NATAŠA PERIĆ

U redu. Hvala. Da li još ima neko vijećničko pitanje, a da nije ovaj priložio? (vijećnik Omer Berbić govori bez uključenog mikrofona op.a.). Dobro. Morate sad redom onda. Selma, vijećnica Selma Čatibušić. Izvolite. Neka se pripremi vijećnik Berbić.

SELMA ČATIBUŠIĆ – vijećnik Platforme za progres

Dobar dan svima. Ja ću nakon toga dostaviti, imam već samo da mogu pročitati. (NATAŠA PERIĆ – Dobro).

Prvo vijećničko pitanje: Da li postoji mogućnost za iscertavanje pješačkog prelaza na relaciji Brčanska Malta u području kod „Tehničkog pregleda“ preko puta privatnog objekta takozvani „Izbor trgovine“ ?

Postoji obrazloženje u samom vijećničkom pitanju.

Drugo vijećničko pitanje je prema Vladi Tuzlanskog kantona, odnosno Resornom ministarstvu i Ministarstvu obrazovanja: Koje škole na području Tuzlanskog kantona sprovode program „Obrazovanje odraslih“ koji nisu iz određenih razloga na vrijeme mogli završiti osnovnu školu i na koji način to funkcionise?

Također, obrazloženje se nalazi u samom vijećničkom pitanju.

I od Službe Gradskog vijeća, odnosno nadležne službe također bi tražila registar vijećničkih inicijativa i pitanja. Hvala.

NATAŠA PERIĆ

U redu. Hvala. Vijećnik Berbić. Izvolite. Neka se pripremi... (OMER BERBIĆ – Ja ću priložit). U redu. Hvala. Vijećnica Ana Pejić. (ANA PEJIĆ – Prilažem). U redu. Hvala. Dal još neko ima vijećnička pitanja da nije priložio? Nema.

Prelazimo na VIJEĆNIČKE INICIJATIVE.

Vijećnička inicijativa, Elvir Bijedić. Izvolite.

ELVIR BIJEDIĆ – vijećnik Socijaldemokratske partije

Zahvaljujem predsjedavajuća. Lijep pozdrav svima.

Dakle, ja imam inicijativu prema Skupštini Tuzlanskog kantona, Vladi Tuzlanskog kantona, Ministarstvu zdravstva. Dakle, inicijativa za izradu Pravilnika kojim se uređuju standardi za nabavku upotrebe održavanja automatskih vanjskih defibrilatora, kao i edukaciju građana za njihovo korištenje. Obrazloženje, dakle, neću, ovaj, stoji u sadržaju inicijative, tako da, ovaj, samo ću pročitati inicijativu. Hvala.

NATAŠA PERIĆ

Dobro. Hvala. Sljedeća vijećnička inicijativa. Vijećnik Zoran Jovanović. Izvolite.

ZORAN JOVANOVIĆ – samostalni vijećnik

Hvala predsjedavajuća, uvažene kolegice i kolege, gradonačelnice, ostali prisutni.

Evo ja imam dvije inicijative.

Prva inicijativa upućena je prema Domu zdravlja Tuzla – menadžmentu Doma zdravlja: Molim menadžment Doma zdravlja Tuzla da se izjasni da li postoji mogućnost da se sve službe u Domu zdravlja informativno uvežu, jer po mome saznanju jedan broj nije u informacionom sistemu, pa pacijenti još uvijek koriste pisane nalaze koje moraju čuvati po nekoliko mjeseci radi kontrolnog pregleda kod ljekara i ukoliko postoji način da se pristupi realizaciji pristupa informacionom sistemu Doma zdravlja.

Pa ja sam bio nekad dan kod doktora u jednoj službi. Dobio nalaz i kaže mi sestra: „Čuvajte ga, kad dođete na kontrolu morate ponijet nalaz“. Što to? Kaže: „Nismo uvezani u informacioni sistem Doma zdravlja“. Pa evo radi toga, nisam ja jedini. Vjerovatno ima još pacijenata. Da ne bi mi čuvali po dva, tri. Ako izgubite, nema onda kontrolnog pregleda. Nemamo nalaz. Nemamo trag.

I druga inicijativa je Službi za komunalne poslove i poslove mjesnih zajednica. Vidite meni je drago. Tuzla je otvoren grad za sve građane, boje, rasu, naciju. Međutim, onaj, kroz tu otvorenost malo ugrožavamo neka prava naših građana. Ja kad odem u Sarajevo, svi smo išli u Sarajevo. Tamo ne možete se nigdje parkirat pred tuđu zgradu i u tuđu ulicu, osim na parking i tamo vam naplate.

Mi imamo našu službu koja se bavi parkinzima, koja radi kvalitetno. Svi smo je ocijenili dobro. Na žalost mnogi koji dolaze u grad Tuzlu sa strane, koji obavljaju ovdje poslove, imaju i plate, znači, pokušavaju da prođu besplatno u gradu Tuzla. Cijeli dan parkiraju se ispred naših zgrada, na naše trotoare, na naše zelene površine.

I evo ja predlažem inicijativu prema Službi za komunalne poslove i poslove mjesnih zajednica da se izjasni da li postoji mogućnost da se građanima grada Tuzla ispred njihovih objekata za kolektivno stanovanje omogući nesmetano korištenje parking mjesta i ukoliko postoji način da se pristupi realizaciji istog.

Evo ja dođem, sreća ja u Požarnici, tamo nema nikoga, pa je sve moje. Parking, ulica. Al u gradu moji prijatelji ovdje većina vijećnika i vijećnica vjerovatno imaju isti problem. Ja mislim da bi u ovom pravcu trebalo ić. Po primjeru Zenice, Sarajeva, Banja Luke, Bijeljine. Tamo postoje rampe ispred zgrada. Nek građani naši učestvuju iz tih zgrada. Stanari koji su vlasnici stanova, etažni vlasnici. Nek i oni malo učestvuju, pa da to napravimo, da to liči, a da omogućimo i našoj službi da radi punim kapacitetom još bolje i još više. Hvala.

NATAŠA PERIĆ

U redu. Hvala. Vijećnik Senad Mehmedinović

SENAD MEHMEDINOVIĆ

Inicijativa za donošenje Odluke o davanju prednosti za zapošljavanje osoba s invaliditetom u Javnim ustanovama i preduzećima u nadležnosti Grada Tuzle.

Obrazloženje: Pravo na rad jedno je osnovnih ljudskih prava. Iako je UN Konvencijom o pravima osoba s invaliditetom propisano pravo osoba s invaliditetom na rad na jednakim osnovama sa drugim, stopa njihove nezaposlenosti znatno je viša u odnosu na osobe bez invaliditeta. Osobe s invaliditetom se zapošljavaju uglavnom pod posebnim uslovima u firmama čiji su osnivači organizacije osoba s invaliditetom ili u organizacijama osoba s invaliditetom i to često na određeno vrijeme. Zapošljavanje osoba s invaliditetom definisano je Zakonom o profesionalnoj rehabilitaciji, osposobljavanju i zapošljavanju osoba s

invaliditetom Federacije BiH, usljed čega rade na tržištu rada pod općim i posebnim uslovima. Pod općim uslovima zapošljavaju se osobe s invaliditetom na otvorenom tržištu rada, u državnim tijelima, tijelima lokalne uprave, javnim službama, ustanovama, javnim preduzećima i drugim pravnim institucijama koje nisu osnovane za zapošljavanje osoba s invaliditetom. U članu 15. stav. 3. jasno piše da: „Osobe s invaliditetom imaju prednost pri zapošljavanju u okviru javnog sektora, ako pored općih, ispunjavaju i posebne uslove za radno mjesto“.

Uzimajući u obzir navedene činjenice, a shodno gore navedenom Zakonu, pozivam Kolegij i Gradsko vijeće Tuzle, da se donese Odluka o davanju prednosti za zapošljavanje osoba s invaliditetom u javnim ustanovama i preduzećima Grada Tuzla koje imaju odgovarajuće kvalifikacije, kao i osobe bez invaliditeta koje se prijavljuju na javni konkurs. Hvala.

NATAŠA PERIĆ

U redu. Hvala. Vijećnici Ana Pejić i Anel Ibeljić. (ANA PEJIĆ – Prilažemo). Dobro. Kolega Elvir Bijedić. Vi ste zaboravili jednu...(ELVIR BIJEDIĆ – Prilažem, prilažem. Hvala). Prilažete još jednu inicijativu. Da li još ima neko? Vijećnica Selma Čatibušić. Neka se pripremi Omer Berbić.

SELMA ČATIBUŠIĆ

Ja imam tri vijećničke inicijative.

Prva inicijativa je, to jeste, upućujem je prvenstveno Kolegiju Gradskog vijeća Grada Tuzle, odnosno Gradskom vijeću Grada Tuzle, a kasnije kad se odluka nadam se izmijeni, realizaciju Saobraćaju i komunikacijama i Gradskim inspekcijama Grada Tuzle.

Prilažem vijećničku inicijativu za izmjenu odluke o Komunalnom redu u cilju praktičnog rješavanja problema odvoženja napuštenih vozila uz pomoć novokupljenog „Pauk“ vozila.

Da nekako rezimiram, da ne bi čitala cijelo obrazloženje, potrebno je izmijeniti odluku, utvrditi tačnu nadležnost, iako sam dobila informaciju da su definitivno Gradske inspekcije nadležne, da bi konačno moglo da dođe do toga da ta napuštena vozila „Pauk“ vozilo može odvesti na predviđeno mjesto, da više ne bi zauzimali razne javne površine u gradu, smetali je li našim sugrađanima i ostalim vozilima i slično. Vrlo često se radi o zelenim površinama. Evo, ovo je način na koji se to mora odraditi da bi se moglo u potpunosti sprovesti cijela ideja, je li, i samog „Pauk“ vozila pored svih drugih stvari koje obavlja.

Inicijativa broj dva jeste upućujem je Zavodu za urbanizam za kreiranje skice „Komunikacijske ploče“ koja će biti postavljena na dječijim igralištima u Tuzli kao oblik metode potpomognute komunikacije.

U komunikaciji sa Službom za komunalne poslove, izgradnju i poslove mjesnih zajednica, već sam iskomunicirala ovu inicijativu, priložila i dogovorila praktičnu realizaciju iste, kao također i sa gradonačelnikom. Ono što mi je sugerisano jeste da je bitno navedenu inicijativu proslijediti Zavodu za urbanizam koji bi trebao napraviti „skicu“ jedne takve table, na kojoj će pored znakova koji služe za pomoć u komunikaciji, biti navedeno da je na igralištima za djecu, na tom prostoru, zabranjena i konzumacija alkohola. S toga prosljeđujem ovu inicijativu Zavodu za urbanizam u nadi da će što prije napraviti tu skicu, kako bi došlo do praktične realizacije ove inicijative i da bi se te table napravile.

Šta je zapravo „Komunikacijska ploča“? Predstavlja metodu potpomognute komunikacije razvijene su radi osoba sa motoričkim teškoćama. No, danas se sve više koriste kod djece s primjerice poteškoćama razumijevanja, djece sa dijagnozom iz autističnog spektra, kao i osobama sa demencijom.

Osiguravanje uvjeta za ostvarivanje temeljnog ljudskog prava, prava na komunikaciju, definisano je Poveljom o pravima na komunikaciju. Prema UNICEF-u, čekanje da se govor razvije prirodnim putem ili usmjeravanje intervencije isključivo na razvoj govora i pravilnog izgovora u većini slučajeva ne rezultira poboljšanjem u području komunikacijsko jezičkih – govornih sposobnosti.

Komunikacijske ploče jedan su od oblika niskotehnološke potpomognute komunikacije. Kada kažemo niskotehnološke, tada mislimo na sve predmete, materijale ili opreme bez upotrebe tehnologije koji se koriste kako bi se komunikacijske vještine pojedinaca unaprijedile za funkcionalnu i učinkovitu komunikaciju. Komunikacijske ploče sada postoje najviše u Hrvatskoj, u gradu Zagrebu, i na neki način organizacija Komunikacijske ploče je izrađena prema potrebama i sposobnostima djece koja dolaze u park, igralište ili prostor, a izrađena je nakon pomnog proučavanja opreme i dječije igre, tako da može poticati igru i interakciju djece.

Eto ima na neki način, imaju ovi svi izvori, ovdje sam priložila također fotografije kako bi to trebalo izgledati, tako da nadam se da će Zavod za urbanizam zaista požuriti što se kaže sa realizacijom ove skice, jer je potrebno da se to već riješi.

I treća inicijativa jeste inicijativa za dodjelu priznanja „Tuzlanska lenta“ našem sugrađaninu Mirzi Mustafagiću.

Ovo prosljeđujem Komisiji za odlikovanja i priznanja. Mislim da smo svi upućeni kakva je na neki način humane aktivnosti pokrenuo i smatram da je to jedan dobar primjer građanskog aktivizma. Praktično empirijsko djelovanje i sve sam objasnila u samoj inicijativi. Hvala.

NATAŠA PERIĆ

Hvala. Vijećnik Berbić. Izvolite. (OMER BERBIĆ – Ja ću priložiti). U redu. Da li ima još neko od vijećnika? Dobro.

Kolega Elvir Bijedić i ja imamo, upućujemo jednu inicijativu za uvođenje protokola o postupanju u školama s učenicima oboljelim o epilepsije.

Pozivajući se na Zakon o zdravstvenoj zaštiti posebno na članove 10, 12 i 13. ovog Zakona, podnosimo inicijativu za uvođenje Protokola o postupanju u osnovnim i srednjim školama učenicama oboljelim od epilepsije.

Pravo na zdravlje je jedno od temeljnih prava svakog djeteta, a ostvarenje tog prava mora biti omogućeno i tokom cjelokupnog školovanja svakog učenika. Epilepsija kao teška bolest zbog svojih karakteristika predstavlja ozbiljan medicinski, ali i društveni problem. Pružanjem pravovremene i efikasne pomoći osobama oboljelim od ove bolesti, možemo sačuvati od teških posljedica, ali i spasiti živote ugroženih osoba.

Ovaj Protokol definiše sigurno školsko okruženje za oboljele učenike od ove bolesti sa nekoliko ciljeva. Ja ću navesti samo dva. To je: sprečavanje moguće situacije povećanja rizika za zdravlje i život oboljelog učenika i osiguranje pravovremenog i adekvatnog pružanja prve pomoći u slučaju pojave epileptičkog napada tokom boravka u školi.

U zemljama regiona ustanovljeni su protokoli ove vrste koji su detaljno razrađeni i mogu poslužiti kao osnova za izradu Protokola o postupanju u našim školama na području Tuzlanskog kantona.

Edukacija nastavnog osoblja u vezi sa postupanjem u slučaju epileptičkog napada kod učenika je primarni zadatak i iziskuje neznatna finansijska sredstva i uključivanje medicinskog osoblja u edukaciji nastavnog osoblja. Trajanje edukacije ne bi trebalo biti više od dva sata.

U prilog ove inicijative prilažemo Protokol o postupanju u školi s učenicima oboljelim od epilepsije Hrvatskog liječničkog zbora – Hrvatsko društvo za školsku i sveučilišnu medicinu, da posluži kao polazna osnova u kreiranju našeg Protokola.

A ovu inicijativu upućujemo prema Ministarstvu obrazovanja i nauke Tuzlanskog kantona, Pedagoškom zavodu Tuzlanskog kantona, Ministarstvu zdravstva Tuzlanskog kantona i Zavodu za javno zdravstvo Tuzlanskog kantona.

Prelazimo na drugu tačku Dnevnog reda:

RAZMATRANJE I USVAJANJE IZVJEŠTAJA O IZVRŠENJU BUDŽETA GRADA TUZLE ZA PERIOD 1.1. DO 30.9.2023. GODINE

Predlagač: gradonačelnik Grada Tuzla.

Obrađivač: Služba za budžet i finansije.

Materijal su razmatrali: Komisija za ekonomske odnose, Komisija za poduzetništvo, Komisija za prostorno uređenje i zaštitu okoline, Komisija za komunalne poslove i pitanja mjesnih zajednica i klubovi vijećnika.

Ima li potrebe za uvodnim izlaganjem? (Ima). Ima? U redu.

Molim gospođu Suadu Isaković, pomoćnika gradonačelnika za budžet i finansije da da kratko obrazloženje.

SUADA ISAKOVIĆ – Pomoćnik gradonačelnika za Službu za budžet i finansije

Pozdravljam sve prisutne. Evo kao što znate, u kontinuitetu, u skladu sa Zakonom o budžetima Federacije Bosne i Hercegovine, jedinice lokalne samouprave i svi nivoi vlasti u Federaciji su obavezni da tromjesečno izvještavaju o izvršenju budžeta predstavničko, odnosno zakonodavno tijelo. I ovo je izvještaj koji obrađuje period od 1. januara do 30.09. u stanju budžeta Grada Tuzle.

Ukupna sredstva budžeta Grada Tuzle u periodu važenja, znači, imali smo jedan rebalans u desetom mjesecu, tako da se ovaj iznos povećao, ali obzirom da obrađujemo devet mjeseci, ukupna sredstva planirana budžetom Grada za dvadeset treću godinu su iznosila 79.869.998 maraka. U tim sredstvima prihodi i primici tekuće godine, planirani su u iznosu od 63.204.279 maraka. Suficit u iznosu od 14.800.408 maraka. I primici od kredita za Gradsko groblje „Drežnik“ u iznosu od 1.865.310 maraka.

U izvještajnom periodu, ukupno ostvarena sredstva u budžetu kojima se znači moglo raspolagati do 30.09. iznosila su 58.795.701,83 marke ili 73,61% od ukupno planiranih sredstava i u odnosu na isti period prethodne godine, manja su za 2.181.806,67 maraka ili za 3,58%. U ovom iznosu kojim je Grad raspolagao u prvih devet mjeseci, od 58.795.000, ukupno prihodi ostvareni u tekućoj godini su učestvovali sa 43.256.424,98 maraka, a razlika se znači odnosila na preneseni suficit i utrošena sredstva kredita. Ovaj iznos ostvarenih prihoda u prvih devet mjeseci, u odnosu na planirani, u procentualnom iznosu je 68,43%. Ostvareni prihodi u devet mjeseci, već sam...prihodi su manji za 2.681.171,27 maraka ili za 5,84% nego što imali, znači, u prvih devet mjeseci dvadeset druge godine.

Struktura ovako ostvarena sredstva raspoređena su budžetom Grada Tuzle, a u skladu znači sa odlukom Gradskog vijeća, na osam fondova u zavisnosti od namjene sredstava, a najveće učešće u sredstvima ima opšti fond, koji se znači može koristiti za sve nadležnosti koji u skladu sa Zakonom Grad, kao jedinica lokalne samouprave može obavljati. I u tom fondu smo u prvih devet mjeseci raspolagali sa 41.476.000 maraka i učešće ovog fonda u ukupnim sredstvima budžeta iznosilo je 70,54%.

Na drugom mjestu je fond za komunlanu infrastrukturu sa 10.853.668 maraka ili 18,46%.

Na trećem mjestu fond namjenskih sredstava za puteve sa ostvarenim prihodima od 1.883.000 ili 3,20%.

I dalje imamo ostale, ovaj, pet fondova koje imaju puno manje učešće, ali imaju svoju namjenu propisanu Zakonom o budžetu i iz tog razloga su sredstva tako i raspoređena.

Od ukupno ostvarenih prihoda u izvještajnom periodu od 43.256.000, najveće učešće imaju porez, prihodi od poreza. U ukupnim prihodima ovi prihodi učestvuju sa 28.838.000 maraka ili sa 66,67% od ukupno ostvarenih sredstava u prvih devet mjeseci ove godine.

Vidjeli ste da, što se tiče poreznih prihoda imamo stagnaciju kod prihoda od indirektnih poreza u istom periodu prošle godine računajući i prihode od PDV-a od Direkcije cesta, ostvareno je ukupno otprilike oko 11.905.000. U prošloj godini u istom periodu 12.335.000 za 3,5% su manji indirektni porezi u prvih devet mjeseci ove godine u odnosu na prošlu godinu. A imamo rast poreza od...na dohodak u iznosu od 19,26%, što je, ovaj, značajno.

Što se tiče fonda za komunalnu infrastrukturu, već sam rekla, znači, da smo ostvarili manje prihode i ovdje se znači vidi ta razlika. Manje ostvarenje prihoda po osnovu prirodne pogodnosti za građenje, odnosno rente. U prvih devet mjeseci ove godine ostvarili smo manje 2.434.559 maraka u odnosu na isti period prošle godine, skoro pola manje nego u protekloj godini. To je uticalo da nam ukupna sredstva budžeta budu manja.

Također, već sam na ranijim, ovaj, izvještajima ukazivala na kretanje naknade od prihoda ostvarene radom Termoelektrane. I tu smo imali manje prihode za isti period za 522.161 marku ili za 17,63% u odnosu na isti period prethodne godine.

Ovako prikupljena sredstva u budžetu, mi smo, da kažem, imali dobar osnov da vršimo realizaciju utvrđenog budžeta, jer, ovaj, uglavnom su prihodi pratili i planirani budžet, a sredstva su se trošila u skladu sa utvrđenim budžetom i odlukom o izvršavanju budžeta od strane Gradskog vijeća.

U prvih devet mjeseci od iznosa kojim smo raspolagali ukupno je utrošeno 45.730.569 maraka ili 57,26% u odnosu na plan. Rashodi u ovom periodu u odnosu na prošlu godinu veći su za 5.311.000 ili 13,14% nego u istom periodu prošle godine.

Najveći potrošači kao i uvijek su Služba za komunalne poslove sa 43,51% od ukupnog iznosa. Služba za ekonomski razvoj 11,06%. Zatim, Služba civilne zaštite i Služba za kulturu, sport, mlade i socijalnu zaštitu, i ove tri službe su u izvještajnom periodu potrošile trideset dva miliona od ovih četrdeset pet, trideset dva miliona i četrdeset četiri hiljade maraka.

Za komunalnu infrastrukturu u izvještajnom periodu utrošeno 18.154.000 najviše za sanaciju, rekonstrukciju i tekuće održavanje puteva oko 5,5 miliona maraka. Ukupno je, su 42 putna pravca sanirana i njih imate navedene imenom i prezimenom i u kojoj mjesnoj zajednici se nalaze u samom obrazloženju. Osim, znači, sanacije puteva za tekuće održavanje za devet mjeseci utrošeno oko 1.800.000. Zatim, imamo ovu zajedničku komunalnu potrošnju, higijena grada, zelene površine, zimska služba 2,5 miliona. I ima ovaj različite stvari. Pobrojali smo u obrazloženju da vam ne oduzimam vrijeme.

Aktivnosti ekonomskog razvoja, poduzetništvo i poljoprivrede 6,5 miliona za devet mjeseci. Od toga je najviše sredstava utrošeno za finansiranje dvije javne ustanove koje su budžetski korisnici 1.680.000. Blizu 4 miliona za finansiranje ostalih javnih ustanova i javnih preduzeća, čiji je suosnivač ili osnivač Grad Tuzla, počev od Pozorišta, Biblioteke, BIT Centra, Tržnica – pijaca, Stadiona „Tušanj“ i tako dalje.

Što se tiče finansiranja socijalno ugroženog stanovništva u izvještajnom periodu utrošeno je oko 2.100.000 maraka od planiranih 2.883.000 maraka i Grad Tuzla godinama znači, ovaj, pridaje veliki značaj ovoj oblasti i iz godine u godinu imamo i povećanje sredstava, a i utvrđivanje nekih novih aktivnosti koji se finansiraju iz budžeta. U samom obrazloženju imate tačno pobrojano za koje aktivnosti, koji iznos je doznačen za devet mjeseci.

Što se tiče finansiranja nevladinog sektora i drugih aktivnosti i tu je Grad Tuzla dosta aktivan, počev od sporta, kulture, finansiranja nacionalnih udruženja, udruženja nacionalnih manjina, projekata za mlade, davanje stipendija studentima, učenicima i za medije i ostale aktivnosti koje su finansirane utvrđene budžetom Grada Tuzle za dvadeset treću godinu su se

vršile redovno. Grad je bio likvidan. Uredno je izvršavao svoje obaveze i prema uposlenicima i za kreditne obaveze.

I na kraju, presjek devet mjeseci u budžetu Grada Tuzle prihodi, rashodi ukupno je ostvaren, znači, ukupna sredstva raspoloživa minus ostvareni rashodi u devet mjeseci. Na kraju smo dobili suficit od 13.065.132,78 maraka. I ovaj suficit se sastoji iz prenešenog suficita iz prethodne godine od 14.800.000 i ostvarenog deficita u tekućoj godini od 1.735.000. Znači, da nismo imali prenešenih sredstava, mi bi sad bili u deficitu za devet mjeseci 1.735.000. I evo, znači, na kraju, međutim, ovih 13.065.000, kao finansijski rezultat za devet mjeseci su sredstva koja su već angažovana u iznosu od 10.497.000 za različite započete projekte, koji se finansiraju i koji su odobreni iz budžeta. Pa evo ja ću samo neke malo veće nazvat, recimo nabrojati, za put Mandići. Imamo rezervaciju u budžetu oko 1.300.000. On znate imate informaciju vezano za ovaj put, zatim za groblje „Drežnik“ ukupno rezervisanih sredstava, a ne potrošenim sa 30.09. 1.650.000. Imamo različite nabavke sanitetskih vozila, specijalnih vozila u Civilnoj zaštiti. Pa evo sanitetsko vozilo 170.000, cisterna 106.000, vatrogasno vozilo 570.000, kružni tok „Crveni 7“ 1.150.000. znači, sve su to, ovo sam samo dio nabrojala, ono što je izrezervisano u ovih 10 miliona, što znači da, il je tek ugovor potpisan, il je, ovaj, nabavka bila u toku na dan 30.09. i za takve aktivnosti je potrebno da su sredstva obezbijedena budžetom i ona se početkom započinjanjem postupka javne nabavke rezervišu u budžetu. Ukoliko ne budu završeni određeni projekti, oni će se prenijet u iduću budžetsku godinu. Evo toliko. Hvala.

NATAŠA PERIĆ

U redu. Hvala gospođi Isaković.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Vijećnik Berbić. Izvolite. Neka se pripremi vijećnica Ana Pejić.

OMER BERBIĆ – vijećnik Naše stranke

Pa, vidan je napredak. Vidno je da se nešto počelo raditi, da se malo prodrma ovaj aparat od 430 zaposlenih. Uspavani možemo reći aparat, koji je u zadnjih deset godina jako slabo radio. I to je dobro. To je dobro. Ali imam par pitanja, prije svega, mislim da je to za službe. Al vidim ovdje da smo za Slanju Banju izdvojili 240.000 maraka. Zanima me koji su to projekti od 240.000 maraka na Slanoj Banji, pošto se ja ne sjećam da se nešto radilo tamo ove godine, a za 240 maraka trebalo bi bit vidljivo šta se to radilo.

Takođe me zanima ova sanacija Korza od 50.000 maraka. Ja sam vidio par dana radove na Korzu, da su se digle ove ploče, pa nešto se tu iščačkalo. Al me zanima šta je tu tačno koštalo 50.000 maraka? I ako je stvarno zaista ovih par ploča što se diglo, mislim da to nije korektno i da to nije u redu i neko treba da uradi reviziju ovih projekata da vidimo za šta tačno dajemo pare. Puno je para 50.000 maraka. Možda nije kada je naš budžet 70 miliona, pa sad da se neko osvrne na pedeset, na dvije, na tri. Al stvarno je puno 50.000 maraka kada uzmete običnom čovjeku, da pješaka zona, ne znam baš da je vidljivo da su se uložile ovolike pare.

A subvencionirali smo pojedincima komunalne naknade. Koje komunalne naknade smo subvencionirali i zbog čega? To me zanima, zato što znam da smo uveli bili one komunalne naknade, ne mi, nego Vijeće prije, pa to se ukinulo. Ali u ovom budžetu se vidi da smo, odnosno u izvršenju da su se subvencionirale komunalne naknade. A također me zanima kako je moguće da se za...Oprostite, može li samo...(NATAŠA PERIĆ – Može malo tišine). Dekoncentrišete me.

A zanima me, zanima me kako se utrošilo 5.000 maraka od 20.000 maraka za oboljele u inostranstvu, kad znamo da konstantno vidimo pozive, razne pozive ljudi koji skupljaju novac da idu da se liječe u inostranstvo i tako dalje. Mislim da je ovo jedna stavka koju bi eventualno trebali povećati, a u isto vrijeme...Oprostite, možete samo malo tiše. Dekoncentrišete me. Zanima me kako se potrošilo pet hiljada od dvadeset? Da li će se do kraja godine svih ovih dvadeset hiljada potrošiti? Mislim da je to stavka na kojoj ne bi trebalo da bude bilo kakvih, bilo kakvih sredstava koja nam ostanu na kraju godine.

Također sam vidio činjenicu evo da je Civilna zaštita potrošila oko 40% budžeta. Što je dobro, to znači, da nismo imali velikih problema. Ali, volio bih da znam da li ima evo mogućnost imamo kasnije ovu tačku o zajedničkim prostorijama. Da li ima mogućnost da se Civilna zaštita ukoliko potroši samo recimo 40% od novca koji je namijenjen, možemo li na neki način taj novac preraspodijeliti? Ovo je sada više političko pitanje. Preraspodijeliti za neke druge namjene. Ovaj novac koji se ne utroši tipa za sanaciju skloništa. Ja znam da ima budžetska tačka sanacije skloništa, odnosno skloništa i da je tu ne znam sigurno iznad milion i po ili dva, da se do sada akumuliralo. A mene sigurno na sedmičnoj bazi kontaktiraju stanari neke zgrade i pitaju kako da riješe pitanje svog skloništa koje je poplavilo krivicom Vodovoda ili krivicom ovog ili krivicom onog ili da jednostavno se ne održava. A mislim da je to stvar koju bi mi trebali, koju bi mi na neki način trebali, trebali riješiti.

Samo da vidim da li sam dobro shvatio trinest i po miliona imamo suficita, minus rezervacije, plus ono što će se utrošiti, jel moguće da nam ostane neka tri miliona u suficitu na kraju godine? Dal ćemo mi taj novac na iduću godinu prebacivati i dal su nam ta tri miliona operativna, dal mi njih možemo na neki način preraspodjelom? Već je kasno za ovu godinu. Al dal možemo idućim budžetom mi na ta tri miliona računati plus u odnosu na ono što je, ovaj, u odnosu na ono što smo zacrtali?

To su otprilike samo neka od mojih pitanja. Opet kažem, vidi se napredak. Ima puno problema. Valja sad rješavati. Valja sada rješavati te probleme. Imam također i puno pitanja, jer evo ova sanacija, pogotov pješačke zone na Korzu od 50.000, stvarno nisam vidio. Evo, možda neko od vas jest, al ja nisam vidio i nisam primijetio šta je to 50.000. To je puno para. Ili Banju od 240.000. Ukoliko, ovaj, ukoliko nisam, ukoliko ima nešto da se zaista radilo, a da ja to nisam primijetio, ja se izvinjavam, ali ukoliko nema, mislim da bi ove stvari trebali na neki način vidjeti, vidjeti o čemu se tu radi. Eto. Toliko. Hvala ljepo.

NATAŠA PERIĆ

U redu. Hvala vijećniku Berbiću. Za riječ se javila vijećnica Pejić. Izvolite.

ANA PEJIĆ – vijećnik Socijaldemokratske partije

Hvala. Evo ja vas sve pozdravljam. Neću puno dužiti. Samo bih se osvrnula, kao i kad smo usvajali, znači, budžet za 2023. godinu, tako iz ovog izvještaja o izvršenju budžeta Grada Tuzla za prvih devet mjeseci, možemo vidjeti da je budžet prije svega realan, razvojni i socijalni je li. I kao što je navedeno, znači, u ovom izvještaju, prihodi i primici, kao i neutrošena kreditna sredstva i sredstva iz prethodne godine, kao što reče i Suada iz Službe za budžet i finansije, su u okviru različitih fondova u skladu sa njihovom namjenom. I iz ovog izvještaja o izvršenju budžeta, znači, za period 01.01. do 30.09.23-e godine, svakako možemo vidjeti i zaključiti jel, da Grad Tuzla odgovorno upravlja budžetskim sredstvima i samim tim doprinosi boljem i svakako kvalitetnijem životu naših sugrađana i sugrađanki. Hvala.

NATAŠA PERIĆ

U redu. Hvala. Dal se još neko od vijećnika javlja? Vijećnik Mensur Alić. Izvolite.

MENSUR ALIĆ – vijećnik Tuzlanske alternative

Zahvaljujem predsjedavajuća. Pozdravljam sve prisutne, gradonačelnika, pomoćnike službi i medije i sve vijećnice i vijećnike. Ja želim samo da pohvalim Službu za finansije na ovako dobrom izvještaju za devet mjeseci.

Naime, sve je ovdje prikazano. Onaj ko želi samo da ovo dobro razradi, mislim da će mu bit sve jasno. Zašto to govorim? Zato što se vidjelo da u devet mjeseci se radilo toliko naporno. Sve službe su radile. Sva javna preduzeća. Svi su bili uključeni kako bi ovaj grad izgledao bolje i naravno kako bi se sredstva utrošila koja su prenesena iz 2022. godine. To je bio suficit od 16 miliona.

Imamo danas ovu razliku koja je negdje oko 13 miliona i radovi naravno, uvijek treba razmišljat o tome da svake godine mi imamo radove koje počinjemo u jednoj godini, a završavamo u sljedećoj, ali sredstva se moraju obezbijediti za sve one projekte koje su počeli, ili koji su počeli gradnja ili koji se nalaze već na tenderu koje završavaju tendere.

Ono što mene raduje i što u razgovoru sa građanima, imam svakodnevno i raznim poslovnim ljudima da Tuzla mijenja svoj izgled. Da dobiva nešto novo što je veoma važno i što je tempo koji je nametnut od strane gradonačelnika. Veoma teško i službe prate njegov tempo. Trebaće da se malo naviknu i zato kažem, zato neko kaže da, ovaj, se pokrenule službe. Pa naravno da se moraju pokrenut. To je Omer govorio upravo. Naravno Omere da se moraju pokrenuti zato što je tempo, kad, ovaj, centafor, kad kapiten nametne utakmicu jaku, onda moraju i igrači da se osebe. Ovdje pokazuje da i službe rade svoj dio posla, al će im trebat vremena da se naviknu na ovakav tempo.

Ja se nadam da ćemo mi iduću godinu, ovaj, takođe nastaviti u ovome smjeru u kojem smo počeli. Čestitam još jednom i svim službama i naravno Službi za finansije i gradonačelniku kao menadžmentu. Ja ga zovem menadžment, ovaj, Gradske uprave, jer to su ekonomisti koji znaju svoj posao raditi. Zahvaljujem.

NATAŠA PERIĆ

Hvala kolegiću Aliću. Za riječ se javio vijećnik Tanasilović. Izvolite.

MIODRAG TANASILOVIĆ – vijećnik Socijaldemokratske partije

Zahvaljujem predsjedavajuća. Evo srdačan pozdrav, obzirom da se javljam prvi put za sve prisutne. Evo i ja ću se malo nadovezati na riječi naših kolega vijećnika. Dakle, evo razmatramo, ovaj, izvršenje budžeta za prva tri kvartala tekuće godine.

Budžet sa ekonomskog aspekta je sastavljen, dakle, dvije strane prihoda i rashoda. Svi mi gledamo onu rashodovnu stranu, a to su naše želje, dok slabo obraćamo pažnju na prihode, što je realnost, odnosno naše mogućnosti.

Ja ću isto pohvaliti sve službe Gradske uprave, a ovom prilikom naročito Službu za budžet i finansije, koja svaki put, ovaj, nama dostavi detaljan, dakle, izvještaj kada se radi o Nacrtu budžeta, o izvršenju budžeta i svim onim aspektima koje su vezane za budžet.

Takođe, pohvale našem gradonačelniku koji je, evo, hajde da kažemo, unio svježu krv što se tiče Gradske uprave i grada i malo su po mom skromnom mišljenju, ovaj, dosta aktivnije sve službe.

Dakle, kada se radi o izvršenju budžeta, evo ja ću također opet podvući da se radi o razumnom i racionalnom trošenju, dakle, sredstava. Ovaj suficit iz prošle godine je nam dobro došao da se pokrije ovaj deficit i nadam se evo da ćemo uz razumno korištenje sredstava uspjeti prenijeti nešto i u narednu godinu, jer i na prošloj sjednici smo, ovaj, malo i dobili neke naznake da će što se tiče iduće godine projekcija prihoda od Uprave za indirektno biti manja za nekih od 1,8 do 2 miliona, tako da moramo, ovaj, dobru pažnju posvetiti izvršenju budžeta do kraja godine i da pokušamo što više, ovaj, sredstava prenijeti u narednu godinu i, (NATAŠA PERIĆ – Molim vas malo tišine) i naravno, ovaj, kao vijećnik ću podržati ovu odluku o izvršenju budžeta za tri kvartala tekuće godine. Hvala.

NATAŠA PERIĆ

Hvala. Zaključujem raspravu vijećnika.

Zamoliću gospođu Suadu Isaković da odgovori na pitanja koje je postavio vijećnik Berbić.

SUADA ISAKOVIĆ – Pomoćnik gradonačelnika za Službu za budžet i finansije

Evo ja ću pokušat sa informacijama koje su u finansijama bile dostupne vezano za ova pitanja.

Vijećnik Berbić je postavio više pitanja. Jedno od njih je otkud komunalne naknade kada su one ukinute, čini mi se, prethodne godine, hajd, ovaj, vi znate da je ona naša odluka o kojoj se puno raspravljalo, ali da je ona bila jednu godinu na snazi, da je izdato čini mi se preko deset hiljada rješenja obaveznicima ove komunalne naknade. To su uglavnom bili nosioci stanarskog prava, odnosno, vlasnici stanova. Da su ta rješenja otprilike bila u vrijednosnom iznosu za kvartale 13 maraka, 9 maraka, 23 marke, ne znam ni ja. Uglavnom radilo se o velikom broju dokumenata, o iznosima koji nisu veliki i da je Gradsko vijeće tada, da bi određenu kategoriju stanovništva pomoglo, donijelo u odluci, ovaj, donijelo mjeru da se pomognu penzionieri, čini mi se samo penzioneri, možda i neke druge kategorije, obzirom da moja Služba ne radi upravni postupak po toj odluci i tada je Služba za komunalne poslove kojoj su, kategorije koje su bile povlaštene, a imale pravo subvencije podnosile zahtjeve za subvencioniranje te naknade koja im je utvrđena rješenjem.

Mnogo, ja ne znam broj rješenja, obzirom da su, odnosno, broj zahtjeva koje je podnesen u Službu za komunalne poslove. Mi sada u budžetu moramo planirati sredstva za isplatu tih subvencija, obzirom da su oni stekli pravo. Možda će to trajati još par godina, jer je jako puno zahtjeva podneseno i Služba vjerovatno ne može da isprati u jednoj godini da donese sva ta rješenja. To su vjerovatno hiljade rješenja. Iznosi su veoma mali, jer vidite ovih ne znam koliko, nisam sad zapamtila iznos koji je isplaćen za devet mjeseci, ali te pare koje se uplate, isplate iz budžeta ona se istovremeno i uplate u budžet, jer umjesto onog kome mi dodjeljujemo subvenciju uplaćujemo ta sredstva. Ona su istovremeno i prihod i rashod. Vidjećete tamo da se slaže cifra u budžetu.

Mi ćemo imati oko te komunalne naknade puno ljudi koji nisu ostvarili pravo na subvenciju, a nisu uplatili. Tu hoćel se voditi sudski sporovi? To će biti troškovi za veoma male iznose. Biće jako puno posla. (OMER BERBIĆ – Možemo li mi to isplatiti)? (NATAŠA PERIĆ – Nemojte dobacivat). To, to vjerovatno će neko nekad postaviti pitanje ko bude.

Što se tiče ovih dodjela jednokratnih pomoći za liječenje u inostranstvu, ova mjera je utvrđena našim Pravilnikom za dodjelu jednokratnih pomoći. Služba nadležna vodi upravni postupak. Znači, sredstva se dodjeljuju na osnovu zahtjeva stranke. Služba vodi upravni postupak. Donosi rješenje i ona se isplaćuju i ja koliko znam nakon devetog mjeseca bilo je još 10.000 dodatnih koje su isplaćene. Znači, postupak se vodi po zahtjevu stranke.

Što se tiče sanacije skloništa iz sredstava predviđenih u budžetu, ova sredstva vidjeli ste da su planirana u posebnom fondu, zato što ona imaju svoju namjenu u skladu sa posebnim federalnim zakonom. Ona se akumuliraju, ne prikazuju se kao prihod do momenta dok se ne potroši. Mi imamo blizu 2 miliona akumuliranih ovih sredstava. Ona se moraju utrošiti po posebnoj proceduri, kada Grad odluči i donese planske dokumente, konkretno za koje sklonište, šta će se raditi. Znači, resorna služba treba da predloži način, odnosno, ne namjenu. Namjena je utvrđena, nego koja skloništa, hoće se vršiti izgradnja nekog novog skloništa ili će se vršiti sanacija postojećih? Ali ovi poslovi su u sklopu Civilne zaštite. Oni u zadnje vrijeme planiraju ovih 200.000 maraka od ovog ukupnog iznosa ukoliko bude zatrebalo interventno da se djeluje za određena skloništa.

Što se tiče suficita koji je sad iskazan, u odnosu na izvršene rezervacije u budžetu, mi ne možemo. Mi možemo procjenjivati to. Sad radimo. Procjenjujemo za ovu godinu koliki će biti prihodi i koliki rashodi sa ovim zadnjim podacima za nekih jedanest i po mjeseci i već ćemo vjerovatno unijeti neki procijenjeni višak prihoda nad rashodima u 24-u godinu. A to će nama trebati radi onog namirenja, ona dva miliona i nešto koje smo rekli, tako da vidjećemo u prijedlogu budžeta s kojim iznosom možemo realno, mislim vrlo oprezno to treba raditi, jer po završnom računu da ne bi došli u deficit, a unaprijed uzeli sredstva i rasporedili ih, ali ono što bude ostvareno po završnom računu, biće rebalans budžeta za 24-u i Vijeće će opet rasporediti ta sredstva, ukoliko naravno bude tog viška prihoda. I, imamo...I to je to. Eto. (OMER BERBIĆ – Oprostite, bila su dva pitanja, ne za vas, nego za Službu za komunalno. Mogu li ja pismeno)?

NATAŠA PERIĆ

Možete vi pismeno. (OMER BERBIĆ – Ja ću sad da zatražim pismeno evo da im pošaljem). Pa evo ko zaključak možete. (SLAĐANA KRAJINA – Ne može zaključak). Ne može zaključak). (SLAĐANA KRAJINA – Pa evo čuli su pitanja iz stenograma pa će vam dostaviti odgovor). Evo nek vam odgovore. Dostavit će vam odgovor. U stenogramu ima, pa eto ...U redu. Hvala.

Stavljam na izjašnjavaње IZVJEŠTAJ O IZVRŠENJU BUDŽETA GRADA TUZLE ZA PERIOD 1.1. DO 30.9.2023. Molim vijećnike da se izjasne.

Glasanje je okončano.

Konstatujem da je IZVJEŠTAJ O IZVRŠENJU BUDŽETA GRADA TUZLE ZA PERIOD 1.1. DO 30.9.2023. GODINE usvojen sa,
26 glasova za, niko nije bio protiv i nije bilo suzdržanih.

Prelazimo na treću tačku Dnevnog reda:

RAZMATRANJE I USVAJANJE ODLUKE O OSNIVANJU JAVNE USTANOVE TUZLANSKA RAZVOJNA AGENCIJA "TRAG"

Predlagač je: gradonačelnik Grada Tuzla.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Ima li potrebe za uvodnim izlaganjem? (vijećnik Mensur Alić govori bez uključenog mikrofona op.a.). Možete kratko Alma. Jeste. I radi medija i svega. Javnosti. Alma Halilović, pomoćnik gradonačelnika za ekonomski razvoj i poduzetništvo. Izvolite.

ALMA HALILOVIĆ – Pomoćnik gradonačelnika za Službu za ekonomski razvoj, poduzetništvo i poljoprivredu

Hvala. Dobar dan. Sve vas srdačno pozdravljam. Evo kao što smo i čuli, kao tačku Dnevnog reda, radi se o formiranju, odnosno, osnivanju Javne ustanove Tuzlanske razvojne agencije „Trag“.

Osnovni razlog za upućivanje ovakvog prijedloga Gradskom vijeću, najvećim dijelom je sadržan u činjenici da želimo intenzivirati aktivnosti apliciranja na javne pozive za dodjelu sredstava i provedbu razvojnih projekata svih vrsta i domaćih, a posebno projekata finansiranih iz fondova Evropske Unije.

Iako je Grad Tuzla i do sada imao zavidne rezultate i u apliciranju na javne pozive i u realizaciji projekata, činjenica je da gradske službe u svoje redovne nadležnosti nemaju dovoljno kadrovskih resursa kako bi optimizirali učinke u ovom segmentu. Na ovaj način bi se ojačali kadrovski kapaciteti i sa ciljem da se upravo apliciranja, odnosno, da se infrastrukturni projekti, projekti iz oblasti turizma, projekti iz oblasti ekonomskog razvoja, energetike, kulturne i druge manifestacije, da se većim dijelom finansiraju iz projektnih sredstava, a da se istovremeno rastereti budžet Grada Tuzla u ovim segmentima.

Naravno, Agencija bi usko surađivala sa Gradom, sa javnim preduzećima i ustanovama, a predviđeno je i da se bave edukacijom iz oblasti pripreme i realizacije projekata i za druge poslovne subjekte na komercionalnom nivou.

Osim ovog dijela, Agencija bi imala i svoj strateški segment, u tom smislu da bi koordinirala izradu i implemtentaciju razvojne strategije Grada, kao i praćenje usklađenosti dokumenata strateškog planiranja sa hijerarhijski višim dokumentima strateškog planiranja.

I naravno, Agencija bi imala i svoju promotivnu ulogu u smislu promocije, privrednih i turističkih potencijala i identifikacije razvojnih mogućnosti Grada.

Ovom odlukom su utvrđena postupanja u smislu same registracije Agencije, u smislu formiranja upravljačkih tijela i u smislu donošenja neophodnih akata za početak rada Agencije.

Uvažavajući da će Agencija djelovati kao javna ustanova, kao redovni izvori finansiranja, predviđena su sredstva iz budžeta Grada, na način da će Agencija poslovati u okviru budžeta Grada, prema propisima i pravilima trezorskog poslovanja.

Nivo finansiranja biće predmetom razmatranja budžeta Grada Tuzla za 2024. godinu, a u narednim godinama se očekuje i povećanje stepena samofinansiranja kroz samu realizaciju projekata.

Ukoliko podržimo ovakvu odluku, plan je da Agencija počne sa radom od 1. januara naredne godine, a sjedište Agencije je planirano da bude u prostorijama koje su u vlasništvu Grada Tuzle, a koje trenutno koristi i Narodna i Univerzitetska biblioteka Tuzla.

NATAŠA PERIĆ

Hvala vam.

Otvaram raspravu klubova vijećnika.

Prvi za riječ se javio vijećnik Ćerim Rastoder, ispred Kluba samostalnih vijećnika. Neka se pripremi vijećnik Anel Ibeljić.

ĆERIM RASTODER – samostalni vijećnik

Zahvaljujem predsjedavajuća. Pozdravljam sve kolegice i kolege vijećnice i vijećnike, gradonačelnika, kao i ostale, ovaj, službe koje su danas prisutne ovdje i medije i tako dalje.

Danas je pred nama vijećnicima jedna vrlo važna tačka Dnevnog reda, Odluka o osnivanju nove firme, koja je prema broju zaposlenih veoma mala, al nadam se da će prema efektima biti dosta velika.

Naša, naš Grad, Gradska uprava, javne ustanove i tako dalje, nema samo pravo već i obavezu, kao Grad koji učestvuje u punjenju budžeta svih nivoa vlasti, naravno da koristi sredstva svih novoa vlasti, počev od kantona, federacije, države i tako dalje, a i dostupnih EU fondova koji bi prema nekoj procjeni, kako se naša bude zemlja kretala prema Evropskoj Uniji trebala biti sve pristupačnije za našu državu. I oni se mjere u milijardama.

Možda baš u nazivu ove firme skraćenom nazivu „Trag“, najbolje može da se da odgovor koja je zadaća ove firme. Znači, traganje za investicijama, za projektima, a sve za dobrobit građanki i građana grada Tuzle.

Odluka je prema ovome što nam kolegica iznijela, a i prema dokumentu koji smo dobili, ovaj, dosta sveobuhvatna. Sadržava dosta elemenata. Ja sad ne bi ovdje nabrajao sve šta je definisano. Koje su to osnovne zadaće, znači od praćenja objava, konkursa, traženje, traganje za stranom pomoći, provedbe razvojnih projekata, edukacije i tako dalje i tako dalje i smatram da, ovaj, da se ovaj djelokrug može u nekom narednom periodu kako se bude javna ustanova širila i proširivati.

Vrlo je važno, evo kad smo naveli koje su to oblasti prema kojima se može aplicirati prema određenim međunarodnim i domaćim institucijama i to su uglavnom neki, ovaj, neki projekti koji su i za nas važni, koje mi ostvarujemo, odnosno, na nivou Grada. Znači, iz oblasti kulture, zaštite okoline, obrazovanja, razvoja i poduzetništva, potrošačkoj politici, zdravstvu, pravosuđu, finansiju, mladim, sportu, sportskom društvu i tako dalje. To su, ovaj, sve oblasti koje, koje, ovaj, će ova Agencija nadamo se, onaj, poboljšati na neki način do sada i bilo je i do sada vjerovatno tih projekata, ali ovom Agencijom mi smatramo, odnosno, ja smatram da će se taj obim saradnje i traganjem za tim projektima povećati.

Ovdje, ono što je evo i u prvoj tački Dnevnog reda, odnosno u drugoj, kolega Mensur već istakao. Ovdje se na neki način i osnivanjem ove javne ustanove ogleđa, odnosno, dobro može sagledati i vidjeti da je naš gradonačelnik po struci ekonomista i da će sigurno, onaj, pokušati ne samo koristiti sredstva koja nam pripadaju putem poreza i tako dalje, povrata, nego i na razne druge načine. Evo mi možemo vidjeti ovih dana, odnosno, u proteklom periodu da je upravo gradonačelnik u više navrata komunicirao, odnosno obilazio organe vlasti na nivou federacije, gdje su dogovoreni određeni projekti. Neki dan je, što je možda i vrlo važno i bitno istaći, imao je sastanak sa Vladom kantona, gdje su dogovoreni određeni projekti i to ja na neki način pohvaljujem. Ovaj, ovdje je nebitno za građane grada Tuzle, za lokalni nivo, gdje ljudi očekuju bolji neki život. Koja je politička opcija, gdje je, i tako dalje. Znači, mi trebamo kao grad, kao najveći grad kantona i jedan od najvećih u federaciji da koristimo benefit, odnosno ono što nam pripada, jer neshvatljivo je da neki manji, manje općine koje možda nemaju stanovnika, koje neke naše mjesne zajednice, kao neke naše mjesne zajednice povlače veći dio sredstava od kantona. I taku, taku, ovaj, praksu treba prekinuti i upravo ja sam smatram da će i ova firma nova, javna ustanova koju otvaramo raditi na tome i da ćemo u narednom periodu osjetiti svi određene benifite.

Takođe danas imamo jednu od tačaka, vidio sam tamo metodologija izvještavanja. Isto tako možda ne bi bilo loše da u narednom periodu za svaku javnu ustanovu kod godišnjeg izvještavanja, bude jedna od posebnih tačaka koja su to sredstva, koliko je sredstava povučena sa većih nivoa od projekata Evropske Unije i tako dalje.

U svakom slučaju podržavam ovu odluku i smatram da ovo na neki način će bit nešto revolucionarno za naš grad. Da ćemo ući i biti prepoznatljivi po tome da u narednom periodu privlačimo što više sredstava, jer sredstava će bit posebno od Evropske Unije. Nadati se da ćemo ubrzo otpočeti sa tim pregovorima i pridruživanju. Toliko. Hvala.

NATAŠA PERIĆ

Hvala kolegi Rastoderu. Sljedeći za riječ se javio vijećnik Anel Ibeljić, ispred Kluba SDP-a. Neka se pripremi vijećnica Čatibušić.

ANEL IBELJIĆ – vijećnik Socijaldemokratske partije

Hvala predsjedavajuća. Sve vas srdačno pozdravljam, s obzirom da je moje prvo javljanje. Svim kolegama i kolegicama želim uspješan, produktivan i konstruktivan današnji rad.

Ovu priliku koristim da čestitam i pohvalim gradonačelnika Zijada Lugavića, jer je u stvari osnivanje ove Agencije bila upravo njegova ideja, a vidimo da je tu svoju ideju pretočio u konkretno djelo.

Kao što je vidljivo iz same Odluke o osnivanju Javne ustanove Tuzlanska razvojna agencija „Trag“, posebno iz člana 7. koje reguliše djelatnost razvojne agencije, vidljivo je da su u stvari većina aktivnosti, odnosno djelovanje Agencije usmjerena radi doprinosa poboljšavanja poslovanja u privredi, a što je i svakako nama jedan od glavnih ciljeva i djelovanja kao gradskim vijećnicima.

Iz Odluke je takođe vidljivo da se razvojna agencija osniva s ciljem poticanja razvoja grada Tuzle, u skladu sa naravno postojećim strategijama i planovima, ali svakako ova Agencija će doprinijeti poboljšanju svega onoga što trenutno imamo, a što je svakako bitno za sveukupni razvoj grada.

Osnivanjem ove Agencije dobit ćemo jednu specijaliziranu ustanovu koja će zapošljavati stručne ljude, koji imaju znanja, iskustva i vještine u privlačenju kapitala odnosno u pisanju različitih projekata koji svakako nama trebaju i mi ćemo imati na jednom mjestu sve ono što je potrebno za prijavljivanje na projekte kako domaće tako i međunarodne.

Iz obrazloženja Odluke vidljivo je da je Agencija planirala početak sa radom 01.01.24-e godine, te da će se sukcesivno tokom naredne godine zaposliti pet uposlenika sa visokom stručnom spremom, što je evo po mom mišljenju za početak sasvim dovoljan broj, broj ljudi koji će svakako nadam se uspješno odgovoriti svojim zadacima. Hvala.

NATAŠA PERIĆ

Hvala kolegi Ibeljiću. Za riječ se javila vijećnica Selma Čatibušić, ispred Kluba Platforme za progres. Neka se pripremi vijećnik Mensur Alić.

SELMA ČATIBUŠIĆ

Evo ovako. Svakako ću podržati ovu Odluku i svakako podržavam uopšteno osnivanje jedne ovakve Agencije. Ja ću se nekako referisati samo na neke tehničke stvari vezano za konkretno sadržaj Odluke, pa eto u budućnosti možda da se čisto onako obrati pažnja.

Kada je u pitanju Odluka o osnivanju Tuzlanske razvojne agencije „Trag“, ona ima dobar strukturalni okvir, ali ima prostora i za poboljšanje. Nekoliko prijedloga jeste obratiti pažnju na preciznost izraza, posebno u dijelu djelatnosti razvojne agencije. Definirati jasno pojmove, kao što su razvoj i poduzetništva, pružanje stručne pomoći.

Kada su u pitanju specifičnosti organizacije dodatno razjasniti odnose između organa, posebno uloge upravnog odbora, direktora i nadzornog odbora. Možda bi bilo dobro koristiti konkretne dužnosti ovlasti za svakog pojedinačno.

Kada je u pitanju finansiranje, razmotriti dodatne informacije o izvorima finansiranja, posebno očekivanja u vezi sa budžetom Grada Tuzle, načinom prikupljanja sredstava.

Precizirati više detalja i odnosa između različitih rokova, na primjer za donošenje pravila, organizacije, upravnog odbora i slično.

I kada su u pitanju imenovanja i razrješenja, definisati jasnije uslove i kriterije za imenovanje osoba koje obavljaju ključne uloge poput direktora i članova upravnih organa.

Što se tiče same Odluke, ja, svakako će biti podržana.

NATAŠA PERIĆ

U redu. Hvala vijećnici Čatibuć, Čatibušić, pardon. Sljedeći za riječ se javio vijećnik Mensur Alić, ispred Kluba Tuzlanske alternative. Neka se pripremi vijećnik Nedžad Jusić.

MENSUR ALIĆ

Zahvaljujem predsjedavajuća. Pa evo ja sam na prethodnom Vijeću mislim govorio da, ovaj, treba, u stvari, u Nacrtu budžeta sam govorio da bi dobro bilo da se osnuje jedan tim koji će raditi na, ovaj, baš upravo ovim stvarima kad je u pitanju fondovi Evropske Unije i ostalo. Ali, gradonačelnik je došao na bolju ideju i rekao mi je to usput da imam ja bolju ideju. To je dobro što si ti pokrenuo, ali ima bolja ideja. I upravo to je ova ideja, na koju je, ovaj, ova Odluka danas, danas došla.

Mene kao privrednika broj jedan što raduje da smo ja mislim prva Gradska uprava u federaciji da donosimo ovakvu jednu odluku. Ovo je toliko ozbiljna odluka da mnogi ne znaju šta će ona donijeti u narednom periodu.

Ne možemo mi očekivati u prvoj godini neke posebne rezultate, ali u narednim godinama, vjerujte da će ovo Vijeće koje donese danas ovu Odluku, bit upamćeno po jedno od najvažnijih odluka kad je u pitanju 2023. godina, jer sve je ovdje nabrojano. Naravno, ova Odluka danas koja se donosi, ona će se mijenjati u narednom periodu. Vjerovatno će tražiti neke članove da se promijene. E to je kroz rad samo, samo će dolaziti po sebi da se neke odluke, neki članovi se, ili, ovaj, stavljat novi ili neki mijenjat, dopunjavat. To je normalno u prvoj odluci kad se donosi.

Ovo što mene raduje zbog toga što mi, ja se nadam svakako da ćemo mi, ovaj, u, u, za par mjeseci otvoriti pregovore sa Evropskom Unijom. To su, toliko sredstava će biti da samo oni koji budu imali gotove projekte i oni koji imaju dobre ideje, ideje pretvorene u projekte će moći aplicirati prema Evropskoj Uniji, prema sredstvima koja će biti na raspolaganju.

Evo čuli ste, da ne ponavljam, da je predviđeno sad tek dvije milijarde u pomoći za Bosnu i Hercegovinu, pa četiri, pa šest milijardi. To su sredstva sva koja će se moći koristiti, ali kad imamo ovakvu jednu Odluku i kad imamo jednu Agenciju koja će moći sve to kvalitetno pripremati i na vrijeme predstaviti i međunarodnoj zajednici i fondovima, tako da očekujem da u narednom periodu ova, ova Agencija donese jednu novinu što je najvažnije.

Prvo što bi trebalo uradit po meni, ovaj, ova Agencija bi trebala da napravi jedno kompletno vlasništvo grada Tuzle. Da taj dio jednom riješimo za sva vremena. Šta je to što ovaj Grad raspolaže, od zemljišta, od građevine, od stanova, od svega? Sve ono što mi kao Grad, što je vlasništvo Grada da to bude jedan, jedan poseban, ovaj, spis na kojem tačno znamo i naravno biće lakše daleko Agenciji raditi kad ima, kad ima tu u vlasništvu strukturu Grada Tuzle.

Dosta toga je kolega Čerim obrazložio. Jako kvalitetno i ne bi ulazio u njegovo ponavljanje. Pomogo mi je da ja skratim svoju diskusiju.

Na kraju čestitam gradonačelniku i službi koja je radila ovo, koja je napravila ovu Odluku i naravno mi ćemo dat podršku i pratiti njen rad i davati podršku čitavo vrijeme u njenom radu, a ne samo kad donosimo odluku. To je veoma bitno. Naravno, kritike postoje, ali one mogu biti i pozitivne. Hvala vam. Hvala lijepo.

NATAŠA PERIĆ

Hvala kolegi Aliću. Sljedeći za riječ se javio vijećnik Nedžad Jusić, ispred Kluba nacionalnih manjina.

NEDŽAD JUSIĆ – nezavisni vijećnik iz reda nacionalnih manjina

Hvala predsjedavajuća. Poštovana predsjedavajuća, zamjenici i zamjenice predsjedavajuće, sekretaru, kolege, kolegice, vijećnici i vijećnice i druge. Želim da vas pozdravim i po mom skromnom mišljenju mislim da danas ćemo sigurno usvojiti jednu od važnijih odluka koji smo usvajali tokom 2023. godine, kao i ranijih odluka koje smo usvajali.

Prije nego što krenem direktno u diskusiju, takođe želim da se zahvalim gradonačelniku i nadležnoj službi koji su imali sluha za ovakvu jednu odluku i siguran sam u tome da će doprinijeti razvoju grada Tuzle u pozitivnom smislu. I evo ja ću biti optimista. Al evo vidjećemo za nekoliko godina da će ova Agencija imati veći budžet nego Grad Tuzla, jer s obzirom, pošto već evo dugi neki dvadeset godina radim u nevladinim sektoru i znam koliki je budžet dostupan između narodnih fondova, prvenstveno Evropske Unije, a većina zemalja odnosno gradova nisu iskoristili taj budžet iz razloga, jer oni nisu imali kapacitete da apliciraju i na kraju da implementiraju određene projekte.

Ja sam imao čast i zadovoljstvo raditi sa sličnim agencijama i ovo ne govorim slučajno. Ovakve agencije imaju u Brčkom koje su za kratko vrijeme već dvocifreno, milionski iznos dostigli i rade određene projekte, kao u Gradišćci i u Rumi. Takođe, sa ovim agencijama sam radio gdje imaju milionske projekte koje rade za dobrobit svojih građana, a sve sa sredstvima iz Evropske Unije. Ja sam siguran i naša Agencija da će dostići još bolji i efikasniji rezultat.

Ja kada sam se pripremao za današnju sjednicu, malo sam pogledao i odgovore na vijećnička pitanja, ne znam ko je postavio, moram sad se sjetiti, kolko su naše javne ustanove i javna preduzeća dobila finansijskih sredstava, koja su dobila finansijska sredstva od određenih donatora i to prednjači Javno komunalno preduzeće Komunalac i mislim da su milionski iznosi. Ovi svi drugi su tu i tam, al siguran sam u tome, siguran sam u tome da ćemo uz pomoć ove Agencije i ta javna preduzeća i javne ustanove takođe aplicirati i dobijati veća finansijska sredstva za realizaciju određenih aktivnosti.

Takođe je vrlo važno, ne bih sad komentarisao ovu Odluku. Ona je pravno urađena, odlično, što bi ja reko, normalno i kolegica je rekla možda neke detalje u nekom narednom periodu, ovaj, popraviti, al ovdje je vrlo važno da ova Agencija će saradivati sa nevladinim sektorom i sa privednicima u izradi određenih projekata i aktivnosti koje će se realizovati na području grada Tuzle, ali takođe koji će se realizovati i u okruženju zajedničke projekte i sa drugim agencijama.

I moja jedna preporuka na kraj krajeva, a pretpostavljam da su oni već to imaju u planu. Ali preporuka za menadžment ove Agencije da u što kraćem roku održe sastanke, uspostave suradnju sa drugim agencijama u okruženju da bi mogli zajednički realizovati, odnosno aplicirati određene projekte, jer sada je sve više i više projekata na preko graničnoj saradnji i siguran sam ova Agencija iz Rume da je izuzetno kvalitetna i jaka Agencija. Da može već raditi određene projekte zajedno sa našom Agencijom i da će to dati željene rezultate.

I na kraju normalno još jednom da se zahvalim i pohvalim na kraj krajeva ovu Odluku i siguran sam u tome da ćemo u narednom periodu imati samo pozitivne rezultate kada je u pitanju rad ove Agencije. Hvala.

NATAŠA PERIĆ

Hvala kolegi Jusiću.

Zaključujem raspravu klubova vijećnika.

Otvaram raspravu vijećnika.

Za riječ se javio vijećnik Bijedić. Neka se pripremi vijećnica Pejić.

ELVIR BIJEDIĆ

Zahvaljujem predsjedavajuća. Dakle, ja želim naglasiti da snažno podržavam, dakle, inicijativu gradonačelnika Lugavića i Službe za ekonomski razvoj, poduzetništvo i poljoprivredu za otvaranje jedne ovakve, osnivanje jedne ovakve javne ustanove.

Dakle, Gradska uprava Grada Tuzla je i do sada bila jedan od lidera kada je u pitanju oblast apliciranja na različite projekte i dakle ovo nam daje za pravo i smatram da je formiranje jedne ovakve ustanove u stvari izuzetno dobro (NATAŠA PERIĆ – Molim samo malo tišine). Kažem, smatram da je formiranje jedne ovakve javne ustanove u stvari izuzetno dobra i vrijedna investicija koja će u skorije vrijeme siguran sam početi lučiti rezultate.

Raduje me iz više razloga što će biti dakle od koristi kako i našim javnim preduzećima i drugim javnim ustanovama. Isto tako, stojeće na raspolaganju i privrednicima, obrtnicima, različitim udruženjima, nevladinim organizacijama i slično. Neću se ponavljati, dakle, dosta su kolege već toga rekly.

Ono što bih i ja htio reći, ali još jednom želim naglasiti punu podršku osnivanju jedne ovakve javne ustanove koja je zaista pravovremena, u pravo vrijeme je donosimo i sigurno će dodatno doprinijeti i unaprijediti razvoj, razvoj grada. Hvala.

NATAŠA PERIĆ

Hvala kolegi Bijediću. Za riječ se javila vijećnica Ana Pejić. Neka se pripremi vijećnik Jovanović. Izvolite Ana.

ANA PEJIĆ

Zahvaljujem se. Evo meni je drago da je danas pred ovim Gradskim vijećem upravo ova Odluka o osnivanju Javne ustanove Tuzlanska razvojna agencija „Trag“, te zahvaljujem gradonačelniku Zijadu Lugaviću na ideji, evo koja se danas i realizuje.

Mogu slobodno reći da osnivanje ove, znači, Agencije predstavlja jedan vrlo važan korak u razvoju poduzetništva na području našeg grada. S obzirom da će zadaća ove Agencije biti apliciranje na dostupna sredstva kod viših nivoa vlasti, međunarodne zajednice i evropskih fondova. Svakako vjerujem da će se raditi kvalitetni projekti koji će u konačnici, ovaj, doprinijeti da se obezbijede dodatna sredstva, znači, iz navedenih fondova, a sve, znači, što predstavlja da tako kažem dodatna sredstva za razvoj našeg grada.

Također mi je drago i da će ova Agencija biti ta kojoj će se moći obratiti privredni subjekti sa područja našeg grada, da im se pruži, znači, podrška u pisanju ili, ovaj, u provjeri već napisanih projekata, a sve u cilju, znači, da se osnaže i da se obezbijede, znači, dodatna sredstva i za njihov rad. Toliko.

NATAŠA PERIĆ

Hvala Ani Pejić. Sljedeći za riječ se javio vijećnik Zoran Jovanović. Neka se pripremi vijećnik Tanasilović.

ZORAN JOVANOVIĆ

Hvala predsjedavajuća. Pa evo i ja da pohvalim, ovaj prijedlog i ovu Odluku gradonačelnika. Mislim da smo na dobrom putu. Pogotovo što manji gradovi, ovo što neko reče, mi prvi. Nismo prvi. Grad Tešanj koji je možda manji od Tuzle jedno pet puta tako ima privredni razvoj, ubrzan, zahvaljujući ovakvoj jednoj Agenciji.

Međutim, neću ja dužiti, onaj. Ovdje treba pošto će ovo Vijeće donijeti ovu historijsku odluku ili historijsku, ovdje treba pratiti do kraja. Ja se bojim kad ovo usvojimo, pa dođemo do imenovanja direktora i zapošljavanja ljudi u ovoj Agenciji, da ne budemo opet po onom starom. Bitno je da je moj. Nije bitno što je sa spiska Službe za zapošljavanje i tako. Ovdje trebamo vrhunske stručnjake i dokazane privrednike, poznavaoce stranih jezika i informatičare. To je ključ uspjeha ove Agencije.

Zato predlažem možda da mi kao Gradsko vijeće pošto ćemo mi donijeti ovu Odluku, danas akobogda, da mi budemo obavezni donijeti i predlažem ovaj zaključak da mi donesemo i pravilnik sa kriterijima o izboru i imenovanju direktora i njegovih najbližih saradnika makar. Ja znam da to nije u skladu sa nekim propisanim zakonom. Mi danas donosimo Odluku. (NATAŠA PERIĆ – Ne može to. Mora u Amandman ić, a on ide tri dana pred. Ovo je odluka). Nek bude ko zaključak. Nek ide ko zaključak moj, pa ako se usvoji na Vijeću. (NATAŠA PERIĆ – Ne može). Pa mi smo ovdje organ (NATAŠA PERIĆ – Mislim da ne može). Mi smo zakonodavni organ predsjedavajuća (NATAŠA PERIĆ – Molim vas, tišina malo samo). Vidite, ja to idem, ne idem kontra, znači, (NATAŠA PERIĆ – Nije stvar kontre, nego mislim da...) idem samo da bude, da bude ovo najbolje rješenje. Ako smo danas historijska odluka za grad Tuzlu. Trebala je možda biti prije, onaj (NATAŠA PERIĆ – Mislim da nije izvodljiv zaključak. Evo ima nekih komentara, pa ne bih da, mislim da dolazite i vi u situaciju, a i mi da...). A mislim onda da ćemo otići u pogrešnom smjeru (NATAŠA PERIĆ – Ma nećemo) kad se ovo donese. Vjerujte. (NATAŠA PERIĆ – Mislim da je ovo razrađeno dobro. A u hodu će se vidjeti da li ima nekih manjkavosti ili nešto). Predsjedavajuća, mi imamo ovu komisiju. Ovako nešto nije agencija na nivou države za pred pristupne fondove Evropske Unije koja se pokazala nesposobnom. Prođu nam novci ispred nosa. Ne uzmemo ih i ko država. A de ovo ovako, mislim. Hajd nema veze. Ako hoćete, ako nećete, moj...Moj je dobronamjerman prijedlog.

NATAŠA PERIĆ

Ma vjerujemo da je dobronamjerman, nego evo ja ću pozvati pomoćnika gradonačelnika, nek se ona evo izjasni, mislim, gospođa Amela. Alma, šta sam rekla? Izvinjavam se Alma. (vijećnik Omer Berbić govori bez uključenog mikrofona op.a.). Ne, može ako... može u toku diskusije ja mogu dati riječ nekom da samo razjasni neke dileme eto. Iz tog razloga da ne bi išli u neke bespotrebne diskusije. Alma, de recite.

ALMA HALILOVIĆ – Pomoćnik gradonačelnika za Službu za ekonomski razvoj, poduzetništvo i poljoprivredu

Prije svega, hvala na svim komentarima ovim pozitivnim koje smo čuli. Što se tiče samog funkcionisanja Ustanove, ona će funkcionisati u skladu sa Zakonom o ustanovama i na isti način kao i druge ustanove, što znači da će Služba za ekonomski razvoj, poduzetništvo i poljoprivredu koja kroz upravljačke organe vrši nadzor nad radom javnih preduzeća i ustanova, na isti način vršiti nadzor i nad radom ove Ustanove. A Ustanova će samostalno, znači, po osnivanju da formira svoja...donijet će pravila, formirat će svoja upravljačka tijela, a onda će, znači, kompletan taj proces zapošljavanja opet se realizovati u skladu sa Zakonom o ministarskim i vladinim imenovanjima, formiranjem komisija, raspisivanjem javnog oglasa i

tako dalje. Znači, sva ona neka standardna procedura koja se primjenjuje za sva javna preduzeća i za javne ustanove. (NATAŠA PERIĆ – Dobro, dobro. Hvala).

U tom smislu, možda samo još jedan kratak komentar na komentar gospodina Alića, kada je riječ o registru imovine, onom što ste vi, ovaj, spomenuli da bi mogla bit nadležnost imovine, da će se to uradit. To neće biti okvir, u okviru nadležnosti ove Agencije, zato što smo mi već pokrenuli određene aktivnosti na uspostavi registra i imovine, čak i nisu pokrenute, nego su zaista u nekoj ozbiljnoj fazi realizacije. Znači, nabavljen je softver. Trenutno je u fazi. Evo u ovoj prvoj godini tog softvera obuka uposlenika od strane ove kuće koja je, ovaj, kreator tog softvera, tako da se te aktivnosti u smislu sveobuhvatne registracije imovine Grada su već da kažem u nekoj fazi koja se realizuje. Tako da bi trebalo da ova Ustanova dobije tu vrstu podataka, da kažem od strane...(MENSUR ALIĆ – Temelj). Sigurno. Sigurno. Hvala vam.

NATAŠA PERIĆ

Hvala vam Alma. Sljedeći za riječ se javio Miodrag Tanasilović. Neka se pripremi vijećnik Berbić.

MIODRAG TANASILOVIĆ

Zahvaljujem predsjedavajuća. Evo odmah na početku ću se složiti sa mišljenjem mojih prethodnika koji su govorili. Dakle, ja u svoje ime isti želim da čestitam gradonačelniku, nadležnoj službi i svima onima koji su učestvovali u realizaciji ove ideje.

Obzirom, dakle, da je budžet goruća tema iz godine u godinu, odnosno da je uvijek nedovoljno sredstava da se zadovolje sve želje i potrebe svih građana našeg grada, smatram dakle logičnim i opravdanim osnivanje ovakve Ustanove. Iskreno se eto nadam da će ova Agencija opravdati svoje postojanje i da će uspijevati izvlačiti sredstva iz domaćih fondova preko projekata, kako iz domaćih, dakle, fondova i iz fondova Evropske Unije, sve u cilju da se rastereti budžet Grada Tuzla.

Čuli smo u uvodnom izlaganju i od šefice službe, ovaj, da je raznolika, dakle, lepeza svih, ovaj, aspekata gdje se može aplicirati i izvlačiti sredstva, da to, ovaj, sada ne ponavljam.

Takođe me, ovaj, raduje i činjenica da će ova Javna ustanova pružati svoje usluge, odnosno da će saradivati sa ostalim javnim ustanovama i javnim preduzećima, kako bi i ostala, dakle, preduzeća i ustanove mogli i znali i dobili znanje od njih kako da apliciraju na projekte i da će to da dobro zaživi, da će iz godine u godinu, ovaj, da se izvlače što više, dakle, sredstava iz tih fondova.

Takođe, čast mi je evo i zadovoljstvo kao i što su svi prethodnici rekli, da ću kao vijećnik, nadam se da će ova Odluka dobiti potrebnu većinu, učestvovati, dakle, u donošenju Odluke o osnivanju javne ustanove i da ćemo evo pružiti priliku da se u narednom periodu, u narednim godinama, kao što je, ovaj, kao što su svi, ovaj, napomenuli, pružiti priliku, dakle, da se zapošljava što više ljudi i da će oni opravdati svoje postojanje i svoj rad i da će budžet Grada Tuzle dobijati sve više i više sredstava iz svih vrsta fondova.

Dakle, moja puna podrška. Hvala.

NATAŠA PERIĆ

Hvala vijećniku Tanasiloviću. Za riječ se javio vijećnik Berbić. Neka se pripremi vijećnik Mehmedinović. Izvolite.

OMER BERBIĆ

Hvala ljepo. Kaže kolegica iz službe da smo do sada imali zavidne rezultate oko ovih međunarodnih projekata i tako dalje. Ja te zavidne rezultate iskreno ne vidim. Ne vide se ti zavidni rezultati. Sigurno će imat zavidne rezultate ako ova Trag Agencija zaživi punim kapacitetom i ako se na njoj bude ozbiljno radilo. Ne da bude ono „trange frange“. Uposli mi ovog, onog, ženu, vamo tamo. Nego da to bude ozbiljna Agencija s ljudima koji pričaju vrhunski engleski jezik, s ljudima koji će se obučavat u Briselu i ostalim centrima i s ljudima koji će onda doć ovdje da rade pola za grad, a pola za privredu.

I ovo je bila moja inicijativa koju sam preko Selima uputio na Kanton prije pet godina. Da se napravi jedna kantonalna agencija da ne moramo ovako rasparčavat po gradovima. Da se napravi kantonalna agencija koja će pola radnog vremena pregledati projekte privrede, a pola radnog radnog vremena pisati projekte za Kanton, odnosno, evo sada za Grad. I moram reć da je ovo, od kad ja sjedim u Vijeću, možda druga odluka koja je jako ozbiljna za privredu. Prva je bila u Gornjoj Tuzli, industrijska zona koja je evo sad iz nekog razloga stala, iz xy razloga. U to ne ulazim. A ovo je druga jako bitna stvar za privredu. I ja se nadam da ćemo do kraja mandata uspjet realizirat i jednu i drugu.

Al opet kažem, strah me ovo što je Zoran govorio. Jako je bitno da to ne bude „De mi uposli ovog, de mi uposli onog“. Da to budu ljudi koji ne znaju beknut, što se kaže engleski jezik, ili bilo koji drugi jezik i da to bude nešto gdje ćemo mi eventualno pokrivat troškove njihovih plata i govorit kako je to veliki megalomanski uspjeh. A zapravo ne bude. Jako je bitno da se ozbiljno ovom pristupi. Da se ljudi šalju na edukacije. I da ljudi višestruko zarade svoje plate.

Tako da, volio, mislim, moram ovdje, moram ovo pohvaliti. I na Gradskom vijeću sam prije tri godine davao inicijativu upravo za ovo. Evo i gospodin Mensur je prije jedno Vijeće dao sličnu, sličnu priču. Imali smo i zaključke koje sam predlagao u zadnje tri godine. Upravo za ovo. I moram pohvaliti da je napokon došao neko i da je ozbiljno shvatio tu vrstu priče i da je predložio jednu vrstu ovakve Agencije. Samo se nadam da će se to propratiti sa istom željom da se naprave promjene, ovaj, kod gradonačelnika, evo što vidim u zadnjih par mjeseci, od izbora i da će ova Agencija biti na ponos svih nas, jer ne bi zaista, ne bi zaista volio da se, da se i ovo ispolitizira, kao što su se ispolitizirala mnoga javna preduzeća i ustanove. Nego bi volio da ovo bude profesionalna priča. Ozbiljna priča. I da grad Tuzla bude dokaz da je ovakvo nešto na jednom mikro, odnosno gradskom nivou moguće.

Tako da puna podrška. Vrlo rado ću glasat za ovo. Ali vrlo rado ću propratiti rezultate i raditi i gledati, gledati kako se upravlja ovom Agencijom, jer me je strah. Strah me je upravo ovog što je gospodin Jovanović govorio da ćemo i ovo ispolitizirati kao i mnoga javna preduzeća i mnoge javne ustanove. Da ćemo ovdje hvaliti kada nam dođe izvještaj, a na terenu ne bude rezultata. E toga me je strah. Nadam se da do toga neće doći. Dokle god do toga ne dođe, moja puna podrška i veliko hvala svima koji su se uključili da ovakvu jednu stvar na kraju predlože u ovoj formi i veliko fala onima koji, koji, za koje se nadam da će ovo propratit, da to, da to ispadne, da to ispadne jako ozbiljna i jako zdrava priča. Hvala ljepo.

NATAŠA PERIĆ

Hvala. Sljedeći za riječ se javio vijećnik Mehmedinović. Izvolite.

SENAD MEHMEDINOVIĆ

Poštovana predsjedavajuća, zamjenice, kolege vijećnici, sekretaru, prisutni, poštovani gradonačelnice. Naravno, prije svega želim da pohvalim ideju osnivanja jedne ovakve javne ustanove i ja mislim da sam na svakom Gradskom vijeću kada smo usvajali izvještaje o radu javnih preduzeća i ustanova komentarisao apliciranje na projekte, kao i namicanje sredstava. I evo dobili smo mi odgovore na inicijativu, mislim kolegice Sabihe, koliko to javnih preduzeća aplicira. I pravo interesantna stvar da ona javna preduzeća i ustanove koje traže da dodatna sredstva iz budžeta, da u stvari oni nikako nisu aplicirali prema različitim fondovima i to je možda evo prilika da se u budućnosti porazgovara o tim preduzećima i ustanovama. I vjerovatno će na primjer predstavnici apoteka biti prvi koji će učestvovati u edukaciji u sklopu ove Javne ustanove Tuzlanska razvojna agencija.

Ovo je dobra stvar za Grad Tuzlu. I naravno moglo je evo bit i ranije. Ne mislim samo na nivou grada Tuzle, nego i na nivou kantona, federacije. Zbog čega ovo govorim? Ovo govorim evo jedan podatak samo na primjer. Različiti su fondovi koji su daju iz kojih se mogu isfinansirati država Bosna i Hercegovina, samim tim i lokalna zajednica. Dakle, jedan od fondova, za koji su ja mislim mnogi čuli, koji sjede ovdje, ako ne i svi, jesu takozvani ti IPA fondovi. Gledajte sad ovu informaciju samo. Dakle, IPA fondovi na nivou godine za državu BiH izdvajaju oko 45 miliona Eura. Koji je tu problem? Problem je dekapacitiranost države, pa evo i nas da povlačimo ta sredstva. I znate kakva je politika EU? Mi dajemo 45 miliona Eura. Vi povlačite 10 do 15% sredstava. Dakle, to je na nivou godine oko 7 do 8 miliona. Znate šta se dešava? Za godinu dvije kažemo, mi nemamo potrebu da izdvajemo 45 miliona, mi ćemo izdvajat 30 miliona, pa 25, pa 20, tako da, dobro je što je ova razvojna agencija se osnovala i vjerujem da će u punom kapacitetu morati početi da radi i to ne samo... Slažem se što kaže kolega Berbić da trebaju poznavati svjetske jezike, da trebaju ići na edukacije, onaj, u Brisel i to, i tako dalje. Ali smatram isto da moraju doći ljudi sa debelim iskustvom koji imaju prilikom apliciranja na ove fondove Evropske Unije. Dakle, moraju to biti ljudi sa debelim radnim iskustvom u ovome.

Što se tiče takođe ove Agencije, mislim da može imati važnost iz različitih perspektiva. Prva je ta takozvana finansijska podrška. A kad kažem finansijska podrška, mislim na kapitalne projekte koje se tiču lokalne zajednice, jer se to može finansirati od poljoprivrede, obrazovanja, privrede i tako dalje. I to su sredstva koja se mogu iskoristiti.

Zašto možda neke naše javne ustanove ne apliciraju pored toga što nemaju vremena, pa evo na kraju krajeva, onaj i različita odjeljenja ovdje. To jest pristup resursima. Dakle, moramo imati i znati kakav je pristup resursima da bi se moglo aplicirati na određeni projekat.

Koja je još dobra perspektiva što se tiče ova razvojne agencije? Ja mislim da je to umrežavanje i parnterstvo. Dakle, da bi se apliciralo na fondove EU mora se umrežit, moramo izgraditi parnterstvo. Umrežavanjem i izgradnjom pertnerstva, to znači da će nam ovdje dolaziti ti naši partneri, a samim tim i povećat se broj ljudi koji evo...Promocija turizma Tuzle je nešto najbolje što se može raditi u narednom periodu i vidljivost grada Tuzle u akademskom, pardon, evropskom prostoru lokalnih zajednica. Nakon apliciranja na projekte, umrežavanje sa drugim gradovima će povećat vidljivost grada, naravno što je to dobro za sve, za sve nas. I ovo kad se sabere predjedavajuća, mi dobijemo nešto što se naziva unapređenje kvalitete života građana koji žive u lokalnoj zajednici. Dale, krajnji rezultat postojanja ove Agencije jeste poboljšanje standarda i unapređenje kvalitete života građana Tuzle. Hvala ljepo.

NATAŠA PERIĆ

Hvala kolegi Mehmedinoviću.
Zaključujem raspravu vijećnika.

Stavljam na izjašnjavanje ODLUKU O OSNIVANJU JAVNE USTANOVE TUZLANSKA RAZVOJNA AGENCIJA „TRAG” i molim vijećnike da se izjasne.

Glasanje je okončano.

Konstatujem da je ODLUKA O OSNIVANJU JAVNE USTANOVE TUZLANSKA RAZVOJNA AGENCIJA „TRAG” usvojena sa,
28 glasova za, nije bilo protiv i nije bilo suzdržanih.

Prelazimo na četvrtu tačku:

RAZMATRANJE I USVAJANJE:

a) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA UREDOM ZA REVIZIJU INSTITUCIJA U FEDERACIJE BOSNE I HERCEGOVINE

b) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA JAVNIM PREDUZEĆEM BIT CENTAR D.O.O. TUZLA

c) ODLUKE O IZBORU NAJPOVOLJNIJEG PONUĐAČA ZA DAVANJE U ZAKUP POSLOVNE PROSTORIJE U ULICI ZLATARSKA BROJ 7

Od strane obrađivača materijala obavješteni smo da, kada je u pitanju Odluka podtačka c) potkrala se tehnička greška u tabeli, u tački I Odluke, predzadnja kolona/u naslovu.

Korigovana Odluka podtačka c) vam je podijeljena neposredno pred početak današnje sjednice.

Ima li potrebe za uvodnim izlaganjem? Dobro.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i stavljam na izjašnjavanje pročitane odluke.

Molim vijećnike da se izjasne. (vijećnik Esana Kavazbašić Huskanović govori bez uključenog mikrofona op.a.). Esana glasali ste. Glasali ste. Ekran da se malo...ne znam, jel može tehnički. Ja ne znam. Može. Pomjerit ćemo ga na pauzi.

Glasanje je okončano.

Konstatujem da su ODLUKA O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA UREDOM ZA REVIZIJU INSTITUCIJA U FEDERACIJE BOSNE I HERCEGOVINE, ODLUKA O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA JAVNIM PREDUZEĆEM BIT CENTAR D.O.O. TUZLA i c) ODLUKA O IZBORU NAJPOVOLJNIJEG PONUĐAČA ZA DAVANJE U ZAKUP POSLOVNE PROSTORIJE U ULICI ZLATARSKA BROJ 7 usvojene sa,

24 glasa za, nije bilo protiv, nije bilo suzdržanih.

Tačka pet:

RAZMATRANJE I USVAJANJE IMOVINSKO-PRAVNIH AKATA:

a) Odluka o prodaji nekretnine u vlasništvu Grada Tuzle neposrednom pogodbom i davanju saglasnosti na zaključenje ugovora o prodaji

b) Odluka o izmjenama Odluke o prodaji nekretnine u vlasništvu Grada Tuzle neposrednom pogodbom radi oblikovanja građevinske parcele za izgrađeni individualni stambeni objekat

Ima li potrebe za uvodnim izlaganjem? (Ne).

Otvaram raspravu...Da li ima potrebe...Molim? (OMER BERBIĆ – Može uvodno).
Uvodno? Dobro. Evo. Služba za geodetske (vijećnik Omer Berbić govori bez uključenog mikrofona op.a.). Tačka pet. Izvolite. Jasmina Šimleša ispred Službe za geodetske.

JASMINA HASANEFENDIĆ-ŠIMLEŠA - Pomoćnik gradonačelnika za Službu za geodetske i imovinsko – pravne poslove

Poštovana predsjedavajuća, dopredsjedavajuća, sekretar Gradskog vijeća, poštovane vijećnice i vijećnici. Dakle, kao današnja tačka Dnevnog reda na usvajanje Gradskom vijeću je Odluka o prodaji nekretnine u vlasništvu Grada Tuzle neposrednom pogodbom i davanje saglasnosti na zaključenje ugovora o prodaji.

Dakle, Gradsko vijeće Tuzla je usvojilo odluku kojom se odobrava prodaja predmetne nekretnine i to neposrednom pogodbom radi formiranja građevinske parcele na osnovu pravosnažnog rješenja o urbanističkoj saglasnosti. Kako je dakle prvi preduvjet ispunjen, mi smo pristupili postupku neposredne pogodbe u okviru kojeg postupka je vještačena cijena zemljišta putem ovlaštenog sudskog vještaka, odnosno procjenitelja. Nakon što smo dobili nalaz o visini, cijeni ovog građevinskog zemljišta, proveden je postupak. Komisija koju je takođe imenovalo Gradsko vijeće je provela postupak, ne pregovaranje neposrednom pogodbom i dobili smo iznos 330.000 Konvertibilnih maraka, što je iznos veći u odnosu na iznos utvrđen u nalazu sudskog vještaka, odnosno procjenitelja, a što je uslov da se odobri prodaja zemljišta neposrednom pogodbom.

NATAŠA PERIĆ

Hvala Jasmina. (JASMINA HASANEFENDIĆ-ŠIMLEŠA – Molim). (OMER BERBIĆ – Gdje je tačno zemljište). Samo malo. Evo, možete samo, zbog procedure, evo da otvorim raspravu, pa onda. Možete Jasmina vi ovdje sjesti. Samo dok evo...

Ima li potrebe da se pročitaju izvještaji komisija? (Ne). Dobro.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Vijećnik Berbić. Izvolite.

OMER BERBIĆ

Ništa. Mi nemamo nikakve primjedbe. Mislim da je cijena i više nego realna. Samo me zanima gdje, gdje je tačno zemljište, ovaj, i vjerovatno tu žele je li zgradu da prave. To me zanima. Da znam šta se dešava.

NATAŠA PERIĆ

Evo, izvolite.

Zaključujem raspravu vijećnika.

JASMINA HASANEFENDIĆ-ŠIMLEŠA - Pomoćnik gradonačelnika za Službu za geodetske i imovinsko – pravne poslove

Eh, hvala. Dakle, ja nemam akt kojim je formirana ova građevinska parcela. Naime, građevinska parcela formira se Rješenjem o urbanističkoj saglasnosti. Ali radi se o lokaciji u blizini Muzičke škole.

NATAŠA PERIĆ

U redu. Hvala.

Stavljam na izjašnjavanje Odluku o prodaji nekretnine u vlasništvu Grada Tuzle neposrednom pogodbom i davanju saglasnosti na zaključenje ugovora o prodaji i b) Odluku o izmjenama Odluke o prodaji nekretnine u vlasništvu Grada Tuzle neposrednom pogodbom radi oblikovanja građevinske parcele za izgrađeni individualni stambeni objekat. Molim vijećnike da se izjasne.

Glasanje je okončano.

Konstatujem da su pročitane odluke usvojene sa,
23 glasa za, nije bilo protiv i nije bilo suzdržanih.

Dajem pauzu od 30 minuta. (Pauza).

**SABIHA MUJKANOVIĆ MUJAČIĆ- zamjenik predsjedavajućeg
Gradskog vijeća Tuzla,
-samostalni vijećnik**

Imamo kvorum, pa možemo nastaviti sa sjednicom Gradskog vijeća.

Tačka šest:

RAZMATRANJE I USVAJANJE:

a) INFORMACIJE O REALIZACIJI AKCIONOG PLANA ZA ROME 2018.-2021. GODINA

b) AKCIONOG PLANA ZA ROME I ROMKINJE GRADA TUZLE 2023.-2026. GODINA

Predlagač: gradonačelnik Grada Tuzla.

Obrađivač: Služba za kulturu, sport, mlade i socijalnu zaštitu.

Materijal su razmatrali: Komisija za zaštitu prava nacionalnih manjina i klubovi vijećnika.

Da li ima potrebe za uvodno izlaganje? (Nema). U redu.

Da li ima potrebe da se pročitaju izvještaji komisija?

Otvaram raspravu klubova vijećnika.

Prvi se za riječ javio vijećnik Nedžad Jusić. Izvolite.

NEDŽAD JUSIĆ

Eh hvala. Prije neg što kažem par riječi želim iskreno da se zahvalim Službi za kulturu, sport i mlade, koji svojim radom i trudom doprinose razvoj svih građana u gradu Tuzla, a posebno onih naj ugroženijih, gdje spada romska nacionalna manjina.

Evo danas imamo dva dokumenta, odnosno Informaciju o realizaciji Akcionog plana za Rome 2018-2021 i pod b) usvajanje Akcionog plana za Rome i Romkinje grada Tuzla 2023 – 2026.

Ovo želim da naglasim da je i moj cilj bio prilikom uključivanja jednostavno i u politici, da se u institucijama raspravlja i priča o aktivnostima i određenim potrebama romske nacionalne manjine u gradu Tuzla. I evo to danas i pokazuje da sam djelimično i uspio, ali zahvaljujući i Gradskom vijeću, odnosno gradonačelniku i nadležnoj službi, kao i svima onima koji utiču i daju svoju podršku na realizaciju određenih programa.

Evo ukratko ću ja samo, neću mnogo oduzimati vremena, jer evo vidimo da je stvarno urađeno kvalitetno Informacija o realizaciji Akcionog plana za Rome 2018-2021. U ovoj Informaciji su navedeni skoro svi projekti, aktivnosti koji su se realizovali, kako od institucija, kako od Grada Tuzle, tako i od nevladinog sektora, prvenstveno romskog nevladinog sektora, kao i od Udruženja Zemlja djece, koji su takođe radili određene aktivnosti za boljitak romske nacionalne manjine u gradu Tuzla.

Ne bi odvajao posebno programe, projekte koje su rađene. Evo ovdje imamo, ali je vrlo važno napomenuti da je Grad Tuzla sudjelovao, učestvovao u finansiranju ovih projekata, ali s druge strane takođe ne smijemo zanemariti, sa velikim finansijskim sredstvima su učestvovali i drugi međunarodni donatori, prvenstveno romski obrazovni fond, koji je u ovom periodu preko Udruženja Roma „Euro Rom“ isfinansirao pa skoro milion, ja mislim, maraka, za obrazovanje romske djece, prvenstveno za stipendije kroz mentorstvo i tutorstvo za romsku djecu koja pohađaju srednje škole. I u ovom programu Grad Tuzla je takođe sufinansirao, jedne godine sa 15.000, druge godine sa 10.000 maraka, što znači, evo Grad Tuzla je dao određena finansijska sredstva, a s druge strane od donatora smo dobili daleko veća sredstva, kako bi realizovali pomenute projekte.

Takođe, i drugi programi koji su realizovani prvenstveno evo između ostalog i zdravstvena zaštita, sami znate da smo mi na jednoj od prethodnih sjednica i stalno govorimo vezano za obezbjeđenje zdravstvene zaštite za sve građane grada Tuzle, samim tim i za romsku nacionalnu manjinu i da u ovom trenutku je preko devedest i sedam, osam posto Roma zdravstveno osiguranih u gradu Tuzla, što se ne može pohvaliti niti jedna druga lokalna zajednica, a ponovo kažem zahvaljujući ovom Gradskom vijeću, gradonačelniku i Službi za kulturu, sport i mlade.

Vrlo je važno napomenuti u ovom izvještaju koji je rađen za osamneste - dvadeset prve. Rađene su određene aktivnosti vezano za očuvanje kulturnog identiteta romske nacionalne manjine u gradu Tuzla. Između ostalog, podržani su određeni programi i projekti za uvođenje romskog jezika u obrazovni sistem na području Tuzlanskog kantona i na našu sreću moramo priznati, da smo to i uspjeli, da je 06.10. potpisan nastavni plan i program od ministra obrazovanja Tuzlanskog kantona, a gdje će se od naredne školske godine uvesti romski jezik kao fakultativni predmet, ali takođe nedostatak na kraj krajeva između ostalog jeste to što je se nedovoljno radilo na očuvanju dodatno kulturnog identiteta, nego je urađeno onoliko koliko je se moglo.

Nadalje, kad je u pitanju Akcioni plan za Rome i Romkinje grada Tuzle 2023 – 2026. Ponovo, evo još jednom stvarno, iskreno se zahvaljujem još jednom Službi za kulturu, sport i mlade, koji su dali maksimum od sebe, pogotovo gospođa Asja je dala maksimum od sebe da imamo ovako jedan kvalitetan dokument. I što je vrlo važno on se može sprovest do 2026. godine. To nisu ni velika finansijska sredstva koje treba Grad Tuzla da odvoji u narednom periodu. To je negdje otprilike 190, ne otprilike, nego tačno 198 hiljada i 100 maraka, što znači na godišnjem nivou negdje oko 50 hiljada maraka, a i ovdje je predviđeno da ćemo od drugih donatora obezbijediti ili pokušat da obezbijedimo negdje oko 720.000 maraka. I to nisu nedostižna sredstva. Evo ja vam obećavam sigurno da ćemo do kraja dvadeset i šeste godine imati i više dobijenih finansijskih sredstava koja će se implementirati u gradu Tuzla.

Takođe je vrlo važno u ovom Akcionom planu je predviđena i podrška Kulturnom centru Roma, između ostalog, jel ćemo mi u narednom periodu, u narednom periodu ćemo takođe raditi što više na očuvanju kulturnog identiteta i siguran sam u tome da će Grad Tuzla nastaviti sa pozitivnim primjerima kada su u pitanju politike. Ne samo politike nego i implementacija postojećih politika.

Na kraju, želim ponovo svima da vam se zahvalim koji su usvojili prethodni Akcioni plan. Ja se nadam da ćemo i ovaj Akcioni plan danas usvojiti i da imamo politiku sa kojom ćemo sigurno moći zajedno sa Razvojnoum agencijom u narednom periodu aplicirati na evropske fondove za određena finansijska sredstva. Hvala.

**SABIHA MUJKANović MUJAČIĆ- zamjenik predsjedavajućeg
Gradskog vijeća Tuzla,
-samostalni vijećnik**

Zahvaljujem. Za riječ se javila vijećnica Selma Čatibušić.

SELMA ČATIBUŠIĆ

Ja ću baš kratko. Kolega Nedžad je poprilično obuhvatio sve ono što sam i ja na neki način htjela reći. Samo bih htjela dodati da, mislim, hajd na nekim dijelovima se i nalazi to, ali što se tiče obuhvata, to jest mjere za obuhvat romske djece predškolskom obrazovanju, mislim da je to nešto na čemu posebno moramo insistirati, kroz moj prijedlog o promjeni, promjene Pravilnika za prihvata djece u Javnoj ustanovi Naše dijete je na neki način to već i definisano, s tim da mi je odgovor svakako i stigao da u principu na Gradskom vijeću je da taj Pravilnik izmijene. Mislim da i za, vezano za Akcioni plan za Rome, to je, to je veoma važno da bude obuhvaćeno. Nadam se da ćemo nekako u budućnosti i na neki način raditi na dodatnoj socijalizaciji romske populacije od predškolskog uzrasta, pa nadalje.

Dalje što se tiče...u principu, hajd, ostaviću da je to to za sad, pa vidjećemo dalje. Hvala.

**SABIHA MUJKANović MUJAČIĆ- zamjenik predsjedavajućeg
Gradskog vijeća Tuzla,
-samostalni vijećnik**

Zahvaljujem.

NATAŠA PERIĆ

Ja se izvinjavam samo. Pozivam nekog iz Stručne službe Gradskog vijeća da ovaj displej ovdje malo okrene kako je koleginica Esana Kavazbašić Huskanović, ovaj, tražila da može bit vidljivo. Izvinjavam se samo. (ADMIR HASANBAŠIĆ – Esana, da li vidite pod ovim kutom?)

**SABIHA MUJKANović MUJAČIĆ- zamjenik predsjedavajućeg
Gradskog vijeća Tuzla,
-samostalni vijećnik**

Zahvaljujemo kolegi Hasanbašiću. Idući za riječ se javio vijećnik Senad Mehmedinović.

SENAD MEHMEDINOVIĆ

Hvala najljepša. Ovako, prvo kad vidimo ovu Informaciju o realizaciji Akcionog plana za Rome 2018-2021., pa i sam Akcioni plan za Rome i Romkinje grada Tuzle, zaista na jedan profesionalan način je urađen. Svaki plan koji imamo, on u suštini treba da bude mjerljiv. Iz ovog izvještaja ovdje kojeg vidimo iz 2018-2021. godine zaista svaka pohvala službi, nadležnoj službi i za ovaj izvještaj koji je urađen i ja mislim da bi čak bilo dobro da ova forma izvještaja se publicira kao neka vrsta monografije i mislim da bi ova vrsta izvještaja trebala da dođe do šireg broja ljudi, da se vidi u stvari šta se radilo populaciji, na populaciji romske populacije na nivou grada Tuzle.

Čitajući ovaj izvještaj o realizaciji Akcionog plana 2018-2021., dugo nisam vidio jedan izvještaj, a da nije se spomenulo, odnosno da se spomenula Mjesna zajednica Kiseljak, za koje mi je drago da se veliki broj projekata realizovalo uopšte u ovoj Mjesnoj zajednici. Tu mislim prije svega na društveni dom koji se pokazao itekako korisnim za mještane Mjesne zajednice Kiseljak, a samim time i za romsku populaciju.

Dakle, nisu ovo projekti koji se realizuju isključivo usmjereni samo na romsku populaciju. I to je dobra stvar. I to je ljepa jedna poruka zato što taj društveni dom koristi svi mještanima Mjesne zajednice Kiseljak i u posljednjih dvadeset godina, možda i trideset, ako se šta dobro desilo na Kiseljaku, desilo se ovaj društveni dom. Tako da je to za svaku pohvalu.

Onda čitajući ovdje, vezano ove strateške ciljeve, pa evo sad pošto je i Nedžad ovdje. Znam da se bavi ovim stvarima. Zadržaću se tamo na obrazovanju. Znači, bio je jedan period koji se nazivao Dekada inkluzije, pa je bio nakon toga jedan period koji se nazivao ako se ne varam Dekada Roma. I kroz te dekade koje su trajale po nekih deset godina radilo se na promociji, odnosno uključivanje evo djece sa invaliditetom u školski sistem, al tako isto i na motivisanju romske populacije za školovanjem. Koji je cilj nama školovanje? Dakle, nije nama samo...ovo govorim na čemu bi možda trebalo raditi Nedžade još u budućnosti. Dakle, nije nama samo cilj obrazovanja, hajde nek su nam djeca u školi i to je to. Dakle, djeca se nama školuju. U konačnici da bi oni mogli da budu samostalni. A da bi mogli da budu samostalni, oni moraju da steknu određena znanja, određene vještine. Ja informacije koje imam, imamo veliki broj djece romske populacije uključene u škole, što mi je itekako drago. Ali možda bi trebalo u budućnosti malo više poraditi na nivou znanja. Na učenju. Mislim Nedžade da znaš šta govorim. Pazite, jer mi školujemo kroz osnovnu školu. Zašto školujemo? Da upiše srednju školu. Poslije srednje škole ukoliko je to moguće da ide neko na fakultet. Dakle, da u konačnici budu radno produktivni, da doprinose društvu i da budu samostalni. Možda u budućnosti preusmjerit neke projekte upravo koji bi radili na jačanju ovih vještina kod djece, pa romske i ne romske populacije, koji imaju lošiji prosjek, onaj, u školi, a kako bi stekli određena znanja i vještine i kasnije upisali srednje škole.

Ako se ne varam, ako sam dobro pročitao iz ovog izvještaja, oko četrismo pripadnika romske populacije je na Birou, ako se ne varam. Zašto ovdje mi moramo da radimo na motivaciji? Nije isto kada je neko na Birou pola godine, godinu i neko ko je pet godina na Birou. Dakle, ko je pet godina, šest, sedam, osam, devet, deset, pa ima ih više godina, izgubi se motivacija za pronalaskom posla. I koliko god mi nekad razgovarali i pričali ono motivacija, hajde to više ne znam dal je to potrebno radit. Itekako je potrebno raditi na motivaciji učenika, u stvari onih koji su na Birou da pronađu novi posao, da izgrade znanja, vještine koje su neophodni da bi se mogli da zaposle.

Ovaj Akcioni plan za Rome i Romkinje Grada Tuzle 2023-2026. je zaista fantastično urađen. Fantastično. Toliko su jasno definisani. Imamo specifične ciljeve. Sad govorim o metodologiji projektnih prijedloga. Imamo dugoročne ciljeve. Imamo sredstva koja su neophodna za realizaciju specifičnih ciljeva. Dakle, ovo je neko sjeo i veoma profesionalno uradio, na čemu mu ja iskreno i od srca čestitam.

I na kraju, evo kao čovjek i kao vijećnik, želim da dam podršku Nedžadu Jusiću za sve što čini za romsku populaciju, ne samo na nivou grada Tuzle, znači, to je jedna od nevladinih organizacija koja namiče sredstva, koja dolaze na nivou grada Tuzle, koja se realizuje i to je za svaku pohvalu i Nedžade samo nastavi tako. Hvala.

**SABIHA MUJKANović MUJAČIĆ- zamjenik predsjedavajućeg
Gradskog vijeća Tuzla,
-samostalni vijećnik**

Zahvaljujem na diskusiji. Da li se još neko javlja ispred klubova vijećnika? Po drugi put ispred Kluba vijećnika, vijećnica Selma Čatibušić.

SELMA ČATIBUŠIĆ

Ma evo jednostavno sam se sjetila, hajd da i to prokomentarišem nekako ponukana i Senadovim izlaganjem, obzirom da smo je li u Udruženju u kojem ja radim svakodnevno se susrećem upravo sa kategorijama je li romske populacije, kako djece, tako i odraslih i između ostalog imali smo jedan konkretan slučaj u skorijoj budućnosti, upravo shodno tome, ja sam i danas podnijela vijećničko pitanje prema Ministarstvu obrazovanja vezano za obrazovanje odraslih osoba. Naime, lično sam kontaktirala i Ministarstvo i mislim da ima čak na stranici objavljeno kao koje osnovne škole sprovode program obrazovanja odraslih, odnosno ono što se kaže, vanredno obrazovanje za osobe koje su napunile 18 godina, a nisu završile čak ni osnovnu školu. Javio se problem taj, to sam na neki način i apelovala i kroz svoje vijećničko pitanje da uopšte program nije nažalost usaglašen. Tačnije da postoji nekoliko škola na nivou kantona. Evo konkretno u našem gradu koji sprovode taj program vanrednog jel doškoloavanja, odnosno završetka osnovne škole. Međutim, kada sam eto direktno kontaktirala, dobila sam različite informacije da na primjer jedna osnovna škola će sprovesti taj program samo ukoliko bude dovoljan broj korisnika, a opet druga osnovna škola mi je rekla da „Pa ne znamo, vidjećemo kad, možda ćemo organizovat neki konkurs u januaru ili u februaru, nemamo informaciju neku preciznu“. Treća osnovna škola mi je rekla pa isto tako „Vidjećemo ako bude kandidata, možda konkurs tamo nekad u junu, julu“. Smatram da i Gradsko vijeće mora eto i prema Ministarstvu, to bi možda moglo ići i kao zaključak da se na neki način usaglasi program, u tom smislu da se odredi koje škole sprovode taj program, da se navede ne znam na primjer Osnovna škola Miladije, Jala i slično, da će se to organizovati po proceduri, službenoj proceduri svake godine u isto vrijeme, na isti način. Znači, bio to jedan kandidat ili kandidatkinja, ili njih deset. Znači, ako je neko na primjer, nažalost kao što je u ovom slučaju neko bio žrtva trgovine ljudima, kao dijete povlačio se različito po kojekakvim domovima i slično, nije imao priliku, napunio 18 godina i slično, ali evo našao je način sad hoće da se doškoluje, da zna gdje se može obratiti, kome se može javiti, koja je to procedura, koja škola i slično. Smatram da je to jako važno.

S druge strane i sa Nedžadom kolegom sam komunicirala. Postoji Centar za obrazovanje odraslih. Naravno, to je nešto što se plaća. Ta konkretno cijena, ja sam dobila informaciju za završetak jednog razreda je oko 450 Konvertibilnih maraka.

Ako već na neki način posjedujemo ovaj program mogućnosti da iskoristimo javne ustanove, mislim da se treba ići u tom smjeru, ali da to na neki način ne bude toliko komplikovano, nego da se zna tačna procedura, tačan postupak i eto da idemo je li i u nekom tom smjeru. Tako da eto, htjela sam to svakako da kažem i što se tiče samog Akcionog plana, mislim on je odrađen jako, jako dobro. Sretna sam što imamo nešto tako i vjerujem i nadam se da će i u praksi pokazati svoje dejstvo. Eto. Hvala.

**SABIHA MUJKANOVIĆ MUJAČIĆ- zamjenik predsjedavajućeg
Gradskog vijeća Tuzla,
-samostalni vijećnik**

Zahvaljujem. Po drugi put vijećnik Senad Mehmedinović.

SENAD MEHMEDINOVIĆ

Ma samo sam zaboravio jednu stvar, ovaj, a ne bi volio da budem pogrešno shvaćen. Dakle, kad je riječ o ovom izvještaju, možda samo da se koriguje tamo kad se govori o Kiseljaku, piše, navodi se na par mjesta romsko naselje Kiseljak. Dakle, da se, znači, romsko naselje u Mjesnoj zajednici Kiseljak čisto evo, da ne budem pogrešno shvaćen, al evo.

**SABIHA MUJKANOVIĆ MUJAČIĆ- zamjenik predsjedavajućeg
Gradskog vijeća Tuzla,
-samostalni vijećnik**

Zahvaljujem. Ispred kluba vijećnika ili kao vijećnik? (ADMIR HASANBAŠIĆ – Kao vijećnik). Kao vijećnik. Samo sekundu.

Zatvaram raspravu klubova vijećnika.

Otvaram raspravu vijećnika.

Vijećnik Admir Hasanbašić.

ADMIR HASANBAŠIĆ – vijećnik Tuzlanske alternative

Hvala dopredsjedavajuća. Pa ništa, ja sam ponukan ovom diskusijom kolegice Selme Čatibušić. Pa, pošto sam bio kreator ovog obrazovanja odraslih koje je bilo aktualno prije nekih šest, sedam godina, ja bih iznio ovdje jednu informaciju vezano za taj dio.

Naime, u Tuzlanskom kantonu samo su dvije škole registrovane za obrazovanje odraslih. To je Osnovna škola Simin Han i Osnovna škola Safvet-beg Bašagić u Gradačcu. Ne znam da li je neko u međuvremenu radio obrazovanje odraslih.

Međutim, to je jako, jako težak i specifičan posao i zaista to je ogromno opterećenje za osnovne škole. Konkretno, moja škola Simin Han je radila dva konkursa, gdje je bio ogroman broj kandidata prijavljenih. Međutim, to je u velikoj mjeri otežalo redovni proces, redovan nastavni proces učenika.

O čemu se zapravo radi? Jako bitna činjenica je bez obzira, da li išli u Centar za obrazovanje odraslih i koji evo recimo ima u Živinicama i u osnovnoj školi se plaća isti iznos. Znači, 450 Konvertibilnih maraka plaća se i u osnovnoj školi ili u Centru za obrazovanje odraslih. Tako da ovdje po meni mnogo je bolje da ide se u taj Centar za obrazovanje odraslih, jer zaista veliko, veliko je opterećenje. Znači, vjerujte, mi smo škola Simin Han koja je napravila prva kompletan nastavni plan i program za obrazovanje odraslih. Šest mjeseci traje jedna školska godina. Znači, polaznik može za jednu godinu da završi dva razreda. I vjerujte, znate kako su, kakav je naš narod, kada dođe, oni jednostavno misle da im je samo da dobiju to svjedočanstvo ili uvjerenje i da završe razred. Tako da zaista treba po meni ne ići u tom smjeru da nažalost, evo ja govorim iskreno, jer sam bio konkretno u tom obrazovnom procesu, da se opterećuju osnovne škole. Većina ih je odustala. Evo upravo moja škola je odustala od toga, jer je to bio stav nastavnčkog vijeća, jer zaista to ne može paralelno da se izvodi sa redovnim nastavnim procesom. A da treba svakako da se ide u obrazovanje odraslih na ovaj način preko centara, to je jasno, ali treba izdvojiti finansijska sredstva da bi se omogućilo ljudima da nastave to obrazovanje, jer veliki broj tih ljudi, odnosno osoba, je u stanju socijalne

potrebe. Tako da evo to je jedna informacija konkretno iz ovog procesa osnovnog obrazovanja odraslih. Hvala.

**SABIHA MUJKANović MUJAČIĆ- zamjenik predsjedavajućeg
Gradskog vijeća Tuzla,
-samostalni vijećnik**

Zahvaljujem. Idući se za diskusiju javio vijećnik Elvir Bijedić. Izvolite.

ELVIR BIJEDIĆ

Zahvaljujem. Ja ću zaista biti vrlo kratak, svega dvije rečenice. Dakle, želim zaista da izrazim izuzetno zadovoljstvo informacijom koja sadrži apsolutno sve ono što je urađeno kroz ovaj Akcioni plan.

Neću se ponavljati. Dosta toga je već rečeno. Želim samo ovo. Kolega Mehmedinović je već rekao da je neko dobro se potrudio da nam napravi ovako jednu informaciju koja sadrži apsolutno sve. Ja moram da kažem da smo na ovakve informacije već odavno navikli kad je u pitanju Služba za kulturu, sport, mlade i socijalnu zaštitu pod, ovaj, palicom gospođe Asje Redžić. Hvala vam još jednom.

**SABIHA MUJKANović MUJAČIĆ- zamjenik predsjedavajućeg
Gradskog vijeća Tuzla,
-samostalni vijećnik**

Zahvaljujem. Da li se još neko od vijećnika javlja? Vijećnik Nedžad Jusić.

NEDŽAD JUSIĆ

Ja ću samo za kraj ukoliko nema niko da vam se svima zahvalim za vašu diskusiju koju ste dali podršku vezano za realizaciju aktivnosti koji se tiču Roma, jer sve aktivnosti koje se rade za poboljšanje uslova življenja Roma, nije to samo za Rome, nego to je za sve građane grada Tuzle i ja težim ka tome u svakom projektu, svakim aktivnostima koje su usmjereni ka Romima, da ima kompletna društvena zajednica korist.

I s tim u vezi takođe osjećam potrebu da se zahvalim i Evropskoj Uniji i Vijeće Evrope koje realizuje, realizuju program Romate 2, čiji sam ja kontakt tačka za realizaciju ovog programa koji su dali takođe maksimum za izradu ovog dokumenta Akcionog plana i siguran sam u tome da ćemo imati podršku i u realizaciji pomenutog dokumenta i od Vijeća Evrope i od Evropske Unije. Hvala.

**SABIHA MUJKANović MUJAČIĆ- zamjenik predsjedavajućeg
Gradskog vijeća Tuzla,
-samostalni vijećnik**

Zahvaljujem. Zatvaram raspravu vijećnika, a prije nego što stavim na glasanje, samo da provjerim sa vijećnicom Selmom da li ostajete pri zaključku nakon obrazloženja vijećnika Hasanbašića?

SELMA ĆATIBUŠIĆ

Ja razumijem šta kolega govori i stvarno donekle je u pravu, samo nekako smatram da, bojim se da će preveliki troškovi to biti ukoliko, ovaj, se isključivo mislim budemo potencirali Centar za obrazovanje odraslih. Mislim da na neki način trebamo prvenstveno iskoristiti javne ustanove, škole. Tako da, mislim, što se tiče zaključka, ja bih iskreno ostala pri zaključku, onaj, tako da...(SABIHA MUJKANOVIĆ-MUJAČIĆ - U redu. U redu. Zahvaljujem). Mislim, ide prema ministarstvu, tako da...

SABIHA MUJKANOVIĆ MUJAČIĆ- zamjenik predsjedavajućeg Gradskog vijeća Tuzla, -samostalni vijećnik

S obzirom da nema više vijećnika prijavljenih za diskusiju, zaključujem raspravu. Konstatujem da je Gradsko vijeće Tuzla primilo k znanju Informaciju o realizaciji Akcionog plana za Rome 2018 – 2021. godina.

I sada stavljam na izjašnjavaње Akcioni plan za Rome i Romkinje grada Tuzle 2023 – 2026. godina i pozivam vijećnike da aktiviraju uređaje za glasanje.

Zaključujem glasanje.

Konstatujem da Akcioni plan za Rome i Romkinje grada Tuzle 2023 – 2026. godina je usvojen sa,

26 glasova za, nije bilo protiv i nije bilo suzdržanih.

Pozivam sekretara Gradskog vijeća da pročita zaključak.

SLAĐANA KRAJINA – sekretar Gradskog vijeća Tuzla

Gradsko vijeće Tuzla sugerije Ministarstvu obrazovanja i nauke Tuzlanskog kantona da se, pa ja bih samo ovdje dodala odredbe, da se u skladu sa odredbama Zakona o obrazovanju odraslih „Službeni glasnik Tuzlanskog kantona, broj 9/15 i 5/22“ i odredbama standarda i normativa za obrazovanje odraslih u Tuzlanskom kantonu „Službeni glasnik Tuzlanskog kantona, broj 15/15 i 1/23“, usaglasi program obrazovanja odraslih na način da se konkretno definiše koje škole provode taj program, kao i da se definiše procedura u cilju provođenja iste svake godine na isti način.

SABIHA MUJKANOVIĆ MUJAČIĆ- zamjenik predsjedavajućeg Gradskog vijeća Tuzla, -samostalni vijećnik

Sada stavljam na izjašnjavaње zaključak i molim vas da glasate.

Hoćete da ponovimo? Molim vas, poništite glasanje i ponovo ćemo glasati. Molim vas da se izjasnite.

Zaključujem glasanje.

Konstatujem da zaključak koji je pročitala sekretar Gradskog vijeća nije usvojen, 9 glasova za, nije bilo protiv i 17 suzdržanih.

Prelazimo na sljedeću tačku Dnevnog reda.

Tačka sedam:

RAZMATRANJE I USVAJANJE ODLUKE O POKRETANJU POSTUPKA IZDAVANJA U ZAKUP STANOVA U VLASNIŠTVU GRADA TUZLE I STANOVA NA KOJIMA GRAD TUZLA IMA PRAVO RASPOLAGANJA

Predlagač: gradonačelnik Grada Tuzla.

Obrađivač: Služba za boračko-invalidsku zaštitu, stambene poslove i integraciju raseljenih lica.

Materijal su razmatrali: Komisija za statutarna pitanja i propise, Komisija za ekonomske odnose, Komisija za stambena pitanja i klubovi vijećnika.

Da li ima potrebe za uvodnim izlaganjem? (Nema).

Da li ima potrebe da se pročitaju izvještaji komisija? (Nema).

Otvaram raspravu klubova vijećnika.

Vijećnica Selma Čatibušić.

SELMA ČATIBUŠIĆ

Pa ništa, pitanje koje mi je drago da je na Dnevnom redu, jer sam se stvarno tolko bavila ovim stanovima, tako da imam samo zapravo, naravno podržat ću ovo, jer sam i sama na neki način to inicirala, al me interesuje, znači, ovo je jedanaest stanova kojih se daje na rentu i koliko sam upućena oni su na neki način stvarno uslovni za život.

Zanima me da li ima se neki plan u budućnosti za renoviranje ostalih nekih stanova, jer sam čula da su određeni stvarno u jako, jako lošem stanju.

I postavlja se pitanje, na koji način će, da li Grad ima neku viziju na koji način će se ulaganje za obnovu tih stanova zapravo riješiti? Dal će to samo Grad ili...mislim obzirom da kad su u pitanju osobe koje će je li aplicirati na javni poziv, znamo da su to kategorije koje su na neki način vjerovatno naj ugroženije. Dal će na njih spast neka obaveza ili na koji način eto da li, da li postoji neki eventualno plan? Ako već sad ne postoji, vjerujem da će se na tome u budućnosti raditi. Pa eto, to me interesuje. To je to. Hvala.

**SABIHA MUJKANVIĆ MUJAČIĆ- zamjenik predsjedavajućeg
Gradskog vijeća Tuzla,
-samostalni vijećnik**

Zahvaljujem. Vijećnik Nedžad Jusić.

NEDŽAD JUSIĆ

OK. Hvala. Ništa, ova odluka je OK. U ranijem periodu smo pričali dosta o ovim stanovima. Ja pretpostavljam da su ovi stanovi svi prazni i da niko i njha ne živi. Da već nisu, da već nema nekih stanara i vodio bi da to samo pomoćnica potvrdi, dal su slobodni ovi stanovi, jel im dajemo javni poziv. Da već ne objavljujemo javni poziv za korisnike koji su već u tim stanovima.

I s druge strane, s obzirom da smo mi usvojili kriterije za dodjele ovih stanova, moja je preporuka i možda jedan zaključak, ukoliko normalno pomoćnica se prihvati, ukoliko ne, ništa, da uz objavu ovog javnog poziva budu i ti kriteriji, jel neko ukoliko želi aplicirati, prijaviti se

na ovom javnom pozivu, treba da zna kriterije, pod kojim kriterijima se može prijaviti, koliko koji uslov dobija određeni broj bodova. Hvala.

**SABIHA MUJKANović MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Zahvaljujem. S obzirom da nema više prijavljenih za raspravu ispred klubova vijećnika. Zatvaram raspravu klubova vijećnika.
Otvaram raspravu vijećnika. Javio se vijećnik Omer Berbić.

OMER BERBIĆ

Hvala ljepo. Pa ne bi ja isto dugo. Mislim da je ovo jedan od najkvalitetnijih Pravilnika koje smo mi ovdje usvojili iz razloga što se ispoštovalo ono što je opozicija tražila i ono što je bilo, i ono što je bilo predloženo i mislim kao takav da će zaista donjeti pravi rezultat.

Al me zanima informacija kad bi mi mogli dobit potpunu informaciju ko živi u...Ko, ko već ima Gradski stan na korištenje? Pošto smo mi to tražili više puta a i samo nebo zna šta. Ko sve ima pravo na Gradski stan? I mi smo dobijali neformalne informacije iz par javnih preduzeća gdje su nam ljudi ovaj, gdje su nam ljudi na neki način insinuirali, il preko puta mene živi itd. Al nismo nikada dobili službeno informaciju koji Gradski stanovi su pod zakupom i kome su iznajmljeni? Evo samo ta informacija me interesuje u ovoj tački i evo nadam se da, da će Služba to pripremiti do, do idućeg puta. Hvala.

**SABIHA MUJKANović MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

U redu. Zahvaljujem. S obzirom da više nema prijavljenih za diskusiju.

Zaključujem raspravu vijećnika i pozivam gospođu Admiru Atić Tupković pomoćnika gradonačelnika za boračko-invalidsku zaštitu, stambene poslove i raseljena lica da odgovori na pitanja.

**ADMIRA ATIĆ TUPKOVIĆ - pomoćnik gradonačelnika za Službu
za boračko – invalidsku zaštitu, stambene poslove
i integraciju raseljenih lica**

Dobar dan. Ja vas sve srdačno pozdravljam u lično ime i u ime službe. Ovaj, konkretno bih odgovorila na pitanja ovaj, vijećnika.

Pitanje je prvog vijećnice Selme Ćatibušić. Odnosilo se na određeni...Tačno je da postoji određeni broj stanova koji nisu uslovni, dovoljno uslovni za stanovanje da bi bili predmet ovog javnog oglasa, tako da smo na pred-zadnjoj sjednici Kolegija gradonačelnika donijeli jedan zaključak kojim ćemo ovaj, kojim će se oformiti Komisija, dakle, od stručnih lica iz nadležnih službi koji će obići te stanove, dati procjenu koliko je to ovaj, u kakvom su oni stanju, tako da će se za narednu sjednicu Vijeća...U tom slučaju predložimo izmjenu ove izvorne odluke u kojem ćemo predviditi mogućnost da ljudi koji apliciraju za ove stanove dakle, i žele da ulažu u njih, da će se prebiti ta zakupnina sa uložnim sredstvima ovaj, mislim da bi to bio pravilan princip u ovom slučaju.

Što se tiče pitanja vijećnika Omera Berbića naravno da ćemo ovaj, ono što ste tražili pripremiti za narednu sjednicu Gradskog vijeća. (vijećnik Nedžad Jusić govori bez uključenog

mikrofona op.a.) (SLAĐANA KRAJINA – vijećnik Jusić.) (SABIHA MUJKANOVIĆ MUJAČIĆ – Nije odgovoreno na pitanje.) (NEDŽAD JUSIĆ - Stanovi ovi jesu prazni?) Svi su prazni. Svi su prazni. (SABIHA MUJKANOVIĆ MUJAČIĆ – Svi su prazni.) Jeste, jeste.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Zahvaljujem gospođi Admiri na odgovorima.

Sada stavljam na izjašnjavaње ODLUKU O POKRETANJU POSTUPKA IZDAVANJA U ZAKUP STANOVA U VLASNIŠTVU GRADA TUZLE I STANOVA NA KOJIMA GRAD TUZLA IMA PRAVO RAS...Gledam da niste digli ruku Selma. U VLASNIŠTVU GRADA TUZLE I STANOVA NA KOJIMA GRAD TUZLA IMA PRAVO RASPOLAGANJA i pozivam vijećnike da glasaju. Glasanje je okončano.

Konstatujem da je ODLUKA O POKRETANJU POSTUPKA IZDAVANJA U ZAKUP STANOVA U VLASNIŠTVU GRADA TUZLE I STANOVA NA KOJIMA GRAD TUZLA IMA PRAVO RASPOLAGANJA usvojena sa,

27 glasova za, nije bilo protiv i nije bilo suzdržanih.

Prelazimo nasljedeću tačku Dnevnog reda.

Tačka osam:

**RAZMATRANJE I USVAJANJE PRIJEDLOGA METODOLOGIJE ZA
IZRADU IZVJEŠTAJA O RADU I POSLOVANJU JAVNIH PREDUZEĆA I JAVNIH
USTANOVA ČIJI JE OSNIVAČ/SUOSNIVAČ GRAD TUZLA**

Predlagač: gradonačelnik Grada Tuzla.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za ekonomske odnose, Komisija za poduzetništvo i klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija?

Otvaram raspravu klubova vijećnika. Vijećnik Mensur Alić.

MENSUR ALIĆ

Ma ja ću samo dopuniti ovdje da izvještaji ubuduće javnih preduzeća i javnih ustanova upravo danas o čemu smo raspravljali, a to su ovaj, razni fondovi, priliv sredstava mimo redovnih poslovanja, da to bude u jednom dijelu u Izvještaju napomenuto, posebno par rečenica ili, ili cifara ili onoga što je javno preduzeće ili javno, javna ustanova ostvarila u toku godine van budžetskih ovaj, Budžeta. Znači, sredstva koja su dobili da budu obavezno u Izvještaju istaknuto, al u posebnom jednom odjelu. (SABIHA MUJKANOVIĆ MUJAČIĆ – Da.) Evo toliko. Hvala. Samo dopuna.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

U redu. Zahvaljujem. Sljedeća se za diskusiju javila vijećnica Selma Čatibušić.

SELMA ĆATIBUŠIĆ

Pa evo ja imam isto nekako metodoloških par prijedloga ovaj, koje su sugerisali i moje kolege, kolege.

Što se tiče metodologije ono pruža detaljan okvir za izradu Izvještaja o poslovanju što doprinosi i transparentnosti i jednoobraznosti. Jasan uvod objašnjava svrhu dokumenta, ciljeve izvještavanja, precizno definira proceduru podnošenja izvještaja uključujući obaveze nadzornog odbora i organa upravljanja. Detaljno se specifikira set finansijskih izvještaja koji se moraju i priložiti uz izvještaj o poslovanju. Propisuju rokove i period izvještavanja čime se omogućava pravovremeno razmatranje izvještaja. Postavlja jasne smjernice za prikaz različitih aspekata poslovanja uključujući i zaposlene i finansijske rezultate i aktivnosti. Ono što su prijedlozi za napredak jeste da bi metodologija mogla dodatno razjasniti postupke u slučaju kašnjenja sa dostavom izvještaja uključujući konkretne mjere.

Dalje. Jasnoća u definiciji i primjeni pojmova kao što su raspoloživi kapaciteti, stepen korištenja. Može se poboljšati kako bi izbjeglo nesporazume. Dalje je potrebno precizirati kako javna preduzeća mogu postupiti u slučaju da, da, da ne mogu dostaviti izvještaj je li, izvještaj u predviđenom roku. Metodologija bi trebala također naglasiti i važnost objavljivanja usvojenih izvještaja na web stranicama kako bi se dodatno promovisala i transparentnost. U zaključnim napomenama predloženo je dodatno istraživanje uticaju tržišnih kretanja na poslovanje što bi moglo obuhvatiti konkretne analize i strategije za suočavanje sa tim izazovima.

Tako da eto to je par sugestija što se tiče ovih...što se tiče prijedloga odluke, to jeste prijedloga metodologije. Mislim da je poprilično dobra, ali eto da imate i par određenih sugestija na čemu se može i u budućnosti radit. Hvala.

SABIHA MUJKANović MUJAČIĆ - zamjenik predsjedavajućeg Gradskog vijeća Tuzla -samostalni vijećnik

U redu. Zahvaljujem. Ispred Kluba ili kao vijećnik? (ZORAN JOVANOVIĆ – Samostalan vijećnik.) Izvolite. Gospodin Zoran Jovanović.

ZORAN JOVANOVIĆ

Hvala. Pošto mi nema predsjednika ja ću iskoristiti priliku da uhvatim riječ. Pa ništa evo, evo ovaj, ovo je za mene ovaj, prijedlog metodologije za pohvalu. Znači, ovo je ono što smo čekali i da imamo jednoobrazne izvještaje makar za narednu godinu. Imali smo ovdje različita iskustva sa izvještajima, sve smo hvalili, ali evo sad mislim da ovo, da će ovo uozbiljit menadžment ovih naših javnih preduzeća da dostavljaju unificiran izvještaj. I šta mi je posebno drago, ono što sam ja stalno potencirao, uvijek nam se sakriju primanja uz neki prosjek ljudi zaposlenim u javnim preduzećima i to na najveća primanja u nekom prosjeku pa to izgleda normalno. A mi u stvarnosti imamo primanja u javnim preduzećima daleko veća i od gradonačelnika. Znači, veća nego gla-ve ovog grada, što je Zakonom opet o državnoj službi, haj vežem se, ovo su javna preduzeća pa se one osjećaju nekako kao samostalna. Oni su sami nastali, a mi ih formirali, pa mogu ko eto radit kako misle da, da, da bi trebali, a u stvari rade nekako mimo onih formi i, i svega živog. Uglavnom ovo mi je za pohvalu i dajem podršku ovoj metodologiji.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

U redu. Zahvaljujem vijećniku Jovanoviću.

Zatvaram raspravu klubova vijećnika.

Otvaram raspravu vijećnika i dajem riječ vijećniku Admiru Hasanbašiću.

ADMIR HASANBAŠIĆ

Hvala dopredsjedavajuća. Pa ja bih pohvalio Službu za ekonomski razvoj, poduzetništvo i poljoprivredu što predlažu ovu novu metodologiju za izradu Izvještaja o poslovanju javnih preduzeća i javnih ustanova čiji je osnivač ili suosnivač Grad Tuzla.

Naime, ova nova metodologija unaprijedit će izvještaje o poslovanju, a posebno mi je ovdje drago vidjeti da se nakon usvajanja Izvještaja na Gradskom vijeću Tuzla on treba postaviti u roku od 15 dana na zvaničnoj stranici javnog preduzeća ili javne ustanove, s obzirom da možemo uočiti da kod nekih javnih preduzeća i javnih ustanova web stranice se redovno ne ažuriraju i mislim da će ovo biti jedan detalj koji je bitan da i pored toga redovno ažuriraju svoje zvanične web stranice, jer one su jako, jako bitne za reklamiranje samog poslovanja javnih ustanova i javnih preduzeća.

I ono što je po-sebno važno istaći, a to je da je ova metodologija nastala i kao konstruktivna diskusija nas vijećnika kroz Gradsko vijeće Tuzla. I kažem još jednom velika pohvala za Službu za ekonomski razvoj, poduzetništvo i poljoprivredu. Hvala.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Zahvaljujem. Sljedeći se za riječ javio vijećnik Ćerim Rastoder.

ĆERIM RASTODER

Zahvaljujem. Evo ovaj saziv, bar ja evo nekih možda i 20 godina tri, tri puta smo usvajali izvještaje i uglavnom htjeli mi to priznati ili ne dosta je tu prepisivanja bilo stalnih nekih, nije se ni mijenjalo, malo se nešto prilagođavalo itd. u izvještaju. Dobro je ovo što je napravljena ova metodologija. Bilo je to i kroz naše diskusije. Tražili smo i mi da se neke stvari mijenjaju itd.

Ali šta hoću da kažem. Mislim da bi dobro bilo da svake godine ova Služba na osnovu naših tih primjedbi, sugestija itd., ako treba daje nove elemente, nove sadržaje. Ni jedna godina nije ista, ni jedne aktivnosti nisu iste. Nekad nam je težište jedna stvar, nekad druga stvar itd. Evo ovo što je gospodin Mensur reko znači, da ako već uvodimo u firmu da i to bude obavezujući dio. Znači, ne trebamo robovat nego trebamo procijenit šta je to u narednoj godini što nam je težište i javnim ustanovama i nama i na osnovu toga davati da se prave razno-razni sadržaji, razno-razne analize i izvještaji. Znači, ovo je do-bro i ne treba ovo sad da ostane 10 godina, nego pratiti, pa ako treba dopunjavati nove neke elemente, davati, to je ono što bi, što bi možda poboljšalo kvalitet rada i izvještavanja. Toliko.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Zahvaljujem. S obzirom da više nema prijavljenih za raspravu.

Zaključujem raspravu vijećnika i stavljam na izjašnjavanje PRIJEDLOG METODOLOGIJE ZA IZRADU IZVJEŠTAJA O RADU I POSLOVANJU JAVNIH PREDUZEĆA I JAVNIH USTANOVA ČIJI JE OSNIVAČ/SUOSNIVAČ GRAD TUZLA i pozivam vijećnike da glasaju. Glasanje je okončano.

Konstatujem da je METODOLOGIJA ZA IZRADU IZVJEŠTAJA O RADU I POSLOVANJU JAVNIH PREDUZEĆA I JAVNIH USTANOVA ČIJI JE OSNIVAČ/SUOSNIVAČ GRAD TUZLA, usvojena sa,

26 glasova za, nije bilo protiv i nije bilo suzdržanih.

Pozivam sekretara Gradskog vijeća da pročita zaključke proizašle iz rasprava.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži od Službe za ekonomski razvoj, poduzetništvo i poljoprivredu da se u Metodologiju za izradu izvještaja o radu i poslovanju javnih preduzeća i javnih ustanova čiji je osnivač/suosnivač Grad Tuzla, u dijelu podataka i pokazatelja o poslovanju javnog preduzeća i javne ustanove, uvrsti informacija o apliciranju javnog preduzeća/javne ustanove, tokom izvještajnog perioda, na javne pozive domaćih i međunarodnih tijela, agencija i fondova, na programe podrške viših nivoa vlasti i drugih dostupnih izvora finansiranja, prvenstveno projekata finansiranih/sufinansiranih iz fondova Evropske unije i drugih domaćih i međunarodnih organizacija i fondova.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Stavljam na izjašnjavanje pročitani zaključak. Glasanje je okončano.

Konstatujem da su zaključci koje je pročitala sekretar Gradskog vijeća usvojeni sa, 24 glasa za, nije bilo protiv i nije bilo suzdržanih.

Tačka devet:

**RAZMATRANJE INFORMACIJE KOMISIJE ZA PROVOĐENJE JAVNOG
POZIVA I PREDLAGANJE KANDIDATA ZA IMENOVANJE ČLANOVA
ZDRAVSTVENOG SAVJETA GRADA TUZLE**

Predlagač: gradonačelnik Grada Tuzla.

Obrađivač: Služba za ekonomski razvoj, poduzetništvo i poljoprivredu i Komisija za provođenje javnog poziva i predlaganje kandidata za imenovanje članova zdravstvenog savjeta Grada Tuzle.

Materijal su razmatrali: Komisija za izbor i imenovanja i klubovi vijećnika.

Da li ima potrebe za uvodnim izlaganjem? Ima. Molim vas da...Pozivam obrađivača da da uvodno izlaganje.

JUSUF ŽIGIĆ – stručni savjetnik za upravno rješavanje i pravne poslove

Dobar dan. Ja sam Žigić Jusuf ovdje sam u funkciji predsjednika Komisije za izbor kandidata za Zdravstveni savjet Grada Tuzla. Pored mene u Komisiji je još bila kolegica Lejla, direktorica Javne ustanove Centar za socijalni rad i Sanja kolegica koja je direktorica Javne ustanove „Naše dijete“.

Što se tiče ukratko načina rada ove Komisije mogu vam reći da je, kao što vam je poznato Gradsko vijeće donjelo još u četvrtom mjesecu Odluku o formiranju Zdravstvenog savjeta Grada Tuzle i u toj odluci su propisani kriteriji za izbor kandidata. I tom odlukom je takođe ovlašten i gradonačelnik Grada Tuzle da on donese odluku i imenuje Komisiju za predlaganje kandidata.

Komisija je imala 21 prijavu. Na, po javnom pozivu došla je 21 prijava. Inače na propisanom obrascu svaki kandidat je mogao da se prijavi, odnosno da zaokruži 3 kategorije za koje se prijavljuje. Inače Zdravstveni savjet se sastoji od 9 članova i u toj Odluci o osnivanju imamo 9 kategorija znači, iz koje se kandidati mogu imenovati. Znači, na ovih 9 kategorija smo imali 21 prijavu, s tim što u tim prijavama je znači, moglo biti zaokruženo 3 kategorije.

Kada smo otvorili prijave utvrdili smo da 5 prijava, da 2 prijave ne ispunjavaju, da su 2 prijave nepotpune znači, nisu potrebnu dokumentaciju prilago...priložili u svojim prijavama, a 3 prijave su formalno neispravne iz razloga što ne ispunjavaju opšte uslove da bi išle u proceduru za izbor kandidata. Znači, od dvadesetjedne šestnaest kandidata su išli u dalju proceduru, što znači na postupak javnog ispitivanja, odnosno na intervju. I tom prilikom jedna kandidatkinja, iako je uredno dobila poziv nije se odazvala, tako da smo imali 15 kandidata. Od tih 15 kandidata s obzirom na ove kategorije imali smo kandidate iz Udruženja za zaštitu prava pacijenata iz Komore i stručnih udruženja iz oblasti zdravstva iz zdravstvenih ustanova sa područja Grada Tuzla, zatim zdravstvenih radnika iz privatnih praksi sa područja Grada Tuzla, sindikalnih zdravstvenih radnika i organizacija Crvenog krsta/križa Grada Tuzla. Znači, na kategorijama mladih nije bilo ni jedne prijave. Na kategorijama penzionera bilo je ja mislim 4 kandidata koje imate na, na ovoj listi, ali oni nisu ispunjavali uslove, a to je 3 godine najmanje da su članovi udruženja penzionera. Zatim iz Gradskih organa uprave bila je jedna prijava koje je bila nepotpuna jer je nedostajao PBA 3 obrazac, tako da te 3 kategorije nisu, nemamo predložene kandidate za te 3 kategorije. Što se tiče ostalih 6 kategorija bilo je više kandidata. Mi smo ih bodovali. Bili su opšti kriteriji, bili su kriteriji sa intervju. Množenjem kako je i propisano u odluci dobili smo bodovanje. To bodovanje smo prikazali u tabeli u ovoj Informaciji.

I takođe Komisija je imala zadatak da da odgovore na, na prigovore kandidata. Iz ovih prigovora možete najviše...najbolje ocjeniti kako je radila Komisija. Imali smo 4 prigovora. Od toga imali smo jedan prigovor gdje sam kandidat kaže da nije dostavio PBA 3 obrazac, ali je naknadno onda dostavio znači, kad je prošla procedura, te moli da ga uvrstimo što naravno mi ne možemo to uraditi.

Drugi kandidat recimo je ovaj, nije mu jasno kako je došlo do bodovanja što smo mi objasnili. Zatim, jedna kandidat je sam kaže da nema tri godine, što je opšti uslov, ali da smatra da bi on trebao biti, biti izabran, odnosno ili ako ne može, da bude iz kategorije mladih za koje se on nije prijavio, a takođe ne ispunjava uslove jer je stariji od 30 godina.

I četvrti kandidatkinja jedna žali se...Ona je uspješno prošla konkurenciju, al žali se da nije predviđena kategorija za privatne prakse iz oblasti apotekarstva što Komisija ne utiče na to, to je odluka od Gradskog vijeća. Eto ukratko.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Zahvaljujem. Pa sjedite vi tu ako bude nekih pitanja.
Otvaram raspravu klubova vijećnika. Vijećnik Zoran Jovanović.

ZORAN JOVANOVIĆ

U svojstvu zamjenika predsjednika Kluba samostalnih vijećnika. Pa prvo čestitat ću Komisiji na transparentnom radu i evo imamo tabele, imamo sve kako su uradili, poredali su nam sve ovo fino, al mene onaj, malo je zagolicalo zato sam se i javio za diskusiju kaže:

Komisija za provođenje javnog poziva i predla...za imenovanje članova Zdravstveno-nog savjeta Grada Tuzle. Moj drug Jusuf Žigić, sticajem okolnosti znam diplomirani pravnik. Lejla Sadiković ne znam šta je po struci. (Pravnik.) Pravnik. Sanja Karić vjerovatno je i ona pravnik i odlično su uradili ovo što se tiče zakonskog osnova i obrazloženja. Odlično.

E sad mene interesuje ovo drugo nešto. Pošto se radi o Zdravstvenom savjetu kad su radili intervju, ja sam isto pravnik znam o zdravstvu samo da odem doktoru ponekad kad sam bolestan i to jedva ovaj, interesuje me kako su oni vodili intervju sa ljudima koji su profesionalci u svojoj struci zdravstveni radnici sa iskustvom ogromnim? I kako su ih ocjenjivali i ovdje poredano četri-trideset, vako nako, ne znam ni ja, a nisu stručnjaci iz te oblasti?

Znate kad dođete na Komisiju za ocjenu radne sposobnosti i čovjek bolestan, srčani bolesnik, a u Komisiji mu bude fizioterapeut i ocjeni ga, kaže sposoban za rad. I on uloži žalbu, ode u Sarajevo i tamo kažu ne, ne, nije odgovarajućeg profila bio doktor u Komisiji i obore to rješenje i vrate ponovo i kaže obezbjedite internistu il kardiovaskularnog nekog i tak iz te oblasti, ne znam ni ja više ni kako se ko zove u medicini. Mislim da me...da je ovo malo mene, a vjerovatno i kolege ostale...Kako su ocjenili da neko dobar stručnjak...Evo ja sticajem okolnosti znam profesoricu doktoricu Maidu Mulić koja nije zadovoljila. Stručnjak par-ekselans. Znači, po-ka-za-la svoju požrtvovanost za vrijeme kovida 19, kad sam ja vodio odbranu grada, Tuzlanskog kantona i Grada Tuzle od korone i kad smo ginuli na terenu i žena je sa podacima u glavi više neg bilo koja arhiva i ne proći, a mogla je dat jako veliki doprinos sa onim podacima koje ona ima u glavi da nam ne donosi ništa sa, iz kompjutera i na stiku. Mislim da je to trebalo iskoristit. E to je ono što sam ja pričao maloprije. Pozdravljam osnivanje Agencije za razvoj Tuzlanskog...Grada Tuzle., al ne smijemo dozvolit ovo da nam se desi. Izostavili smo stručnjake, izostavili smo aktivne ljude koji rade još uvijek, koji imaju bazu podataka koja će nama možda zatrebat, jer Zdravstveni savjet prerasta u neki krizni štab u vanrednim situacijama kad dođe do belaja a onda ovaj, jednostavno ovi stručnjaci iritirani koji nisu prošli, a aktivirali smo ovdje u Komisiju vjerovatno...Nemam spisak. Ne mogu ovo sravnjavat onaj, onaj, aktivirali smo ljude koji su otišli u penziju. Neki su prošli. Evo neki nažalost radi PBA obrasca tri stručnjaci vrhunski nisu prošli, nisu dostavili i to je ispravno od Komisije što su ih odbili jer nisu dostavili potrebnu dokumentaciju i to je u redu. Al evo ima upražnjenih mjesta ovaj, predlažem, ne znam, vjerovatno će biti ponovo po-ziv il nešto da, da, da popunimo sa ljudima koji nam mogu zatrebat. Evo toliko. Hvala.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Zahvaljujem vijećniku Jovanoviću. Sljedeći se za riječ javio vijećnik Senad Mehmedinovi, a neka se pripremi vijećnik Elvir Bijedić.

SENAD MEHMEDINOVIĆ

Pa i mene je al malo zagolicalo. Ovako. Naravno da mi je izuzetno drago što se formira ovaj Zdravstveni savjet i to je sve formirano u sazivu ovog Vijeća kao što su i neke druge stvari dobre donešene. Članom 4. Odluke o osnivanju Zdravstvenog savjeta propisano je da se članovi Zdravstvenog savjeta mogu imenovati iz sljedećih kategorija mene sad zanima.

Obzirom da ni-su imenovani članovi Savjeta iz kategorija koje ću reći, jel to znači da će biti ponovni javni poziv kao što je rečeno ili ne znam šta mladi, penzioneri i Gradski organi uprave? Prvo mi je žao da se ni jedna mlada osoba na nivou Grada Tuzle nije prijavila za ovaj konkurs, a stalno pričamo o aktivnoj participaciji mladih. Žao mi je što se prijavio mali broj osoba treće životne dobi, od kojih jedan ne ispunjava uslov, a tri nisu u potpunosti imali dokumente koji su se tražili i da iz Gradskih organa uprave samo imamo jednu osobu koja je aplicirala i nedostaje PBA 3 obrazac. Mene sad zanima hoćemol mi na ovom Vijeću donjeti...imenovati Zdravstveni savjet il će se Zdravstveni savjet ponovo dopuniti sa ove 3 osobe koje nedostaju, nedostaju iz člana 4. Odluke o osnivanju Zdravstvenog savjeta?

Dalje, kada je riječ o bodovanju na osnovu iskustva ne znam na osnovu čega se radila ova...ovaj način bodovanja, da ga ne nazovem statistički tamo baždarenjem? Pa imamo do 10 godina jedan bod. Narednih 10 godina 0,05. Pazite 0,05 znači, 1,05 bodova i imamo za sledećih još 10 godina. Dakle, za 30 godina neko ko ima iskustva mogao je da dobije na osnovu to-ga, pazite, na osnovu radnog iskustva 30 godina ne jedan bod, nego 0,10. Sadaka neka. Evo da smo mi...Možda bi to trebalo u budućnosti malo bolje korigovati. Ni-je isto ko radi do 10 godina, 20-30 i mi ovdje vidimo na listi vrsnih stručnjaka ko-ji, da su Zorane dobijali veći broj bodova na osnovu iskustva drugačija bi bila ova lista ovdje koja je sad definisana.

Tako da evo imam pitanje jel mi danas donosimo i imenujemo Zdravstveni savjet sa prvih 9...?Okej. Dobro. Dobro. Samo čisto da, da znam. Znači, mi moramao da popunimo savjet sa osobama koji nedostaje. Okej. Evo samo da dobijem te odgovore. Hvala.

SABIHA MUJKANOVIĆ MUJAČIĆ - zamjenik predsjedavajućeg Gradskog vijeća Tuzla -samostalni vijećnik

Zahvaljujem. Sljedeći se za diskusiju javio vijećnik Elvir Bijedić, a neka se pripremi vijećnica Esana Kavazbašić Huskanović.

ELVIR BIJEDIĆ

Zahvaljujem Pa mislim moja diskusija je upravo išla u pravcu mog prethodnika kolege Mehmedinovića. Dakle, mi u Klubu vijećnika smo...SDP-a smo razmatrali ovu Informaciju i izražavamo zadovoljstvo što je to vrlo brzo praktički stiglo, već nakon evo svega par mjeseci da ovaj, donesemo Odluku o imenovanju Zdravstvenog savjeta. Dakle, mene zanima, odnosno Klub vijećnika SDP-a i vijećnica SDP-a upravo ovo o čemu je...da ne ponavljam.

Dakle, da li će se popunit i imat neki prvi sastanak Savjet ili će to bit tek nakon imenovanja još dodatna 3? I šta u stvari...

Da li smo predvidjeli šta u situaciji ako nam se neko u narednom periodu ne javi ili ne ispunjava uslove da li će počet Savjet sa radom?

Dakle, evo samo da nam neko odgovori na to pitanje. Hvala.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Zahvaljujem. Dajem riječ vijećnici Esani Kavazbašić Huskanović.

ESANA KAVAZBAŠIĆ HUSKANOVIĆ – vijećnik Platforme za progres

Dobar dan dragim kolegama. Ovaj, ja bih željela dati komentar. Mislim želim pohvaliti što gradonačelnik ide u tom smjeru da mi organizujemo ovako jednu Komisiju međutim, ovaj, zaista mi nije jasno kako će neko ko je direktor Javne ustanove „Naše dijete“ ili socijalnog rada ovaj, donjeti odluku da li neki doktor odgovara za neku poziciju ili ne i koje će kriterije zadovoljiti? Jer ta...jednostavno su mi te...nespojivo mi je to sve, al hajd pređimo preko toga. Smatram da je trebo neko biti i zdravstva i da je trebo bit neko iz zdravstvenog privatnog sektora pošto imamo jako puno ovaj, problema trenutno u ra-du.

Druga stvar mi nije jasna, a volila bi da je u ovom Izvještaju ovaj, napisano koje su fakultete završili? Da li su kandidati završili privatne fakultete? Da li su završili državne fakultete? I ako su završili privatne fakultete da li su ti fakulteti akreditovani? Jer trenutno vidim ovdje jednu osobu koja je završila „Kallos“, a nisam baš sigurna da je to akreditovan fakultet. Pošto znam neke od ovih ljudi. I ovaj, zaista je poražavajuće da...Tu bi trebalo ovaj, dobro da se zapitamo zašto se niko od mladih nije javio na ovaj konkurs? Jer mladi očigledno su toliko ubijeni u pojam da smatraju da je to sve namješteno, da je to sve riješeno unaprijed i da nemaju razloga da se prijave na to. Ja mislim da smo trebali više ovaj, uticat na mlade da ovaj, vjeruju ovom sistemu izbora i da se prijave ovaj, kao kandidati koji bi mogli ići dalje u proceduru.

Tako da volila bi da negdje dobijemo Izvještaj znači, gdje se može vidjeti na osnovu...koje su fakultete završili kandidati i na osnovu čega je baš kriterij bio izbora od strane ove Komisije koja je postavljena ovaka kaka jeste? Hvala.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Zahvaljujem. Zatvaram raspravu klubova vijećnika.
Otvaram raspravu vijećnika. Vijećnik Omer Berbić.

OMER BERBIĆ

Hvala ljepo. Vrlo legitimna pitanja. Sva pitanja jako legitimna, evo uzimajući u obzir jako...Postavlja se jako ozbiljno pitanje. Kako Komisija od pravnika može ocjenjivati doktore i ocjenjivati ljude koji će sjedit u Zdravstvenom savjetu Grada Tuzle?

Za mene je to na neki način obrnut sistem vrijednosti koji se ne bi trebao dešavati, jer ovo su ljudi dobro pitali. Po kojem osnovu? Jer ovdje vidimo da je po principu bodovanja iz intervjuja neko išao gore il neko išao dole i vidimo dosta ljudi koji su prošli, a koji su članovi određenih političkih struktura, što nije dobro. Zdravstveni savjet što je reko Zoka, Zdravstveni savjet treba da bude nešto što će preuzet na sebe odgovornost u vremenima krize, što će dat projekte na način kako ćemo mi napraviti zdravstvo boljim. Ja ni-sam zdravstveni radnik, ja to ne znam i ne bi se smio upuštati u koš-tac da ja dajem ili da donosim neke, neke odluke koje su jako bitne u, u kriznim vremenima. Ja to ne bi smio raditi. I postavlja se pitanje kako mi na

taj način možemo praviti sistem kada se evo i ovakve stvari idu, idu po, po nekim političkim, političkim pitanjima il političkim ovaj, afilijacijama.

Kada pročitate ovaj Izvještaj, izvještaj ko izvještaj je vrlo, vrlo transparentan. Na tome čestitam Komisiji. Na tome čestitam Komisiji, al se u Izvještaju može vidjeti da mla-di i penzioneri pa čak ni Grad Tuzla neće imati predstavnika u ovom savjetu. Zašto je to tako? Pa imamo dvije mogućnosti, evo za mlade konkretno. Il će se Grad Tuzla prilagoditi mladima, pa otvoriti profile na instagramu, fejbuku, tik toku itd. i da na taj način pridemo mladima, il ćemo mi ovdje sada tražit da mladi počnu da čitaju Večernji list.

Tako da moj prvi zaključak će biti da: Zahtjevam od Grada Tuzle i od resorne, od Resorne službe da otvore fejbuk, instagram, tik tok naloge i da tu objavljuju javne pozive kako bi došli do što više mladih ljudi prije svega. Ako mi taj zaključak ne prođe ja onda hoću drugi zaključak:

Da mi kao Gradsko vijeće tražimo od svih ljudi mlađih od 35 godina da počnu da čitaju Večernji list ili da im naredimo mi kao Gradsko vijeće. Ili da tražimo od njih da dva puta ovaj, mjesečno moraju doći u Gradsku, u Gradsku upravu i gledat na onoj, na onoj tabli ovaj, tri puta da ne prođe rok da mogu PBA 3 obrazac...Da dođu i da gledaju na tabli javne pozive. Pa sramota je mislim više.

Stvarno evo, ovo je možda dvadeseti javni poziv gdje isto ponavljamo da se ne prijavljuju ljudi, da nemamo kandidata, a onda objavimo u novinama koje apsolutno niko ne čita, a sve ovo i fejbuk i instagram, tik tok, sve je to džaba, to se ne plaća, tako da nema tu nikakvih problema. Sramota je što su i penzioneri očigledno digli ruku, mada evo vidim prijavilo se i penzionera pa nisu prošli. Okej je. Bože moj. Probali smo. Ali je najveća sramota što Grad Tuzla neće bit zastupljen u...De molim vas samo da ja završim. (NATAŠA PERIĆ – Molim vas.) Sramota je da Grad Tuzla neće biti zastupljen e to ne razumijem. Kako smo mi mogli dopustiti da Grad Tuzla ne bude zastupljen, a mi faktički ovaj, i, i defakto upravljamo ovim ustanovama kroz, kroz svoje političke odluke.

I ovo je dobro pitanje:

Da li će se ovo ponoviti da se popuni ovaj Zdravstveni savjet? Mislim da je jako bitan. I još jedno pitanje:

Da li se ovaj Zdravstveni savjet plaća i koliko se plaća ukoliko se plaća? Jer ja na to nisam nikad dobio odgovor, a pito sam par puta.

I da li se i Zravstveni savjet treba nalaziti jednom mjesečno kao i Komisija, il je to bazirano na nekom drugom, na nekom drugom profilu?

I još jedan zaključak za koji mislim da bi bio realan i da bi vratio eventualno transparentnost u javne konkurse, javne pozive Grada Tuzle je zaključak:

Da Gradsko vijeće traže da se intervjui snimaju i da po zahtjevu budu javno dostupni građanima. Jer iskreno kada vidite način dobodvanja i kada vidite da se određeni ljudi koji su bili na listama političkih stranaka preferiraju u odnosu na neke ljude koji možda imaju veće iskustvo, ili evo što se kaže u javnosti su dokazani u nekom poslu, onda se zapitate zaista da li je to sve tako transparentno, divno, krasno, ili je možda taj intervju bio na...bio drugačiji, pa Komisija evo od, sačinjena od, od stručnjaka iz pra-va mogli, su mogli ocjenit doktora. I to je meni sve sasvim...Na kraju evo ja završavam.

Ovo su pitanja i mislim da su pitanja dobra i da su na mjestu i očekujemo ne samo od Komisije nego od cijelo, od cijele Gradske strukture da nam da odgovor na ovo i da vidimo kako ćemo dalje, jer ovako mislim da nije dobro, nije transparentno i nije korektno prema svima nama. Hvala ljepo.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Replika. Replika Anel Ibeljić.

ANEL IBELJIĆ

Hvala. Ma ja ću samo kratko da se nadovežem na ovo izlaganje kolege Berbića. Mislim razumijem ga djelimično, ali reć da ovo nije bilo transparentno stvarno mislim da ne stoji. Ne znam koliko posjećujete svi vi stranicu Grada Tuzle odlična je, prilagođena je svima, sve što se objavljuje od javnih poziva i od konkursa sve je dostupno na stranici i mislim da je i vezano upravo za ovaj poziv. Nekoliko puta sam čak i u medijima i na portalima pročitao, svi su bili pozvani. Jednostavno evo vidjeli smo da uopšte nije bilo pri-java mladih. Niko od mladih se nije prijavio i ne možemo to prebacivat na teret evo i Komisija i nama koji smo donjeli Odluku da ovaj, formiramo Zdravstveni savjet. Hvala.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Omer Berbić replika i Esana re...Vas sam upisala u diskusiju u redu. Znači, replika Omer Berbić, pa Esana Kavazbašić Anelu Ibeljiću.

OMER BERBIĆ

Kolegi Anelu Ibeljiću tako je. (U redu.) Ja sam pohvalio Savjet radi transparentnog Izvještaja, odnosno Komisiju. Nemojte da me pogrešno svatite, ali ja imam opravdane, opravdana pitanja kako je taj intervju prošao i želim da ga vidim. To je jedna stvar.

Druga stvar. Uopšte nije bilo sporno da li je bilo transparentno ili nije. Ja samo kažem da se Grad Tuzla treba prilagoditi mladima, jer ne možemo očekivat da će se mladi prilagoditi Gradu Tuzla. Mladi se očigledno ne prilagođavaju ničemu, nego imaju neke svoje živote, neke načine svog vizije promišljanja, dobijanja informacija i mislim da mi evo kao moderna sredina o kojoj se ovdje puno spominje da smo mi jako ovako ovaj, progresivni. Mislim da mi kao jedna moderna sredina možemo postaviti standarde u ovome polju i da možemo pokazat da se Grad može prilagoditi mladima i da im se mogu informacije na pravi način na mrežama koje oni koriste prenijeti. Kada kažem mladima govorim o generalno evo i mladima i penzionerima, jer vidimo imamo 3 penzionera prijavljena i niko nije prošao. Mislim da bi, da bi do-bro bilo evo bar taj fejbuk i instagram da koristimo kao Grad Tuzla i da institucionalno stanemo iza naše želje da se prilagodimo nekom novom dobu. Toliko. Fala ljepo.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Poslovnička. Mensur Alić.

MENSUR ALIĆ

Pa evo ja želim, ja želim samo da upozorim i da kažem vijećnicima da smo mi donijeli Odluku kao Gradsko vijeće ovdje ko je za članove Komisije i sad postavljamo pitanje otkud ti

članovi, a mi smo kao Gradsko vijeće donijeli. Zašto nismo tad postavili i tražili izmjenu Komisije? Mi smo ta-kođe i naknadu i kriterije sve smo...Ovo Gradsko vijeće je sve donijelo. Ja ne znam otkud ovolika današnja ovaj, frka oko ovoga svega, kad na kraju kažemo sve da je urađeno kako treba, da je Komisija odradila sve, a mi, mi sad poništavamo svoje...Poslovnička ima prednost da znate samo. A mi sad...Mi smo to sve donijeli odluku. Zbog čega smo donosili takve Odluke. Mi sami sebe kao Vijeće, kao vijećnici pobijamo sami sebe u, u svojim Odlukama prije toga.

Zbog toga sam tražio poslovničku da bi, da bi zaustavio ovo dalje. Da se krene u odgovore, u odgovore na ova pitanja. Zahvaljujem predsjedavajuća.

**SABIHA MUJKANović MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Molim vas. Sljedeći se za diskusiju javio vijećnik Zoran Jovan...Izvinjavam se. Rekla sam maloprije da Esana ima repliku, onda molim vas diskusija Zoran Jovanović, a zatim Selma Čatibušić.

ESANA KAVAZBAŠIĆ HUSKANović

Pa ono što sam ja htjela replicirat kolegi ovaj, Anelu obzirom da on spada u grupu mlađih osoba ovaj...Kako bi mladi trebali znati da taj konkurs uopšte postoji, da uopšte Grad hoće ići u tom pravcu? Kako trebaju znati? Kolko će mladi realno ići na stranicu Grada Tuzle? (SABIHA MUJKANović MUJAČIĆ – Vijećnik ne može vijećniku postavljati pitanja.) Dobro. (SABIHA MUJKANović MUJAČIĆ – Molim vas preoblikujte repliku.) Dobro.

Mladi trebaju da znaju da se uopšte ide u osnivanje te Komisije. Ne mogu oni to znati ako nije obavješten u nekim medijima kao što je fejbuk, instagram, tik tok. Mislim kolko će mladi zaista otić na stranicu Grada Tuzle? Ja imam kćerku 18 godina, jako teško. Znači, mi se trebamo...Ovo što je reko Omer je u pravu. Mi se trebamo prilagodit malo mladima. Mi vidimo, evo sve konkurse koje smo do sad ovaj, i prijave koje su bili kolko se malo mladih prijavljuju zato što nemaju pojma da se uopšte to dešava u Gradu. Ne da apliciraju već ne-znaju da se dešava. Hajmo malo se pokrenut, hajmo ih malo aktivirat, hajmo ih malo uključit u, u rad Grada Tuzle.

**SABIHA MUJKANović MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Ispravka krivog navoda. Anel Ibeljić, pa Ana Pejić.

ANEL IBELJIĆ

Ma evo meni je žao stvarno što diskutujemo o ovim stvarima a nisam imao namjeru da diskusija ode u ovom pravcu. Ja sam samo htio da kažem da Grad Tuzla javno i transparentno sve objavljuje na stranici Grada. Svaka Služba objavi poziv za koji je ona nadležna, a pored toga svi mediji su evo upravo ovu vijest prenijeli. Ja sam u tri il četiri medija pročitao upravo ovaj poziv za, za, Zdravstveni savjet, a kad je riječ o ispravci krivog navoda fejbuk i tik tok nisu mediji to su društvene mreže.

**SABIHA MUJKANović MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Ana je...Ana Pejić je povukla ispravku krivog navoda. A obrazloženja radi, što se tiče vijećnice Čatibušić znači ovo su bile replike...poslovnička intervencija, replike, ispravka krivog navoda, a sada će ići diskusije nakon poslovničke intervencije Omera Berbića.

OMER BERBIĆ

Prema Poslovniku ako ispravljamo krivi navod onda ne bi trebalo ići u neke dublje diskusije, nego se ispravi samo onaj navod za koji smatramo da je kriv. Tako da molim vas predsjedavajuća ako se krene ulaziti u neke diskusije, kada bude diskusije, kada bude ispravka, odnosno kada bude ispravka krivog navoda onda da se toga držimo. Eto. Da ne bude samo, jer ja...Mogu ja koristiti Poslovnik na, na mnoge načine ovdje i da onda to napravim pet replika po osnovu toga. (SABIHA MUJKANović MUJAČIĆ – U redu.) A ja to neću da radim.

**SABIHA MUJKANović MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

U redu. Ajde molim vas da se vratimo diskusijama, a inače ispravka krivog navoda traje 3 minute i...(vijećnik Omer Berbić govori bez uključenog mikrofona op.a.) Pa nema potrebe. Dajte molim vas da nastavimo s diskusijama.

Znači, za diskusiju se dalje javio vijećnik Zoran Jovanović, zatim vijećnica Selma Čatibušić i nema više prijavljenih za...I ima izvinjavam se. I ima vijećnica Merima Softić Sprečić i nakon toga ćemo zatvoriti raspravu vijećnika.

ZORAN JOVANOVIĆ

Hvala podpredsjedavajuća. Evo ja sam se javio iz jednog razloga onako ovaj, nisam učestvovalo u radu Vijeća. Ja sam novi kolač u ovom Vijeću onaj kad je donošena Odluka o formiranju Komisije. Da sam bio tad u Vijeću vjerovatno bi moje iskustvo pretežno i ja bi ta-d predložio u, u sastav Komisije nekog iz zdravstvenog sektora.

Zato sad predlažem zaključak, predlažem zaključak: Ja ne znam koliko traje mandat ove, ovog Zdravstvenog savjeta, al ubuduće obavezno u Komisiju člana iz Zdravstvenog sektora koji će moći parirati znanju doktora. Još jednom čestitam Komisiji što se tiče procedure i pravnih propisa odlično su uradili, super. Samo me ono bilo kako ću ja intervjuisati. Ja ne mogu intervjuisati poljoprivrednika, jer ne bavim se poljoprivredom. Hvala.

**SABIHA MUJKANović MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Poslovnička. Selma Čatibušić. Daj...Dajte molim vas prvo sekretar Gradskog vijeća ima poslovničku. Izvolite. Onda Selma.

SLADANA KRAJINA – sekretar Gradskog vijeća Tuzla

Selma ako dozvoljavate samo minut? (SABIHA MUJKANOVIĆ MUJAČIĆ - Molim vas Selma.) Mogul samo mikrofon? Pa evo samo u cilju pojašnjenja da prekinemo sa, sa ovim replikama.

Ja ću samo podsjetiti da je Gradsko vijeće znači, 27. aprila 2023. godine donjelo Odluku o osnivanju Zdravstvenog savjeta Grada Tuzle. Članom 5. Odluke propisano je da: Komisija za izbor članova Zdravstvenog savjeta dužna je informaciju o rezultatima sprovedenog konkursa sa dokumentacijom dostaviti Gradskom vijeću što je Komisija evo učinila koju će nakon što je razmotri dostaviti gradonačelniku, a koji će izvršiti imenovanje u skladu sa stavom 2. ovog člana. Znači, neimenujemo mi danas nego gradonačelnik.

Istom ovom odlukom koje je donjelo Gradsko vijeće propisano je: Ovlašćuje se gradonačelnik da svojom odlukom detaljnije razradi kriterije za učešće i način provođenja javnog poziva.

Gradonačelnik je 27. juna 2023. godine donio Odluku o načinu provođenja javnog poziva za imenovanje 9 članova Zdravstvenog savjeta Grada Tuzle i kriterijima za učešće. I tom odlukom gradonačelnika, a Vijeće ga je ovlastilo za to i utvrdio kriterije za bodovanje kandidata po osnovu iskustva.

Dalje. Možete pogledati mislim, evo ja imam tu kod sebe Odluku. Komisija se sastoji od predsjednika, 2 člana i sekretara kao i njihovih zamjenika koje na prijedlog Službe imenuje gradonačelnik. Znači, to je gradonačelnik utvrdio Odlukom koju ste ga vi ovlastili.

Kad je u pitanju naknada za rad članova Zdravstvenog savjeta. Istom ovom Odlukom kojom je Vijeće osnovalo, donjelo Odluku o osnivanju Zdravstvenog savjeta propisano je u članu 9: Članovima Zdravstvenog savjeta iz člana 4. ove Odluke pripada naknada u stalnom mjesečnom bruto iznosu u visini naknade članu radnog tijela Komisije Gradskog vijeća Tuzla utvrđena Odlukom o naknadama vijećnicima i članovima radnih tijela Općinskog vijeća Službeni glasnik taj i taj.

I još znači kad je u pitanju samo imenovanje kandidata. Nakon sačinjavanja rang liste uspješnih kandidata, a prije imenovanja članova Zdravstvenog savjeta Komisija dostavlja Gradskom vijeću Tuzla informaciju o rezultatima provedenog javnog poziva sa dokumentacijom, te o eventualnim prigovorima na rad Komisije i izjašnjenjem na prigovore, što je Komisija takođe učinila.

U skladu sa zaključcima Gradskog vijeća gradonačelnik Grada Tuzle će imenovati Zdravstveni savjet u roku od 15 dana od dana prijema zaključaka Gradskog vijeća.

I današnji zaključak. Ukoliko vijeće...Naravno primit će k znanju ovu Informaciju...bi bio da u skladu sa članom tim i tim odluke i ove Odluke gradonačelnika i razmotrilo ovu Informaciju, istu dostavlja gradonačelniku koji će izvršiti imenovanje u skladu sa članom 5. Nema smetnje da se sad sugerije da se u buduće od gradonačelnika traži da se u Komisiju eventualno imenuje neko (nerazgovjetno izgovorena riječ op.a.) znači to nema smetnje. Al kod samog imenovanja, evo bilo je nekih nedoumica dal mi danas imenujemo il ne imenujemo, Vijeće samo prima k znanju Informaciju, a sve u skladu s Odlukom koju je samo donjelo.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Zahvaljujem sekretaru Gradskog vijeća na detaljnom obrazloženju i još poslovnička intervencija Selma Čatibušić, a diskusije su povukli Merima Softić Sprečić i Aleksandar Vujadinović i time ćemo zatvoriti raspravu vijećnika. Izvolite Selma.

SELMA ĆATIBUŠIĆ

Pa ja stvarno moram reagovat. U ovom dijelu poslovnička. Članom 74. koji kaže, jer se ovo stvarno dešava često:

Vijećnik koji želi govoriti o povredi Poslovnika ili ne pridržavanju dnevnoga reda odmah dobija riječ čim je zatraži.

Vijećnik koji dobije riječ u vezi poslovničke intervencije obavezan je da precizno i konkretno navede odredbu Poslovnika na koju se poziva i smatra da je prekršena.

Izlaganje o poslovničkoj intervenciji ne može trajati duže od 2 minuta, a vijećnik koji zloupotrebljava poslovničku intervenciju da bi umjesto povrede Poslovnika govorio o drugoj temi predsjedavajući je dužan da oduzme riječ i šalje ga na mjesto. U slučaju da ga dvaput opomene predsjedavajući ili predsjedavajuća će prekinuti sjednicu.

Tako da bi zamolila ako se već pozivamo na poslovničke da se koristimo upravo našim Poslovníkom, da se pozivamo prvenstveno na odredbe i da prvenstveno rukovodstvo Gradskog vijeća obrati pažnju na to kako bi ovo trebalo da ima smisla. (SABIHA MUJKANOVIĆ MUJAČIĆ – U redu. Zahvaljujem.)

To mi je poslovnička. A sad bi konačno da dođem na svoju diskusiju, ako mogu doći na red? Mislim da sam sad na redu. (NATAŠA PERIĆ – Zaključila je raspravu.) Kako zaključila, a ja nisam dobila riječ? A tražila sam diskusiju. (NATAŠA PERIĆ – Pa vi ste konfuzni malo. Vi tražite poslovničku disku...Više ne znamo šta tražite.) Ja sam diskusiju tražila prije 15 minuta, a poslovničku sam trebala dobit čim sam je zatražila.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Nisam...Razumjela sam vas da ste tražili diskusiju. (SELMA ĆATIBUŠIĆ – Da.) Upisala sam vas u diskusiju, a onda ste naknadno rekli da je poslovnička intervencija. A onda sam shvatila da ste u biti tražili poslovničku intervenciju, a ne diskusiju. Morate me shvatit. Nije nikom...Evo sada će dobiti riječ za diskusiju i nakon ovog zatvaramo raspravu vijećnika. Hvala.

SELMA ĆATIBUŠIĆ

Što se tiče diskusije. Da, očigledno da smo mi pogriješili, tj. dali smo hajde da tako kažem pravo gradonačelniku da imenuje vjerovatno vodeći se time da će se neki kriteriji makar osnovni ispoštovat i da će to biti svakako osobe iz Zdravstvenog savjeta.

S tim u vezi predlažem zaključak: Da će u budućnosti za imenovanje ovakvih i sličnih savjeta, iako se daje na pravo gradonačelniku da dostavlja prijedloge, ipak prijedlozi za osobe konkretne imenovanje u, u Savjete i sl. tražiti će se odobrenje, odnosno potvrda Gradskog vijeća. Ne znam da li ste me razumjeli Slađo?

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

U redu. Zaključujem raspravu vijećnika.

S obzirom da nema više prijavljenih za diskusiju zaključujem raspravu.

Konstatujem da je Gradsko vijeće Tuzla primilo k znanju INFORMACIJU KOMISIJE ZA PROVOĐENJE JAVNOG POZIVA I PREDLAGANJE KANDIDATA ZA IMENOVANJE ČLANOVA ZDRAVSTVENOG SAVJETA GRADA TUZLE

Dajem pauzu 10 minuta, a nakon toga ćemo preći na glasanje za zaključke. (Pauza.)

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Molim vas zauzmite svoja mjesta da možemo nastaviti sa sjednicom Gradskog vijeća.

Pozivam sekretara Gradskog vijeća, da pročita zaključke proizašle iz rasprave. Glasat ćemo pojedinačno. (NATAŠA PERIĆ – Selma molim vas na mjesto.) Sekretaru izvolite.

SLAĐANA KRAJINA – sekretar Gradskog vijeća Tuzla

Evo prijedlog prvog, prijedlog prvog zaključka:

- Gradsko vijeće Tuzla je, u skladu sa članom 5. stav (5) Odluke o osnivanju Zdravstvenog savjeta Grada Tuzle („Službeni glasnik Grada Tuzle“, broj 4/23.), razmotrilo Informaciju Komisije za provođenje javnog poziva i predlaganje kandidata za imenovanje članova zdravstvenog savjeta Grada Tuzle i istu dostavlja gradonačelniku, koji će izvršiti imenovanje u skladu sa članom 5. stav (2) Odluke o osnivanju Zdravstvenog savjeta Grada Tuzle i članom 9. Odluke o načinu provođenja javnog poziva za imenovanje 9 (devet) članova Zdravstvenog savjeta Grada Tuzle i kriterijima za učešće i izbor kandidata („Službeni glasnik Grada Tuzle“, broj 7/23.).

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Stavljam na izjašnjavanje zaključak.

(vijećnik Omer Berbić govori bez uključenog mikrofona op.a.)

(SLAĐANA KRAJINA - Tako se zove. Tako se...Tako se Odluka zove. To je naziv Odluke.) Omere? Aleksandar je li tu? Nije. Glasanje je okončano.

Konstatujem da je pročitani zaključak usvojen sa,
22 glasa za, nije bilo protiv i 3 suzdržana.

SLAĐANA KRAJINA – sekretar Gradskog vijeća Tuzla

Prijedlog zaključka:

- Gradsko vijeće Tuzla zahtjeva od Gradske uprave Grada Tuzla da otvori naloge na društvenim mrežama i da na istim objavljuje javne pozive kako bi bili dostupni mladim sugrađanima.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Pozivam vas da glasate. Glasanje je okončano.
Konstatujem da pročitani zaključak nije usvojen,
glasalo se sa 7 glasova za, nije bilo protiv i 19 suzdržanih.

SLAĐANA KRAJINA – sekretar Gradskog vijeća Tuzla

Sljedeći prijedlog zaključka:
- Gradsko vijeće Tuzla traži da se intervjui snimaju i da po zahtjevu budu javno dostupni građanima.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Pozivam vas da glasate. Glasanje je okončano.
Konstatujem da zaključak nije usvojen,
4 vijećnika su glasala za, 1 protiv i 21 suzdržani.

SLAĐANA KRAJINA – sekretar Gradskog vijeća Tuzla

Sljedeći prijedlog zaključka:
- Gradsko vijeće Tuzla sugeriše gradonačelniku Grada Tuzle da se ubuduće u Komisiju za provođenje javnog poziva i predlaganje kandidata za imenovanje članova Zdravstvenog savjeta Grada Tuzle imenuje najmanje jedan član zdravstvene struke.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Pozivam vas da glasate. Glasanje je okončano.
Konstatujem da pročitani zaključak nije usvojen,
7 glasova za, 2 protiv i 17 suzdržanih.

SLAĐANA KRAJINA – sekretar Gradskog vijeća Tuzla

I zadnji prijedlog:
- Gradsko vijeće Tuzla traži od gradonačelnika da u buduće prije imenovanja Komisija koje imenuje po ovlaštenju Gradskog vijeća zatraži saglasnost Gradskog vijeća.
(vijećnik Omer Berbić govori bez uključenog mikrofona op.a.) Jel stvarno?

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Pozivam vas da glasate.
(SLAĐANA KRAJINA – Misl sam...)

(vijećnik Omer Berbić govori bez uključenog mikrofona op.a.)
 (SLAĐANA KRAJINA – Dobro. Izvinjavam se. Do mene je.) Glasanje je okončano.
 Konstatujem da pročitani zaključak nije usvojen jer je,
 18 glasova suzdržanih, 4 protiv i 5 za.

SLAĐANA KRAJINA – sekretar Gradskog vijeća Tuzla

Evo...Nije dodatno. Evo uvažavam, uvažavam primjedbu vijećnika, ja nisam to evidentirala. Stvarno nisam shvatila da je...Kolko se sjećam:

- Gradsko vijeće Tuzla sugerše mladima da čitaju Večernji list.

SABIHA MUJKANović MUJAČIĆ - zamjenik predsjedavajućeg Gradskog vijeća Tuzla -samostalni vijećnik

To je njegov zaključak ljudi. Molim vas da se smirite. (SLAĐANA KRAJINA – Mora se izjasnit.) Znači, kolega Berbić je predložio zaključak (SLAĐANA KRAJINA – Mora se izjasnit.) i naše je da se izjasnimo o zaključku koji je predložio.

Izvolite izjasnite se o zaključku. Zaključujem glasanje.
 Konstatujem da pročitani zaključak nije usvojen jer je,
 20 glasova bilo protiv, 4 suzdržana i 2 za.

Prelazimo na sljedeću tačku Dnevnog reda.

Dajte molim vas malo se smirite da nastavimo dalje.

Tačka deset:

RAZMATRANJE INFORMACIJE O UPRAVLJANJU I ODRŽAVANJU ZAJEDNIČKIH DIJELOVA I UREĐAJA ZGRADA

Predlagač: gradonačelnik Grada Tuzla.

Obrađivač: Služba civilne zaštite.

Materijal su razmatrali: Komisija za komunalne poslove i pitanja mjesnih zajednica i klubovi vijećnika.

Da li ima potrebe za uvodnim izlaganjem? (Nema.)

Da li ima potrebe da se pročitaju izvještaj komisija? (Nema.)

Otvaram raspravu klubova vijećnika. Vijećnik Zoran Jovanović.

ZORAN JOVANOVIĆ

Opet ispred Kluba samostalnih vijećnika. Radi se o jako ozbiljnoj temi i evo iskoristit ću priliku samo da pohvalim znači, Službu koja je uradila ovaj Izvještaj. Ovo nije samo zbir statističkih podataka, ovo je stručno urađeno znači, stručno urađena Iformacija i moje skromno znanje iz ove oblasti zaštite i spašavanja mi dozvoljava da diskutujem u ovome pravcu.

Ovdje je dat pregled rada, problema u radu upravitelja i prijedlog mjera. I što je ovdje još jako bitno istaći da subvencije Grada Tuzle u očuvanju stambenog fonda Grada Tuzle daju velike rezultate. Da nije ovih subvencija u opremanju zajedničkih dijelova i uređaja zgrada ja vjerujem da, da bi već imali fino devastirane ove stam...objekte za kolektivno stanovanje i u ovom pravcu treba i nastaviti. Evo kao što je i dala prijedlog i Služba znači, da, da sufinansiramo i da apelujemo na građane da učestvuju. Imamo jednostavno nezainteresovane

stanare u stambenim objektima koji nisu navikli da žive u kolektivnom stanovanju i, i onda takvi neodgovorni pojedinci dovode u pitanje stambeni fond, a naš grad treba da bude lijep, uredan, sređen i da budemo po uzoru na veće gradove i metropole. I ovdje mislim da, da ovo upućivanje zaključka prema višim nivoima vlasti za aktivno učešće u finansiranju ili sufinansiranju troškova održavanja etažnih vlasnika. Mi smo svjedoci da i Kantonalna i Federalna vlada Ministarstva njihova za prostorno i zaštitu okoline raspisuje javne pozive ali oni se uglavnom ko ja znam...ne znam nek me neko demantuje odnose na objekte individualnog stanovanja. Mislim da je ovdje obrađivač u pra-vu da trebamo predložiti da učestvuju i u sufinansiranju zajedničkih dijelova zgrada u kolektivnom stanovanju. Mislim da bi to bio pun pogodak i sa novcima koji obezbjedi Grad Tuzla i viši nivoi moglo bi se daleko više uraditi. Hvala.

**SABIHA MUJKANović MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Zahvaljujem. Anel Ibeljić se javio za riječ.

ANEL IBELJIĆ

Eh hvala puno. Ma ja ću samo kratko. Nadovezat ću se na diskusiju kolege Zorana. On je stvarno najbolje upoznat o svemu onome što radi Služba civilne zaštite i svakako ova služba zaslužuje pohvalu za sav trud i angažman ovaj, vezano za sve ono što je u nadležnosti te službe.

Takođe na strani 7 ovog Izvještaja, odnosno Informacije predložene su mjere. Smatram da su oni koji su pi-sali ovaj Izvještaj u stvari najpozvaniji da razgovaraju i predlažu ono što je najbolje za u budućnosti što bi se moglo promijeniti, a što je u stvari naša nadležnost da mi iniciramo.

Tako da ću ja evo ispred Kluba SDP-a predložiti ove zaključke: Gradsko vijeće Tuzla traži od Službe za civilnu zaštitu da pokrene inicijativu za donošenje izmjene i dopuna zakona kojim je regulisan oblast upravljanja i održavanja zajedničkih dijelova zgrada na Tuzlanskom kantonu, kao i Zakona o inspekcijama na Tuzlanskom kantonu u dijelu koji se odnosi na regulisanje inspekcijaskog nadzora.

Zatim Gradsko vijeće Tuzla insistira na tome da Služba civilne zaštite nastavi na aktivnosti na subvencioniranju troškova održavanja zajedničkih dijelova i uređaja zgrada iz Budžeta Grada Tuzle u skladu sa mogućnostima.

I zadnji zaključak:

Gradsko vijeće Tuzla traži od Vlade Tuzlanskog kantona i Vlade Federacije da se aktivno uključe u finansiranju ili sufinansiranju troškova održavanja etažnim vlasnicima. Eto. Hvala.

**SABIHA MUJKANović MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Da li se još neko javlja ispred klubova vijećnika? Ako ne.

Zatvaram raspravu klubova vijećnika.

Otvaram raspravu vijećnika. Vijećnik Zoran Jovanović, a neka se pripremi vijećnik Omer Berbić.

ZORAN JOVANOVIĆ

On je mlađi ima vremena da čeka. Malo sam onaj, nisam htio sve u jednoj diskusiji, ali evo ovdje je problem uočila i Služba koja je radila ovaj materijal, ovaj problem visine plaćanja naknade za korištenje zajedničkih dijelova, to je nekih 30 feninga po kvadratnom metru stana. Jako ma-lo, međutim, i od to jako malo koje se prikupi jedan dio uzmu upravitelji. Neće niko da radi džaba. Upravitelj nam dođe ko neki po-srednik. Njegovo je da skuplja kirije, drži na računu, ako bude kakav kvar il ona čistaćica da joj isplati iz tih sredstava koja se prikupe od etažnih vlasnika. Jedan dio uzme onaj tamo predsjednik Savjeta etažnih vlasnika. Ne rade ni oni džaba, znači, onaj iz ulaza i jako malo ostaje. E sad onaj, i to se teško ubire. Vidli ste kolki je dug 200.000 maraka, a 200 hiljada podijeli Grad Tuzla subvencija, sufinansiranja onaj, i jako je nepopularna mjera da idemo na povećanja u ovom momentu sad. Imali smo povećanja raznih ovih komunalnih usluga što je bilo opravdano. Možda bi i ovo bilo opravdano. Međutim, ovaj, povećanjem tih naknada omogućit ćemo ponovo veću naknadu upraviteljima, a oni već imaju sad od mase pofinu zaradu. Možda u nekom periodu evo da, da, da razmisli Služba da da neki prijedlog kako prevazići. Ovo je stvarno minimalna naknada. Nekih 20 maraka na stan, trosoban stan od 70 kvadrata. Pa u tom pravcu možda sugestija Službi da, da proba iznać neko rješenje da malo poboljšamo priliv sredstava, jer jako se teško skupljaju sredstva u ulazu pogotovo kad su neke akcije, kad treba dati mimo one redovne, redovne naknade koja se plaća. Et hvala.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Hasib Hirkić. Replika. Zoranu Jovanoviću jel tako?

HASIB HIRKIĆ – samostalni vijećnik

Evo i ja ću da pozdravim sve. Izvinite kolega Jovanoviću niste me spomenuli, al kada su u pitanju građani ovdje moramo malo nekako drugačije da to pokušamo definisati, iznaći rješenje.

Podržavam ovo sve što je napisano. Ovdje su definitivno napravljeno ono sve kako treba, ali kad su u pitanju građani 30 feninga ovdje se pravi biznis ja mislim upraviteljima zgrada. Sve građani plaćaju. Sve. Znači, od svakog kvara. Prvo što plaćaju njima po kvadratu 30 feninga, nakon toga znači, s-ve što treba uradit opet građani plaćaju. Šta trebamo podić cijenu pa će onda tražit još neko rješenje da opet građane oporezujemo? Mislim da to nije pošteno i da ne-treba. Treba ako se mogne ikako da se oslobo-de građani tih upravitelja mislim da bih možda tad funkcionisali i radili. Hvala.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Zoran Jovanović. Ispravka krivog navoda.

ZORAN JOVANOVIĆ

Prvo 30 feninga ne ide upraviteljima. Od uplaćenih 30 feninga ja mislim da id...Po kvadratnom metru 15% ide upraviteljima, 100%, 100%, 15% ide upraviteljima, al na masi on

nakupi tih fino novaca, a oni su samo posrednici Hasib je u pravu. Oni su samo posrednici. Znači, kad je meni kvar na zajedničkim instalacijama, ko predsjednik kućnog savjeta ja zovem upravitelja, on nađe firmu, majstor dođe popravi i on plati iz naših sredstava. Znači, on je neki koordinator. A onda vam uzme dio sredstava i onaj koji vodi Savjet etažnih vlasnika u ulazu. Neće ni od džaba da radi, da piše, da hoda, da telefonira. I on ima naknadu. Znači, oni su samo kooridnatori. I ja se slažem Hasibe da treba u tom pravcu...Zato sam predložio Službi da u tom pravcu nalazi neka rješenja, jer sve mi plaćamo. Neće vam niko zamjenit besplatno sijalicu u ulazu. Morate je platit ako nećete sami da je zamjenite i kupite. Evo u tom pravcu onaj, to je ispravak.

**SABIHA MUJKANović MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

U redu. Zahvaljujem. Replika. Admir Hasanbašić Hasibu Hirkiću.

ADMIR HASANBAŠIĆ

Replika mom drugu Hasibu. Nije me spomeno, ali evo ja ću njega spomenuti. Replika je u pozitivnom smislu i zaista kolega Hasib je rekao ovdje da ove evo vidimo četiri firme znači, faktički moram priznati jako lo-še obavljaju usluge kada su u pitanju naši građani, odnosno održavanje zgrada.

Meni je zaista, zaista žao što trenutno postoje samo četiri ova upravitelja zgrada, a evo 2019.godine Pravilnikom je izmjenjeno da se više ne provodi javni poziv svake tri godine i da evo u 2023. godini nije zaprimljen niti i jedan novi zahtjev za izdavanje rješenja radi priznavanja prava na obavljanje ovih predmetnih poslova. Zaista ja se nadam da će u 2024. godini pored ova četiri upravitelja pojaviti se još nekoliko, jer tada bismo imali mnogo, mnogo više upravitelja i bila bi usluga za naše građane sigurno mnogo, mnogo bolja. Hvala.

**SABIHA MUJKANović MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Zahvaljujem. Za diskusiju se javio vijećnik Omer Berbić, a neka se pripremi Sabiha Mujkanović Mujačić.

OMER BERBIĆ

Hvala ljepo. Evo ja ću ovdje diskutovati o jednom problemu koji se tiče ovog dijela, a problem su skloništa.

Meni se redovno javljaju ljudi sa problemima skloništa i kažu da se oni obraćaju nadležnim službama i da uvijek dobiju otprilike isti odgovor, a to je da će se izaći, da će se vidjeti kako, šta, gdje, itd., al se ništa ne riješi. I onda dobijamo informaciju da na tom posebnom računu imamo ne znam koliko miliona. Milion-dva maraka za skloništa koja mi nismo utrošili. A juče mi se onda jave ljudi iz, iz Goste Lazarevića 178, što bi volio evo da se, da se, da se provjeri. Kažu ljudi da je zbog pucanja vodovodne infrastrukture njima poplavio cijeli, cjelo sklonište im poplavilo. Da su tu bili neki agregati koji su bili tad noviji itd., sve je to zahrđano, sve je otišlo ovaj, radi pucanja infrastrukture i ljudi se bore da im neko dođe i da, da im to sanira na neki način. Al uvijek dođe isti odgovor. Služba civilne zaštite će pregledati sva skloništa. Tako je ovdje spomenuto itd., a građani su dostavili svu dokumentaciju što od strane

upravitelja, tako i od strane njih da izađe inspekcija da, da izađe inspekcijski nadzor da se valjda to provjeri pa da onda krene da se dođe do neke sanacije.

Tako bi ja volio evo da, da evo recimo konkretan ovaj slučaj zaključkom da se, da se što prije ispita i da se u što kraćem roku dostavi Izvještaj o procesu inspekcijskog nadzora javnih skloništa. Evo ima vjerovatno još skloništa gdje su se ljudi i vama i Službi obraćali, al da se, da se uradi jedan inspekcijski nadzor svih skloništa i da dobijemo neki konkretan plan sa rokovima za sanaciju svih tih skloništa na području grada Tuzle. I kada dobijemo taj konkretan plan da mi možemo dati što se kaže amin na utrošak ovih sredstava ako imamo na posebno računu i da riješimo jednom ovaj problem za idućih 5 godina, al da saniramo ona skloništa koja su evo pod vodom, koja su zapuštena, gdje, gdje se, gdje ljudi imaju zaista ozbiljne probleme, stanari tih zgrada. I ne mora ovo...Evo sad zaključak naravno svejedno mi je. Radite šta hoćete. Odbijte ga. Prihvatite. Svejedno mi je, ali je moja intencija samo da se ovo riješi. Znači, što se mene tiče ne mora se ovaj, ne, ne, ne morate ga prihvatit, uzmite vi na sebe pa dajte vi neku inicijativu da se saniraju skloništa pa nek bude vaša inicijativa, al samo ljudima da se riješi. Eto. Hvala vam ljepo. Toliko.

**SABIHA MUJKANović MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Anel Ibeljić. Replika.

ANEL IBELJIĆ

Hvala. Mislim moro sam replicirati, dobronamjerna je replika. Klub SDP-a znam još u prošlom mandatu da su neke kolege svakako insistirale na onome da se uradi, da se uredi ova, ova oblast kada je riječ o skloništim. Ja koliko znam Služba stvarno svakodnevno radi na tom pitanju. Tu je više riječ o nekim pravnim problemima, jer koliko je meni poznato ta skloništa nisu u stvari vlasništvo Grada Tuzle, nisu ni vlasništvo kantona ni Federacije. Jednostavno u nekom su pravnom vakumu i čeka se evo duži stvarno period da se to razrješi ili da se daju Gradu na upravljanje i korištenje pa da vidimo možemo upravljati na tim skloništim kao što bi i trebalo ili na neki drugi način da se ova materija uredi, al svakako i mi podržavamo ovaj, regulisanje i pitanje sve u vezi skloništa što se radi.

**SABIHA MUJKANović MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Replika. Omer Berbić.

OMER BERBIĆ

Evo i ja ću jako dobronamjerno. Hajmo evo zajedničku inicijativu i de da radimo na tome da se jednom to riješi. Kaže kolega Ibeljić u prošlom sazivu. Znači, prošlo je tri, četiri, pet godina a još uvijek postoji pravni vakum, al mi smo na neki način vlasti i hajmo, hajmo ići u tom pravcu da se to riješi i da, da...Evo sada, sada dobijam informaciju dok sam bio tu napolju za neki intervju. Baš čovjek koji živi u Goste Lazarevića mi govori Omere zgrada je u pitanju imamo, imamo ozbiljne probleme, tehničke probleme zgrade imamo, ima pukotine, ima počelo je stvarno da, da nam pravi problem to itd. Evo ja se slažem s tim i hajde da, da se ide u pravcu da se to riješi. Možda to nije onako previše što se kaže populistički, il ne znam ni ja šta, al je sigurno jedan od, od značajnijih problema koji mi trenutno imamo. Fala ljepo.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Zahvaljujem vijećniku Berbiću.

Sada ću ja ukratko da izložim svoju diskusiju.

Znači, ja sam u prošlom mandatu govorila više puta o ovim stvarima i ako se sjećate još tada sam izrazila svoje nezadovoljstvo upraviteljima u ovome gradu pa, pa sam imala i prijetnje tuž-bom i smatram da stvarno treba naći neko rješenje što se toga tiče. Ovdje u Informaciji stoji da, da se uglavnom zadovoljno radom upravitelja, ali ja ne mislim da je tako, bar ne iz moje svakodnevne komunikacije sa građanima.

Zašto sam se javila? Javila sam se zbog subvencioniranja. Znači, svakako je za pohvalu. Zajedno, zajedno smo svi prošli sva ova subvencioniranja što se tiče Grada Tuzle, naročito za 2023. godinu ali ono što ja predlažem...Skoro sam podnosila i inicijativu Službi civilne zaštite i dobila sam zaista jedan opširan, obiman i dobar odgovor, ali ja bih svakako voljela da se u narednom periodu razmotri mogućnost sufinan-si-ra-nja zamjene starih dotrajalih liftova ili njihov potpuni remont. Znači, da se razmotri mogućnost u nekom na-rednom periodu. Ne odmah, shvatam koliko to košta, međutim, to je problem sa kojim se zaista suočavaju stanari starijih zgrada, a u ovom gradu ih ima poprilično i svi imaju problem sa liftovima koji su dotrajali, koji se konstantno zaglavljaju, propadaju. Hvala Bogu bez ikakvih većih posljedica, međutim, nikada ne znate šta se može desiti. Ono...Ja sam razgovarala sa nekim ljudima koji se time bave i činjenica je znači, ne nabavka novog lifta, nego remont, potpuna obnova starog lifta da košta između trideset do 50.000 konvertibilnih maraka što je ogromna cifra, tako da evo bilo bi dobro da se razmotri mogućnost da li možemo nešto učiniti po pitanju subvencioniranja ovih troškova?

Drugi dio diskusije bio je usmjeren na ovo što je kolega Ibeljić ispred SDP-a ove zaključke svakako se slažem sa njima i eto to je bio, bio cilj neke moje diskusije. Zahvaljujem.

Zaključujem raspravu.

Konstatujem da je Gradsko vijeće Tuzla primilo k znanju INFORMACIJU O UPRAVLJANJU I ODRŽAVANJU ZAJEDNIČKIH DIJELOVA I UREĐAJA ZGRADA.

Pozivam sekretara Gradskog vijeća da pročita zaključke proizašle iz rasprave.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla će uputiti inicijativu za donošenje izmjena i dopuna Zakona kojim je regulisana oblast upravljanja i održavanja zajedničkih dijelova zgrada u Tuzlanskom kantonu, kao i Zakona o inspekcijama Tuzlanskog kantona u dijelu koji se odnosi na regulisanje inspekcijanskog nadzora. Zadužuje se Služba civilne zaštite da pripremi tekst inicijative.

- Gradsko vijeće Tuzla insistira na tome da Služba civilne zaštite nastavi aktivnosti na subvencioniranju troškova održavanja zajedničkih dijelova i uređaja zgrada iz Budžeta Grada Tuzle, u skladu sa mogućnostima.

- Gradsko vijeće Tuzla traži od Vlade Federacije Bosne i Hercegovine i Vlade Tuzlanskog kantona da aktivno učestvuju u finansiranju ili sufinansiranju troškova održavanja etažnim vlasnicima.

- Gradsko vijeće Tuzla traži od Službe civilne zaštite da se da se što prije ispita stanje javnih skloništa na području grada Tuzle te da se Gradskom vijeću Tuzla dostavi informacija sa prijedlogom mjera za sanaciju javnih skloništa na području grada Tuzle.

- Gradsko vijeće Tuzla sugerše Službi civilne zaštite da se razmotri mogućnost sufinansiranja remonta starih dotrajalih liftova u stambenim zgradama na području grada Tuzle odnosno njihove zamjene.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Predlažem da glasamo za sve zaključke može li? (NATAŠA PERIĆ – U paketu.) U paketu. (vijećnik Zoran Jovanović govori bez uključenog mikrofona op.a.) (NATAŠA PERIĆ – Ima Zoran.)

ZORAN JOVANOVIĆ

Ima i moj jedan zaključak. Mislim da sam predložio da se apeluje na građane medijski nekako (NATAŠA PERIĆ – Uključite mikrofoni.) da održavaju...da učestvuju u očuvanju svog stambenog fonda. Nije to zgrada to je njihov stan, njihov dom. Pojedinačno to je zgrada. (SABIHA MUJKANOVIĆ MUJAČIĆ – U redu. U redu.) E to. Medijski nekako da se iznađe mogućnost. Nisam ja taj ti, ti profil tog zanimanja.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla
-samostalni vijećnik**

Dakle pozivam vas da glasate za pročitane zaključke uz dodatak zaključka koji je sada pomenuo vijećnik Jovanović.

Molim vas da glasate. Glasanje je okončano. A nije. Poništavam glasanje.

Molim vas da se ponovo izjasnite. Medina? Čerime? Emire? To je to jel tako? Glasanje je okončano.

Konstatujem da su zaključci koje je pročitala sekretar Gradskog vijeća usvojeni sa, 25 glasova za, nije bilo protiv i nije bilo suzdržanih i dajem pauzu 10 minuta. (Pauza.)

NATAŠA PERIĆ – predsjedavajući Gradskog vijeća Tuzla

Molim vijećnike da uđu u salu nastavljamo sa radom.

Prelazimo na jedanaestu tačku Dnevnog reda:

RAZMATRANJE IZVJEŠTAJA DOMA ZDRAVLJA „DOKTOR MUSTAFA ŠEHOVIĆ“ TUZLA O IMPLEMENTACIJI NOVIH STRATEŠKIH CILJEVA UNAPREĐENJA PROCESA RADA, PRUŽANJA ZDRAVSTVENIH USLUGA I TEHNIČKO-TEHNOLOŠKE OPREMLJENOSTI USTANOVE

Obrađivač: Dom zdravlja „Doktor Mustafa Šehović“ Tuzla, a materijal su razmatrali klubovi vijećnika.

Imal potrebe za uvodnim izlaganjem? Nema.

Imal potrebe da se pročitaju izvještaji komisija? Nema.

Otvaram raspravu klubova vijećnika. Elvir Bijedić ispred Kluba SDP-a. Izvolite. A neka se pripremi vijećnica Sabiha Mujkanović Mujačić.

ELVIR BIJEDIĆ

Zahvaljujem predsjedavajuća. Dakle, Klub vijećnica i vijećnika SDP-a je razmatrao ovaj IZVJEŠTAJ DOMA ZDRAVLJA O IMPLEMENTACIJI CILJEVA ZA UNAPREĐENJE PROCESA RADA, PRUŽANJE ZDRAVSTVENIH USLUGA I TEHNIČKO-TEHNOLOŠKE OPREMLJENOSTI USTANOVE i htio bih istaknuti da će Klub SDP-a i dalje u punom svom kapacitetu biti potpuno na strani svih aktivnosti koji se u okviru svog djelovanja može sprovesti u Gradskom vijeću. Dakle, dajemo punu podršku i dalje menadžmentu Doma zdravlja.

Ono što bih htio reći dakle, da u potpunosti podržavamo sve ono što su oni istakli u ovom svom Izvještaju u smislu dakle, formiranja organizacionog odbora koji je evo, koji se najmanje u Informaciji jednom mjesečno održava sastanke sa rukovodiocima službi, na kojima se razmjenjuju sugestije i ideje. Podržavamo dakle, formiranje projektnog tima koji će analizirati potrebu za opremom, te se javiti na projekte za apliciranje za različite projekte.

Dakle, mi smo danas imali na sjednici Vijeća usvojili smo Odluku o formiranju nove Javne ustanove „TRAG“ i mislim da bi ovo bila dobra prilika da iskoristimo i da možda napravimo kao Gradsko vijeće jedan zaključak u kojem ćemo dakle, tražiti od menadžmenta Javne ustanove Dom zdravlja Tuzla dakle, da ovaj projektni tim koji je formiran u što skorije vrijeme čim se stvore uslovi, kad se formira dakle, i preduzeće, kad se osnuje preduzeće, novo preduzeće „TRAG“ da se ostvare kontakti kako bi im Javna ustanova Tuzlanska razvojna agencija bila na usluzi za apliciranje na različite projekte jel.

Dakle, puna podrška otvorenosti i tijesnoj saradnji sa različitim ovaj, nevladinim organizacijama u cilju kvalitetnije podrške korisnicima usluga, a posebno mi iz najranjivije populacije koji su već ostvarili jel.

Raduje me dakle, da su intenzivirani i aktivnosti na obnavljanju rada edukativnog centra iz oblasti urgentne medicine s obzirom da ta Ustanova zaista ima izuzetne predavače iz oblasti Kardiopulmonalne reanimacije koji su certificirani od strane Evropske unije i vidimo da im je cilj postati referentni centar za obuku iz Kardiopulmonalne reanimacije na nivou Federacije BiH.

Takođe danas smo imali i jednu inicijativu koja se tiče izrade Pravilnika za upotrebu vanjskog defibrilatora i evo koristim priliku dakle, da možda, ali evo ne mora kao zaključak, ali evo nadam se da će se stvoriti ovaj, prilika dakle, da u što skorije vrijeme se osim, osim obuke iz Kardiopulmonalne reanimacije obučavaju dakle, i zainteresovani za upotrebu vanjskog defibrilatora u Kardiopulmunalnom centru u Domu zdravlja Tuzla.

Ono što nije sadržano u ovoj Informaciji, a što bi zaista htjeli da naglasimo i ispred Kluba vijećnika i siguran sam da i ostali članovi ovog Gradskog vijeća ne bi imali ništa protiv, a to jeste edukacija samih uposlenika. Dakle, Dom zdravlja organizuje predavanje edukativnog karaktera u smislu dakle, internih edukacija. Međutim, mišljenja smo dakle, da bi edukacija kadra, a da bi se pratila nabavka, da bi to pratilo nabavku opreme ovaj, u perspektivi, potrebno je dakle, educirati dodatno kadar, a zato dakle, stoji na raspolaganju kako Gradska uprava tako i ovo Gradsko vijeće, a siguran sam da i sam menadžment može iznaći ovaj, sredstva unutar, unutar svoje javne ustanove za dodatno educiranje kadra iz svih oblasti.

Želio bih se u ime Kluba vijećnica i vijećnika SDP-a zahvaliti svim uposlenicima koji će 30. 11. po ovoj Informaciji darivati krv, njih 70 ovaj, smatramo to izuzetnim gestom, jer ko bi drugi nego zdravstveni radnici jel.

I za kraj smo ostavili nešto što je već par puta i u ovom sazivu, a i u prethodnim sazivima Gradskog vijeća Klub SDP-a potencirao dakle, i ne samo Klub SDP-a i ostali su, ali evo od

pretprošlog saziva pa i tokom prošlog saziva i ovog saziva Gradskog vijeća to jeste prilaz pedijatrijskoj službi dakle, izgradnja rampe. S obzirom da imamo informaciju da su intenzivirane aktivnosti i da je to privedeno kraju mi bismo tražili od menadžmenta informaciju u smislu šta znači konkretno da su, da li je to zaista dovedeno do samog kraja i kad je to neki okvirni rok kad bismo mogli imati konačno prilaz pedijatrijskoj službi?

Dakle, uz napomenu da to ne moramo dobiti sad dakle, može to i pisanim putem u nekom narednom periodu. Evo recimo do, do, do naredne sjednice. (NATAŠA PERIĆ – Ma ja.) Do naredne sjednice Gradskog vijeća. (NATAŠA PERIĆ - U stenogramu će biti zapisano.)

Dakle, puna podrška, puna podrška radu Doma zdravlja svim uposlenicima na čelu sa menadžmentom. Hvala.

NATAŠA PERIĆ

U redu. Hvala. Sljedeća za riječ se javila vijećnica Sabiha Mujkanović Mujačić ispred Kluba samostalnih vijećnika. Neka se pripremi vijećnica Huskanović. Izvoli.

SABIHA MUJKANOVIĆ MUJAČIĆ - zamjenik predsjedavajućeg Gradskog vijeća Tuzla -samostalni vijećnik

Zahvaljujem predsjedavajuća. Ovo je tačka koju sam ja inicirala. Znači, znamo svi šta smo prošli u proteklom periodu vezano za Dom zdravlja i naprosto sam željela dobiti informaciju da vidim da li su se stvari pokrenule sa mrtve tačke i zahvaljujem se na Informaciji koja je dostavljena. Stvari su se definitivno i jesu pokrenule sa mrtve tačke i na tome čestitam novom menadžmentu. Ono što mi se sviđa u ovoj Informaciji da je istaknuto da su se prvo posvetili svojim zaposlenicima radnicima, jer upravo radnici jesu oni od kojih zavise pacijenti.

U proteklom periodu svi smo bili svjedoci, sigurno ste svi dobili Informaciju na određeni odnos doktora ili medicinskog osoblja prema pacijentima koji i nije bio najbolji i možemo to vezati za nezadovoljstvo radnika u svemu onom što se dešavalo u proteklom periodu. I zbog toga mi je izrazito drago vidjeti da su na prvo mjesto stavljeni radnici, jer zadovoljan radnik jeste najbitniji. Samim tim bit će puno bolji prema pacijentu. Pacijent se neće osjećati nelagodno da dođe i traži pomoć u medicinskoj ustanovi.

Ono što mi je takođe još drago vidjeti. Liste čekanja. Znači, i sama sam ovdje podnjeli inicijativu sa nekim prijedlozima kako riješiti te liste čekanja i zaista mi je drago vidjeti da je isti problem najvećim dijelom riješen.

Ono zašta svakako pohvaljujem ja ću reći ovaj put direktora, jer s njim sam imala kontakt i komunikaciju. Da je zaista sprema da sasluša prijedloge, sugestije i da ih primjeni i to je već samo po sebi napredak.

Evo vidimo da je sve spremno i za Službu hitne medicinske pomoći. Pretpostavljam da je u pitanju Ši Selo. Ona zgrada socijalnog stanovanja i to je zaista odlična vijest.

Ono što je za mene bio najbolji korak u svemu ovome u proteklom periodu, a to je ono psihološko savjetovalište za mlade koje je otvoreno na drugoj lokaciji, a ne u Domu zdravlja i to je za mene vjerovatno najbolja aktivnost. Zbog svega dakle, mentalno zdravlje je ja-ko važan aspekt života svakog pojedinca i mislim da tek sada u zadnje vrijeme na, nakon svih ovih nemilih događaja postajemo svjesni koliko je bitno mentalno zdravlje ljudi i koliko je narušeno. Ono što je problem naše sredine još u-vijek je ta stigma i da ljudi izbje-ga-va-ju ići doktorima, a to rezultira onako kako nažalost rezultira. Mi imamo jednu prednost u odnosu na sve druge, prednosti u odnosu na zapad, a to je da je ovdje posjeta psihološkim savjetovalištima i takvim doktorima besplatna. Na zapadu se papreno plaća, al mi to ne koristimo zato što nas je sramota. To je nešto na čemu treba raditi u narednom periodu i zato volim što je...Jel tako u Domu

mladih? U Domu kulture je otvoreno ovo psihološko savjetovanje. Jel tako? Ovaj, i ljudi se ne osjećaju nelagodno doći. Zaista se nadam da je imalo pozitivan odjek i ono što je svakako neki moj prijedlog za razmišljanje. U Švicarskoj ja mislim da postoje isto tako programi u kojem su Službe centri mentalnog zdravlja ili Službe za mentalno zdravlje. Znači, imaju dogovore i rade sa nevladinim udruženjima i psihološko savjetovanje se obavlja u tim nevladinim udruženjima tako da se ljudi ne osjećaju nelagodno ići, a dobijaju redovno psiho-terapije koje su im potrebne i razgovore. I možda ne bi bilo loše razmisliti i o nekom takvom projektu. Evo mi ovdje ne znam imam...da ne nabrajam. Imamo „Feniks“, imamo Viva Žene, imamo puno nevladinih organizacija koji se time bave i možda ne bi bilo loše uspostaviti neki vid saradnje sa tim udruženjima, a mislim da će ja-ko dobro doći.

I evo ono, na čemu posebno želim da vas pohvalim, to je apliciranje na projekte. Ja sam imala inicijativu prošli put. Mislim da smo svi dobili odgovore i ja sam ih jako dobro izanalizirala. Čisto da vidimo koja preduzeća i ustanove se oslanjaju isključivo na Gradski Budžet, a koja preduzeća i ustanove tra-že način za rješavanje svojih problema i negdje drugo. Na nekim drugim nivoima. I vidite. Nije bitno ni ako nisu prošli, bitno je da su aplicirali, da su pokazali že-lju da rade nešto, a ne samo da se oslanjaju isključivo na Budžet ovog grada.

Dom zdravlja ja mislim da prednjači što se tiče ove godine. Mislim imali smo Komunalac u onim odlukama. Imaju najveću cifru, ali oni su obuhvatili period od 10 godina. Ja sam isključivo tražila period od 2022. i dvadesettreće godine. Znači, za zadnje dvije godine. Dom zdravlja se javio ja mislim na deset projektnih poziva da je ovdje. Znači, svaka vam čast i to je napredak kakav treba da vidimo. Iskreno se nadam da ćete proći na što više ovih projekata i da ćete dobiti što više svojih sredstava. Uglavnom tu smo da pružimo podršku i zaista mi je drago da su se stvari pokrenule sa mrtve tačke.

NATAŠA PERIĆ

Hvala. Sljedeća za riječ se javila vijećnica Esana Kavazbašić Huskanović ispred Kluba Platforme za progres. Neka se pripremi vijećnik Nedžad Jusić.

ESANA KAVAZBAŠIĆ HUSKANOVIĆ

Pa evo ja bi samo ovaj, mali osvrt na ovaj Izvještaj. Znam da novom menadžmentu nije uopšte lako jer ima jako puno ovaj, problema koji su se zadnjih godina nagomilali i jednostavno predstavlja veliki izazov njima svima na rješavanju toga, ali vjerujem da će uspjeti.

Što se tiče samog Izvještaja znači, dobre stvari Izvještaja su transparentnost i informacije. Izvještaj pruža opsežne informacije o aktivnostima i postignućima u periodu od aprila do novembra 2023. godine. Aktivnosti usmjerene na unapređenje rada, naglašava se rad na unapređenju procesa rada, otvorenosti prema radnicima i korisnicima, te nabavci nedostajuće medicinske opreme što je posebno pohvalno, aktivnom sudjelovanju u projektima, apliciranje za sredstva i donacije pokazuje napore u poboljšanju opreme i pružanju kvalitetnijih zdravstvenih usluga.

Loše strane Izvještaja su: Jezik i stil pisanja. Izvještaj može biti bolje strukturiran i jasnije napisan posebno u dijelu koji se odnosi na aktivnosti projektne aplikacije. Takođe nedostatak konkretnih brojevanih podataka ili statistika može otežati procjenu stvarnih postignuća i učinaka.

Detalji o finansijskim sredstvima. Iako se spominju projektne aplikacije nedostaju detalji od dobivenim sredstvima i načinu njihove raspodjele. U zaključku iako Izvještaj pruža informaciju o aktivnostima i ciljevima mogao bi biti poboljšan jasnijim jezikom, dodatkom kvantitativnih podataka, te pružanjem više informacija o finansijskim aspektima. I naravno

pacijent na prvom mjestu, a ne samo na papiru. Možda i da dodatno promovišu ono što dobro rade. Tipa škole za trudnice i patronažne službe. Toliko. (NATAŠA PERIĆ – Jel to sve?) Da.

NATAŠA PERIĆ

U redu. Hvala vijećnici Esani. Sljedeći za riječ se javio vijećnik Nedžad Jusić ispred Kluba nacionalnih manjina. Izvolite Nedžade.

NEDŽAD JUSIĆ

Hvala predsjedavajuća. Mislim da je Sabiha dosta toga rekla. Ja ću možda samo neke stvari i ovaj, ponoviti, ali prije svega iskreno se zahvaljujem menadžmentu koji su stvarno krenuli sa mogu reći dobrim putem kako bi korisnik zdravstvenih usluga u Domu zdravlja bio zadovoljan.

Mi-slim pored ovog sve-ga, ovih ciljeva, da korisnik treba da bude zadovoljan i da bude prvenstveno ljudski pri-mljen na pregled. Jer evo, između ostalog i ja sam u zadnjih nekih mjesec-dva koristio usluge Doma zdravlja i vidim neke stvari da se mijenjaju ka boljem i siguran sam u tome da ne trebamo stati na ovom, da trebamo uvijek raditi na tome da nam korisnik bude zadovoljan i da pružimo maksimum usluga onoliko koliko možemo.

Ali s druge strane takođe bih htjeo da iskažem svoje zadovoljstvo s tim što je novi menadžment uvidio mogućnost da se može poboljšati uslovi rada kao i sve drugo u ustanovi sa sredstvima koji netko drugi daje, ali treba tražiti ta sredstva, odnosno treba apalicerati ka određenim donatorima. I evo imamo ovdje u ovom kratkom periodu nekih 10 projekata aktivnosti su napravljeni, poslani. Ja sam siguran u tome da će se određeni broj projekata odobriti i da će se implementirati.

Takođe mi je veliko zadovoljstvo na kraj krajeva što je i Udruženje građana „Euro Rom“ u partnerstvu zajedno sa Domom zdravlja apliciralo Ministarstvu za ljudska prava i izbjeglice za određena finansijska sredstva i ja se nadam u narednih sedam do deset dana da će izaći javni...Da će izaći rezultati ovog Javnog poziva. Između ostalog da će biti odobrena finansijska sredstva za realizaciju ovog programa. I mislim da je ovdje najvjerovatnije štamparska greška il nešto je napravljeno, al zbog javnosti. Projekat je vrijedan oko 100.000 maraka, ne dvadesetpet. Znači, pošto sam indirektno i učestvovao u kreiranju ovog programa projekta i da je oko 100.000 maraka i siguran sam u tome da ćemo početkom i u toku 2024. godine implementirati ovaj program, ovaj projekat koji će donjeti dobrobit građanima grada Tuzle. Hvala.

NATAŠA PERIĆ

Hvala kolegi Jusiću. Sljedeći za riječ se javio vijećnik Hasanbašić ispred Kluba Tuzlanske alternative. Izvolite.

ADMIR HASANBAŠIĆ

Hvala predsjedavajuća. Naime nakon izlaganja koleginice Sabihe i ostalih kolega ne bi da, ne bih da se ponavljam jer zaista su rekli sve ono što je menadžment Doma zdravlja učinio. Ja bi iskoristi, iskoristio priliku da čestitam menadžmentu za ostvarivanje ovih zacrtanih ciljeva i to za vrlo, vrlo kratko vrijeme i vidimo da su ovi ciljevi definisani u više, u više segmenata i nakon či-tanja i detaljnog analiziranja ovog izvještaja ja sam siguran da će naši građani u narednom periodu imati još kvalitetniju zdravstvenu zaštitu. Još jednom iskrene čestitke menadžmentu i sve najbolje.

NATAŠA PERIĆ

Hvala kolegi Hasanbašiću.

Zaključujem raspravu klubova vijećnika.

Otvaram raspravu vijećnika. Prvi za riječ se javio vijećnik Anel Ibeljić. Neka se pripremi vijećnica Pejić. Izvolite.

ANEL IBELJIĆ

Hvala predsjedavajuća. Evo ja ću samo ovaj, potrebu da se javim iako je ispred Kluba vijećnika SDP-a drug Elvir Bijedić jasno iskazao podršku menadžmentu Doma dravlja. Međutim, osjećao sam da i u svoje lično ime jasno moram iskazati i istaći podršku i čestitati upravi menadžmenta u proteklih nekoliko mjeseci, (NATAŠA PERIĆ – Samo vi nastavite. Ja se izvinjavam moja greška, ali možete kao vijećnik dva puta. Izvinite Anele ja samo nešto...) ovaj, moram stvarno da čestitam upravi, prije svega direktoru Samiru Mačkoviću i medicinskom direktoru Zlatku Kalabiću koji su veoma odgovorno pristupili izvršavanju poslova koje su preuzeli. Da je to upravo tako možemo vidjeti iz samog Izvještaja koji nam je dostavljen na ovo Vijeće gdje se vide konkretni ra...konkretna razultat rada uprave u posljednjih nekoliko mjeseci.

Iz Izvještaja proizilazi da su ciljevi, neki od osnovnih ciljeva nove uprave u stvari unapređenje procesa rada, unapređenje zdravstvenih usluga, otvorenost prema javnosti. I već sada možemo reći da su dobrim dijelom upravo ovi ciljevi i realizovani.

Takođe raduje me i činjenica što je Dom zdravlja prihvatio zaključak Gradskog vijeća usvojen na jednoj od proteklih sjednica vezano za dobrovoljne davaoce krvi na način što će izmjeniti svoje interni akt, tako da će dobrovoljnim davaocima krvi dati dva dana plaćenog odsustva. Hvala.

NATAŠA PERIĆ

Hvala kolegi Ibeljiću. Sljedeća za riječ se javila vijećnica Ana Pejić. Neka se pripremi vijećnik Hirkić.

ANA PEJIĆ

Zahvaljujem. Evo malo je stvari koje kolege već nisu ranije navele. Svakako iskrene čestitke menadžmentu na ostvarenim ciljevima i zahvaljujem se na ovom dostavljenom Izvještaju.

Posebno bih izdvojila zaključak koji se odnosi na planiranje aktivnosti ovaj, koje se odnose na izmještanje stomatologije, Službe stomatologije znači, u cilju pristupačnosti za osobe sa invaliditetom. I također uz to posebna je činjenica da su planirali oformiti i tim, mobilni tim za djecu sa poteškoćama znači u razvoju ovaj, kako bi se roditeljima barem na taj način koliko toliko olakšala briga za organizacijom dolaska i odlaska ovaj, tih potreba.

I još jednom pohvale ovaj, kao što je već i kolegica Sabiha navela u svom izlaganju za otvoren psiho, za otvoreno psihološko savjetovalište za mlade kako je i ona već navela s obzirom na cjelokupnu situaciju i kod nas u državi i u svijetu ovaj, i te kako je dobro došla. Još jednom sve pohvale.

NATAŠA PERIĆ

U redu. Hvala Ani. Sljedeći za riječ se javio vijećnik Hasib Hirkić. Neka se pripremi vijećnik Bijedić. Izvolite.

HASIB HIRKIĆ

Zahvaljujem predsjedavajuća. Evo ja ću se samo kratko, neću onaj puno se osvrtat već su kolege i kazale sve što treba. Ali da je danas, da je danas puno, puno onaj, ljepše i ugodnije slušati o Domu zdravlja, o Ustanovi koja puno znači nama svima nego prethodnih sjednica Gradskog vijeća pogotovo kad su Izvještaji Doma zdravlja tako da pohvale za menadžment.

I sam, sama cifra pacijenata koji su vraćeni od nekoliko hiljada znači, u Dom zdravlja koji su bili u privatnom sektoru i to pokazuje veliku ozbiljnost ljudi koji su preuzeli menadžment i koji rade mislim ispravnu stvar.

A vrijedno je napomenuti da znavljanje opreme u Domu zdravlja puno košta, a svima nam je potrebno, a da Budžetom ja mislim nije planirano ni-šta Domu zdravlja, možda griješim, ali mislim da je realno bilo i razmišljati i o tome da tražimo kvalitetnije usluge za nas i pacijente, bar one koji se liječe u Domu zdravlja, da je realno bilo da nečekamo više Rebalanse Budžeta pa da se Domu zdravlja izdvajaju sredstva, da je trebalo planirati samim Budžetom pa bar 500 hiljada za znavljanje te opreme i nabavku nečega što nam treba, al evo možda nam je to jedan od propusta, al u buduće da barem ne kritikujemo ako nismo ništa dali, da vodimo računa i o tome u narednom periodu. Hvala.

NATAŠA PERIĆ

Hvala kolegi Hirkiću. Sljedeći za riječ se javio Elvir Bijedić. Neka se pripremi vijećnik Aleksandar Vujadinović.

ELVIR BIJEDIĆ

Zahvaljujem predsjedavajuća.

Dakle, i u Informaciji imamo rečenicu u kojoj stoji:

Da punkt Službe hitne medicinske pomoći istok sa jednim timom je u fazi završetka dakle, jako nas to raduje i to smo već u prethodnom, u prethodnim izlaganjima čuli.

Dakle, zanima me radno vrijeme da li je to dvadesetčetiri sa...? 24 sata radno vrijeme je tog punkta ovaj, dakle, opet kažem može se odgovoriti naravno ovaj, u pismenoj formi.

I da li...? Drugo pitanje je:

Da li je moguće organizovati isti takav punkt u zapadnom dijelu grada s obzirom na trenutni broj timova koji, kojim raspolaže hitna medic...Služba hitne medicinske pomoći, broj vozila, opreme, prostor itd.?

Ukoliko to trenutno nije moguće možemo ovaj, jednim zaključkom definisati da ovaj, nas menadžment izvijesti da nam da informaciju da li je moguće?

Ukoliko nije moguće šta je sme-tnja takvoj jednoj organizaciji punkta i na zapadnom, u zapadnom dijelu grada, s obzirom da znamo da Služba hitne medicinske pomoći reaguje praktički do, do Previla, ako se ne varam, dakle, cijeli taj zapadni dio grada i strana prema Srebreniku i ovamo? (SLAĐANA KRAJINA – Pa nek sve odgovori u sklopu.) Može da bude to informacija. Evo recimo zaključak da se odgovori. (SLAĐANA KRAJINA – Evo napisat ću ja zaključak.) Jeste. Okej. Toliko. Hvala ljepo.

NATAŠA PERIĆ

U redu. Hvala. Sljedeći za riječ se javio vijećnik Aleksandar Vujadinović. Neka se pripremi vijećnik Ćerim Rastoder. Izvolite.

ALEKSANDAR VUJADINOVIĆ – samostalni vijećnik

Pa evo moj kolega Nedim Bijedić i ja bi želili da čestitamo menadžmentu Doma zdravlja. Čitajući ovaj Izvještaj može se osjetiti ta energija koja postoji. Znači, ideje koje su postavljene kao neki ciljevi. Znači, entuzijizam postoji i mi im želimo znači, uspjeh u njihovoj realizaciji. Moje kolege prethodnici su mnogo toga rekli pa se ne bih ponavljao. Hvala.

NATAŠA PERIĆ

U redu. Hvala. Sljedeći za riječ se javio vijećnik Ćerim Rastoder.

ĆERIM RASTODER

Evo i ja ću reći nekoliko stvari. Kada god pričamo o Javnoj ustanovi Dom zdravlja moramo imati u vidu da se radi o jednoj najsloženijoj i najinteresantnoj Ustanovi za koje je vezano oko 99% građana.

I ja se pridružujem čestitkama i željama novom menadžmentu koji je nije nov i oni su bili do sada uposlenici dole onaj koji je preuzeo upravljanje i naravno svaka promjena treba da donese nešto dobro.

Prema ovome Izvještaju koji su nama oni dostavili, koji nosi naziv O IMPLEMENTACIJI CILJEVA ZA UNAPREĐENJE PROCESA RADA, PRUŽANJA ZDRAVSTVENIH USLUGA I TEHNIČKO-TEHNIČKE OPREMLJENOSTI USTANOVA može se vidjeti da su oni planirali dosta aktivnosti. Neke su već i realizovali kako bi se stanje popravilo. Ja nikad nisam ni prošli put govorio da je to stanje bilo na mrtvoj tačci itd. Nikad nije to tolko loše bilo vjerujte. Ovo je složena Ustanova koja ima dvadesetjednu-dvije koliko lokacija koja je jako zahtjeva. Iza nas je period i te korone bio itd. Tako da mislim da ovaj novi menadžment je malo otvoreniji i transparentniji što je vr-lo važno, jer ukoliko smo zatvoreni onda se stvara neka pogrešna slika. I evo ova hronologija događaja što su uradili znači, prvo što su anketirali svoje radnike, uposlenike šta je to šta treba uraditi, što treba promijeniti na jednoj osnovi hajde da kažem onaj, kolegijalnoj i stručnoj. Na osnovu tih anketa su donijeli svoje ciljeve i oni su ih ovdje istakli i naveli su koje su to aktivnosti koje će oni uraditi i vrlo je važno da su izvršili i naravno da vrše i sada konsultacije sa razno-raznim udruženjima, korisnicima ovaj, usluga Doma zdravlja. Nadam se da će i ovaj Zdravstveni savjet o kojem smo danas raspravljali imati dobru saradnju sa našim Domom zdravlja i da će to u narednom periodu ovaj, biti puno bolje.

Navedeno je ovdje dosta aktivnosti i evo po meni je dobra ova aktivnost što se planira da se oformi tim za djecu sa poteškoćama u razvoju. Da se priprema poseban ovaj akt vezano za položaj onkoloških pacijenata itd. itd.

Znači, sve u svemu ima dosta aktivnosti koji su oni naveli, transparentno je, idemo. Naš zadatak je da im pomognemo, da ne pričamo u negativnom kontekstu i da vidimo šta je to šta mi možemo pomoći. Koliko znam novi direktor je raspoložan da razgovara, da prima vijećnike i sve ostale onaj, koje, koji mogu doprinjeti, tako da evo mislim da, da smo na jednom dobrom putu da ma-lo onaj, popravimo stanje u Domu zdravlja.

Al opet naglašavam. Nije ono nikad bilo katastrofalno kako smo mi ovaj pojedinci htjeli da dokažemo znači, odnosno kako smo iznosili znači, problema je bilo. Da. I nadat se znači da,

da će to biti sada puno bolje i kvalitetnije i evo i ja još jednom čestitam direktoru na izboru i novom menadžmentu i evo tu smo da, da se uključimo svi kako bi ovaj segment od velike važnosti za građane bio što kvalitetniji i što bolji. Hvala.

NATAŠA PERIĆ

Hvala. Da li se još neko javlja? Ako ne, dajem po drugi put riječ vijećniku Hirkiću. Izvolite.

HASIB HIRKIĆ

Zahvaljujem. Kratko ću. Inicijativa za hitne pomoći koju već evo pokušavao sam od početka znači, svog mandata ukazivati na te, na te potrebe građana i zahvalio bih se menadžmentu da su to evo uspjeli riješiti i da će to evo na istočnom dijelu zaživiti ubrzo i da se već obezbjedio i prostor i sve.

Ali očekujem evo i u narednih par mjeseci da se riješi problem i zapada hitne pomoći ili tog mobilnog tima koji bi radio na tom zapadnom dijelu grada. Zahvaljujem još jednom.

NATAŠA PERIĆ

Hvala. Zaključujem raspravu vijećnika.

Konstatujem da je Gradsko vijeće Tuzla primilo k znanju ovdje piše izvještaja ono je trebalo pisati informacija, ali nema veze, radi se o informaciji DOMA ZDRAVLJA „DR. MUSTAFA ŠEHOVIĆ“ TUZLA O IMPLEMENTACIJI NOVIH STRATEŠKIH CILJEVA UNAPREĐENJA PROCESA RADA, PRUŽANJA ZDRAVSTVENIH USLUGA I TEHNIČKO-TEHNOLOŠKE OPREMLJENOSTI USTANOVE.

Zamoliti ću sekretara Gradskog vijeća da pročita zaključke proistekle iz rasprave i predlažem da glasamo u paketu.

SLAĐANA KRAJINA – sekretar Gradskog vijeća Tuzla

1. Gradsko vijeće Tuzla u potpunosti podržava aktivnosti koje, u proteklih nekoliko mjeseci, poduzima novi menadžment Javne zdravstveno nastavne ustanove Dom zdravlja „Dr. Mustafa Šehović“ Tuzla na implementaciji ciljeva za unapređenje procesa rada, pružanja zdravstvenih usluga i tehničko-tehnološke opremljenosti ustanove, a koje već imaju pozitivne i vidljive efekte i rezultate.

2. Gradsko vijeće Tuzla traži od menadžmenta Javne zdravstveno nastavne ustanove Dom zdravlja „Dr. Mustafa Šehović“ Tuzla da novoimenovani projektni tim Ustanove, ostvari potrebne kontakte sa Javnom ustanovom Tuzlanska razvojna agencija „TRAG“, odmah nakon njihovog otpočinjanja sa radom, kako bi im ova Ustanova, u budućem periodu, bila na usluzi i pružila pomoć prilikom apliciranja na različite projekte i javne pozive domaćih i međunarodnih tijela, agencija i fondova, na programe podrške viših nivoa vlasti i drugih dostupnih izvora finansiranja, prvenstveno projekata finansiranih odnosno sufinansiranih iz fondova Evropske unije i drugih domaćih i međunarodnih organizacija i fondova.

3. Gradsko vijeće Tuzla traži od menadžmenta Javne zdravstveno nastavne ustanove Dom zdravlja „Dr. Mustafa Šehović“ Tuzla da do naredne sjednice Gradskog vijeća Tuzla dostavi odgovore na pitanja vijećnika postavljena tokom rasprave. Traži se od Stručna služba Gradskog vijeća da izvod iz stenograma, u dijelu rasprave o Izvještaju Javne zdravstvene

nastavne ustanove Dom zdravlja „Dr. Mustafa Šehović“ Tuzla o implementaciji ciljeva za unapređenje procesa rada, pružanja zdravstvenih usluga i tehničko-tehnološke opremljenosti Ustanove, dostavi menadžmentu ove Ustanove.

NATAŠA PERIĆ

Hvala. Molim vijećnike da se izjasne o pročitanim zaključcima. Glasanje je okončano. Konstatujem da su pročitani zaključci usvojeni sa, 19 glasova za, nije bilo protiv i nije bilo suzdržanih.

Zahvaljujem se menadžmentu na dolasku. Slobodni ste.

Prelazimo na dvanaestu tačku:

RAZMATRANJE INFORMACIJE O PROJEKTU IZGRADNJE I REKONSTRUKCIJE CESTE ZA NASELJE MANDIĆI U MJESNOJ ZAJEDNICI TUŠANJ

Obrađivač: Služba za komunalne poslove, izgradnju i poslove mjesnih zajednica a materijal su razmatrali: Komisija za komunalne poslove i pitanja mjesnih zajednica i klubovi vijećnika.

Imal potrebe za uvodnim izlaganjem? (Nema.) Nema.

Imal potrebe da se pročitaju izvještaji komisija? (Nema.)

Otvaram raspravu klubova vijećnika. Vijećnica Sabiha Mujkanović Mujačić ispred Kluba samostalnih vijećnika. Izvolite.

SABIHA MUJKANOVIĆ MUJAČIĆ - zamjenik predsjedavajućeg Gradskog vijeća Tuzla -samostalni vijećnik

Zahvaljujem. Ja se stvarno nadam da je ovo zadnji put Informacija o realizaciji projekta izgradnje i rekonstrukcije ceste za naselje Mandići jer je ovo jedno deseta Informacija čiju realizaciju čekamo osam i pet godina, deset od prve inicijative, ali kao što vidite od 2015. godine kreditna sredstva se nalaze tu. Do današnjeg dana nije riješeno. Dakle, ono što me zanima...Odnosno prvo moram naglasiti da sve ovo što, što ću pitat najmanje se odnosi na pomoćnika gradonačelnika Službe za komunalna pitanja i pitanja mjesnih zajednica, jer je on tu nekoliko mjeseci i hvala mu na njegovoj želji da, da se riješi ovo pitanje konačno. Ono s čim se djelimično ne slažem u ovoj Informaciji je da je sve prebačeno na Rudnik soli, a to nije baš tako. Nije samo do Rudnika soli. 50% je do Rudnika soli, ali bogami i 50% to je i do tadašnje Službe za komunalne poslove i zbog toga i do današnjeg dana ovo pitanje nije riješno.

Evo vidimo ovdje da je 20. 11. jel tako? U prostorijama Rudnika soli održan taj zadnji radni sastanak i da je potpisan i zapisnik i u prisustvu građana iz Mandića kojim su propisani ciljevi i zadaci u narednom periodu.

Ono što bih ja pitala pomoćni-ka: Da li se započelo sa radovima i kada će se započeti? Koliko znam prvi zadatak iz tog zapisnika je rješavanje armirane betonske zaštite na raskrsnici Mandići u skladu sa projektnom dokumentacijom do granice sa Čehovićem. To je taj upitni imovinsko...To je taj upitni stambeno, stambeni objekat. Dio radova će se izvoditi odmah, a dio nakon uklanjanja bespravno postavljene kapije.

Dakle, mene zanima kada će se početi? Jer pema tom zapisniku već se trebalo jel tako početi? Pa zašto nije do sada i kada će se početi?

I zanima me koji je izvođač radova jer znamo da je to nekad bio Ešef-inžinjer, mislim da su se oni i zatvorili pa me zanima ko je izvođač radova i ko će vršiti nadzor radova?

I ovdje piše da je izdvojeno milion i stotinu hiljada konvertibilnih maraka, a danas je pomoćnica gradonačelnika za Budžet i finansije gospođa Suada Isaković rekla da cifru od milion i tristo hiljada konvertibilnih maraka.

U nadi da će se ovo riješiti evo voljela bi dobiti odgovor na ova pitanja. (NATAŠA PERIĆ – Jel to sve?) To je sve.

NATAŠA PERIĆ

Hvala kolegini Sabihi. Sljedeći za riječ se javio vijećnik Hirkić. Izvolite. Ispred Kluba samostalnih vijećnika. Jel uključen?

HASIB HIRKIĆ

Eh sad jeste. Zahvaljujem. Ja mislim da je ovdje došlo do velike zabune. Mislim moje lično mišljenje s obzirom da se 8 godina o ovome priča i da su mnoge političke partije pokušale ostvariti određene pojene ili glasove to kad im je...kad god im je trebalo.

Što se tiče puta za Mandiće mislim da su građani sve ove godine varani. Kako kojoj politici je dolazilo pod ruku i kako ko je mogu izmanipulisat građane, oni su dolazili i pokušavali riješiti taj problem da bi ostvarili neku korist. Da li je to korist na...al mislim da jest i to tvrdim, to se znalo onaj, dobro, dobro kanalisat. Tu su trebali glasovi, na taj način se i manipulisalo s ljudima.

Žalosno je, žalosno je da 8 godina se čeka na jedan projekat koji je sigurno mogao biti riješen. Zašto ovo govorim? Govorim iz razloga zato što su ljudi u, u Rudniku soli, mijenjali su se i direktori i postavljeni su i politički podobne osobe, pa neko iz osvete ne da nekome, nije glasao za ovog, nije za onog. To su stvari koje su se obile građanima o glavu. I mislim da ni-je Služba, niti Grad Tuzla baš toliko mogao ni uticati. Ja ovo, ja ovo govorim sa svoje neke tačke gledišta zato što znam. Obilazio sam gore, imam gore dosta prijatelja. Ima mi prijatelj gore i vikendicu i non stop sam gore na tom terenu.

Kroz razgovore sa ljudima definitivno su sada i oni se osvijestili i da skontali su da su ih čitavo vrijeme neko, neki politički podobni dolazili i pravili od njih moram tako reći, hajd da se ne izrazim kako ne treba. To je sve proizvod politike. Ovo sve što se je dešavalo 8 godina, ovo je proizvod politike. Ne može me niko ubijedit da nije. Gledamo svi jedni drugima u lice i to moramo svatit. Trebamo realno pokušati sagledati situaciju i gdje treba otvoriti vrata, pokušati riješit problem tih građana, pokušati dat prostora Službi da i oni urade ono što mogu uraditi. A evo vidimo već ako su pokretali i ako rade...Mislim da gospodin Miralem na čelu ove Službe može toga puno riješit i da će sigurno riješit, ali da trebamo sada na neki način to gledati da, da je, da tražimo krivca u nama. Mislim da u nama najviše sad tražimo krivce, jer mi smo Gradski vijećnici, zastupamo interese građana. Služba ova koja radi ona je počinjena, bar tako kažem nama, al ako se vratimo unazad 8 godina vidjet ćemo samo ovo sve što se je radilo proizvod politike i da su lju-di čitavo vrijeme bi-li izvarani. Hvala.

NATAŠA PERIĆ

U redu. Hvala.

Zaključujem raspravu klubova vijećnika.

Otvaram raspravu vijećnika.

Zatvaram raspravu vijećnika.

Konstatujem da je Gradsko vijeće Tuzla primilo k znanju INFORMACIJU O PROJEKTU IZGRADNJE I REKONSTRUKCIJE CESTE ZA NASELJE MANDIĆI U MJESNOJ ZAJEDNICI TUŠANJ. (vijećnik Sabiha Mujkanović Mujačić govori bez uključenog mikrofona op.a.) Dobro. Odgovorit će. Aha. Okej. Miraleme možetel odgovoriti na pitanja koja je koleginica Sabiha postavila? Izvinjavam se. Samo na ova pitanja konkretno.

**MIRALEM MULAĆ - pomoćnik gradonačelnika za Službu
za komunalne poslove, izgradnju
i poslove mjesnih zajednica**

Evo ja vas sve pozdravljam. (NATAŠA PERIĆ – Mislim kratko.) Dobro. Da bi se odgovorilo konkretno na pitanja moram neke konstatacije reći. Evo mi spominjemo 8 godina traje ova procedura tj. ovo datumski, ali generalno mi od trenutka dobijanja pravosnažne građevinske dozvole koja je dobijena 26. 09. 2022. godine smatramo početak radova, jer u prethodnom periodu morali su uraditi glavne projekte itd.

Još trebam reći da trasa puta znači, mi kod druge kapije kasa...ove druge kapije rudnika ulazi, ide kroz krug, jedna trećina dužine je u kompleksu kruga, dalje, prolazi sjevernom granicom i prolazi trasom kroz koridore sonovoda i cjevovoda vezano za tehnološku vodu i dolazi do raskrsnice. Ukupna dužina je 742 metra.

Ovdje moram jedan detalj, detalj reći. Da bi se znači, dobila pravosnažna, odnosno dobilo odobrenje za gradnju mi, Grad Tuzla je potpisalo eto taj Ugovor o međusobnim pravima i obavezama između rudnika i Grada Tuzle i mi smo imali i tačku (NATAŠA PERIĆ – Molim tišine malo.) 5. stav 6 gdje je striktno zahtjevano da se sa radovima krene od raskrsnice prema, prema početku, odnosno od kraja prema početku u cilju zaštite, zaštite određenih cjevovoda.

Ovdje želim istaći, evo bilo je pitanje. Znači, mi smo potpisali sa izvođačem radova u prethodnom periodu imamo 2 LOT-a. LOT 1 je most koji čini...vrijednost 150 hiljada preko Tušanjskog potoka i imamo ovaj LOT 2 to je ova cesta u ovoj dužini. Ovamo izvođač radova na mostu ovaj, Cestotehnik, a ovdje je grupa ponuđača „S.E-Sarajka“ Živinice, Termovent Živinice, Gramat d.o.o. Gračanica i oni u ugovoru imaju 180 kalendarskih dana da se završi, završi ovaj posao.

Gledajte, ovdje imamo određene segmente. Ukupna vrijednost radova na zaštiti sonovoda gdje se moraju mijenjati cijevi, postavljati one kako da kažem betonska, betonska korita gdje bi se zaštitile, odozgo poklopce je 370 hiljada i kada uzmemo 150 hiljada most to je 520 hiljada sa-mo na zaš-ti-ti i poč-e-tku radova na ovoj, ovoj, ovoj putnoj dionici.

Evo da se...Ima u ovoj Informaciji kad smo pokušali, evo od zaključka bi reko Gradskog vijeća koji je bio 16. 06. 2023. Mi smo u dva-tri navrata željeli da kao Grad il odnosno zajedno sa izvođačima pokrenemo se sa ove krajnje tačke da ispunimo te uslove. Međutim, evo imate tu da ne, ne govorim šta, šta se sve dešavalo i nama su evo obustavljeni radovi 21. 07. 2023. tu su naravno i uz asistenciju policije i svega toga šta se dešavalo. Po meni zadnji sastanak koji je održan 20. 11. 2023., to je znači nedavno u Rudniku soli dao određene, određene smjernice da bi mogli, mogli doći, doći do realizacije ovog uslova. Jer mi ovdje smo potpisali određene zaključke, evo tu su svi ko je to podnesen i uslovnom rečeno nam je po dogovoru da prve tri tačke ako mi riješimo, to je raskrsnica na samom onom putu, zatim druga tačka je iza spornih lokacija Damadžić - Čehović i treća je znači, da mi idemo u onome dijelu prema AKM-u onome što ima onaj poslovni svoj objekat. I kada mi...Tu će naravno biti nadzor, izvođači radova i, i generalno, generalno ovaj, stručni tim rudnika, rudnika koji treba da uslovno rečeno nam potvrdi da smo mi ispunili određene uslove iz ugovora bro...ono tačke 5. stav 6. i da smo evo na neki način poka-zali da ćemo mi zaštititi određeni cjevovod i da možemo onda ulaziti u sami krug rudnika, Rudnika soli.

Takođe je dogovorom...Mora...mora...Mi smo strašno izloženi, ajde mi možemo, podnosimo mi te pritiske jer, jer znamo da smo što kaže u pravu i znamo da profesionalno hoćemo da odradimo ovo. Znači, dogovor takođe na sastanku, a ovo je vrlo bitno. Znači, da samo ovi lice koji učestvuju u izgradnji...Imamo mi i građana koji bi volili biti i projektanti i nadzor i, i sve živo i daju nam rješenja i jednostavno prave nam određene pometnje u tom dijelu. Znači, striktno je ovdje izvođač, nadzor, koordinatori ispred Službe za komunalne poslove i ovaj, stručni tim rudnika Rudnika soli. I ako bude tako mi, mi ćemo taj posao evo završavati po dogovoru. Danas smo imali sastanak, jutros sa izvođačima koji je evo bio dogovoren u petak međutim, nije se mogao organizovati, dvadesetosmog znači, sutra je dogovoreno da krećemo istovremeno na te tri tačke. Znači, raskrsnica...Hoću da kažem da već su, građani su malo za...Nemaju dovoljno informacija. Mi kad pravimo raskope znači, mi moramo definisati mimo projekta određeni...Imaju različitih kalupa tih, zaštite tog cjevovoda. Na licu mjesta mi moramo to otkriti, definisati i tak i onda izvođač dobije nalog da u svojoj hali napravi te montažne elemente i da ih samo onda dovučemo na lice mjesta i ugradimo. I građani vide mi uradili raskop, povukli se i ništa ne radi se. Evo znači, već je dat nalog da se rade ovi elementi za raskrsnicu, dat je nalog da se sutra rade raskopi, ponovno iskolčavanje dijela trase, jer su počupane od strane ili građana ili ne znam čega, šta se sve dešavalo. Morat ćemo taj dio iskolčit. Hoću da kažem da istovremeno napadamo tri tačke koji su dogovorene, dogovorene od strane evo svih ovih koji su prisustvovali na sastanku.

Moram ovdje još na kraju naglasiti da ni-je istina da Grad Tuzla, odnosno Služba ništa ne čini u smislu ne provodi određene aktivnosti na realizaciji ovog projekta i nije istina, daju se paušalne informacije da smo ve-ć platili određene sume novca izvođačima radova, da, da su potrošeni novci itd. Znači, ni jedna situacija ni-je ni ispostavljena niti je, niti je plaćena, jer nismo bili u mogućnosti realizovati posao. Znači, posle ovoga, znači ove tri tačke Rudnik je..evo po ovim potpisima do-zvolio da možemo ući, ući u, u krug Rudnika soli i da ćemo moći završavati poso. Samo iskreno me-ne ne, ne znam šta znači polazak sa gornje tačke kad mi izdvajamo 33%, 33% ugovorenog posla na zaštitu cjevovoda. Znači, mi ti-me rudniku, rudniku što bi on trebao da odradi recimo zaštitu i zamjenu cjevovoda koja je u lošem stanju i imamo informacije da već trebaju to oni da, da mijenjaju bez obzira na ovo, al evo poklopile su se neke karte koje bi, koje, koje trebamo da...I nije mi jasno zašto se...Mi smo mogli već krenuti sa mostom, mogli smo krenut, ali evo ispoštovat ćemo Ugovor onaj član 5. stav 6. da krenemo iz pravca Rasovca prema, prema rudniku, Rudniku soli. (NATAŠA PERIĆ – U redu.) I nadam se ako ne bude uslovno rečeno miješanja bilo koga znači, se-m izvođača, nadzora, projektanata i ovog, da mi sa rudnikom u smislu rješavamo ovo kako smo dogovorili na sastanku. Evo. (NATAŠA PERIĆ – U redu. Hvala vam Miraleme.) Ako ima pitanja? To je.

NATAŠA PERIĆ

Nema više pitanja.

Konstatujem da je Gradsko vijeće Tuzla primilo k znanju INFORMACIJU O PROJEKTU IZGRADNJE I REKONSTRUKCIJE CESTE ZA NASELJE MANDIĆI U MJESNOJ ZAJEDNICI TUŠANJ.

Prelazimo na trinaestu tačku Dnevnoga reda:

INICIJATIVA ZA DONOŠENJE ZAKONA O IZMJENI ZAKONA O OBRTU I SRODNIM DJELATNOSTIMA

Predlagač je gradonačelnik.

Obrađivač: Služba za inspekcijske poslove.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Imal potrebe za uvodnim izlaganjem? Nema.

Imal potrebe da se pročitaju izvještaji komisija? Nema.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Vijećnik Anel Ibeljić. Izvolite.

ANEL IBELJIĆ

Pa ja stvarno osjećam potrebu da pohvalim ovaj, (NATAŠA PERIĆ – Inicijativu.) ovaj prijedlog i inicijativu koja je došla. Mislim, svakako oni koji se susreću i koji rade (NATAŠA PERIĆ – Molim tišine malo.) koji rade ovaj, sa ovim zakonom koji rade inspekcijske nadzore znaju kakvih problema imaju. (NATAŠA PERIĆ – Molim vas malo tišine i strpljenja.) I evo stvarno mnogo mi je drago što su uzeli aktivno učešće i što je upravo inicijativa ova potekla od njih. Hvala.

NATAŠA PERIĆ

U redu. Hvala kolegi Ibeljiću.

Zaključujem raspravu vijećnika.

Stavljam na izjašnjavanje INICIJATIVU ZA DONOŠENJE ZAKONA O IZMJENI ZAKONA O OBRTU I SRODNIM DJELATNOSTIMA. Molim vijećnike da se izjasne. Glasanje je okončano.

Konstatujem da je INICIJATIVA ZA DONOŠENJE ZAKONA O IZMJENI ZAKONA O OBRTU I SRODNIM DJELATNOSTIMA usvojena sa,
20 glasova za, nije bilo protiv i nije bilo suzdržanih.

Tačka četrnaest:

RASPRAVA O NACRTU ZAKONA O MUZEJSKOJ DJELATNOSTI

Obrađivač: Ministarstvo za kulturu, sport i mlade Tuzlanskog kantona a materijal su razmatrali: Komisija za kulturu i očuvanje kulturno-historijskog i prirodnog naslijeđa i klubovi vijećnika.

Obavještavam vijećnike da je poziv za današnju sjednicu upućen Ministarstvu za kulturu, sport i mlade Tuzlanskog kantona. Al kolko vidim nije niko došao. (SLAĐANA KRAJINA – Nema. Nema.)

Takođe obavještavam vijećnike da je Kolegij gradonačelnika zaključkom zadužio Službu za kulturu, sport, mlade i socijalnu zaštitu da razmotri Nacrt Zakona o muzejskoj djelatnosti te da eventualne primjedbe, prijedloge i sugestije uputi Gradskom vijeću.

U materijalu podijeljenom neposredno pred početak današnje sjednice dobili ste i akt Službe za kulturu, sport, mlade i socijalnu zaštitu, broj 17-547-23-MI od 22. 11. 2023. kojom informišu Gradsko vijeće da su razmotrili Nacrt Zakona o muzejskoj djelatnosti te da nemaju primjedbi, niti sugestija.

Da li ima potrebe za uvodnim izlaganjem? (Nema.)

Da li ima potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Ja ću samo reći da je ovaj Zakon, ovaj Nacrt Zakona o muzejskoj djelatnosti radio Muzej istočne Bosne koleginica koja je stručna. Ima već preko 30 godina radnog iskustva, tako da je Ministarstvo nju angažovalo pri izradi ovog Zakona.

Zaključujem raspravu klubova vijećnika i konstatujem da je GRADSKO VIJEĆE TUZLA RAZMATRALO NACRT ZAKONA O MUZEJSKOJ DJELATNOSTI, te da nema primjedbi, prijedloga niti sugestija na navedeni Nacrt Zakona.

Prelazimo na petnaestu tačku:

RAZMATRANJE IZVJEŠTAJA KOMISIJE ZA IZBOR I IMENOVANJA

Zamoliti ću sekretara Slađanu Krajinu da pročita prijedloge.

SLAĐANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Kluba samostalnih vijećnika za izmjenu člana Savjeta Mjesne zajednice Lipnica, te je usvojila sljedeći zaključak:

Komisija za izbor i imenovanja je razmatrala, te Gradskom vijeću Tuzla na izjašnjavanje upućuje prijedlog Kluba samostalnih vijećnika, da se:

- Adnan Bajrić razrješi dužnosti člana Savjeta Mjesne zajednice Lipnica,
- a da se na dužnost člana Savjeta Mjesne zajednice Lipnica izabere Nasiha Bajrić.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani prijedlog usvojen sa,

19 glasova za, 2 su bila protiv i niko suzdržan. Izvolite.

SLAĐANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Nedima Bijedića, samostalnog vijećnika, za izmjenu člana Savjeta Mjesne zajednice Srednja Lipnica, te je usvojila sljedeći zaključak:

Komisija za izbor i imenovanja je razmotrila, te Gradskom vijeću Tuzla na izjašnjavanje upućuje prijedlog Nedima Bijedića, samostalnog vijećnika, da se:

- Muris Husagić razrješi dužnosti člana Savjeta Mjesne zajednice Srednja Lipnica,
- a da se na dužnost člana Savjeta Mjesne zajednice Srednja Lipnica izabere Damir Delić.

NATAŠA PERIĆ

Molim vijećnike da se izjasne. Glasanje je okončano.
Konstatujem da je pročitani prijedlog usvojen sa,
19 glasova za, 2 su bila protiv i niko nije bio suzdržan.

Molim još malo strpljenja. (SLAĐANA KRAJINA – To je to.) To je to.

Tačka šesnaest:

Pod TEKUĆIM PITANJIMA imamo:

**Obavještenje Službe za prostorno uređenje i zaštitu okoline o razlozima
prolongiranja izrade Izvještaja o stanju u prostoru Grada Tuzla.**

Obrađivač: Služba za prostorno uređenje i zaštitu okoline, a materijal su razmatrali:
Klubovi vijećnika.

**Konstatujem da je Gradsko vijeće primilo k znanju Obavještenje Službe za
prostorno uređenje i zaštitu okoline o razlozima prolongiranja izrade Izvještaja o stanju
u prostoru Grada Tuzla i ovim zaključujem sjednicu Gradskog vijeća. Vidimo se 20.
decembra.**

(S obzirom da je Dnevni red iscrpljen i 33. redovna sjednica Gradskog vijeća Tuzla
zaključena ista je završena u 16:11 sati.)

STENOGRAM SAČINILI:**Selma Šehić****Jasminka Delalić****P R E D S J E D A V A J U Ć I****Nataša Perić, prof. s.r.**